




লাবণ্যই সৌন্দর্যের ভিত্তি

মহিলাটি যেখানে যান, সেখানেই তিনি সকলের দৃষ্টি আকর্ষণ করেন। অবশ্য তাঁহার সৌন্দর্য্য যে এমন কিছু অননুসাধারণ, তাহা নহে। তবে এই বৈশিষ্ট্যের কারণ কি? খুলিয়া বলাই ভাল! সর্বদাই তাঁহার প্রফুল্ল ও তাজাতাব থাকায় তাঁহাকে বেশ সজীব দেখায়; সারাদিন যতই গরম থাকুক না কেন, তাঁহাকে দেখিলেই মন হয়। এই মাত্র তিনি প্রসাধন সম্পন্ন করিয়া : সিসেন—তাঁহার কুকুতি,

চতুর্বিপত্ত


বিষয়	লেখক	পৃষ্ঠা	বিষয়	লেখক	পৃষ্ঠা
(অ) পকেট মাইক্রফোন	...	৪০৯	৩৬। অস্বীকার (উপভাষা)	...	৪৮০
(ঝ) অগ্নি-নির্বাণ	...	ঐ	শ্রীসৌরীন্দ্রমোহন মুখোপাধ্যায়	...	৪৮০
(ঞ) বর্ষায় পদমর্যাদা-রক্ষা	...	৪১০	৩৭। আন্তর্জাতিক পরিস্থিতি (রাজনৈতিক)	...	৪৮১
(ট) পথে তৈল-দান	...	ঐ	শ্রীঅতুল দত্ত	...	৪৮১
(ঠ) পারিবারিক চক্রযান	...	ঐ	৩৮। আষাঢ় গগনে (কবিবিতা)	শ্রীনকুলেশ্বর পাণ্ডা	৪৯৭
২৩। কুশি-শিগ্ন-বাণিজ্য —			৩৯। সাম্বন্ধিক প্রসঙ্গ —		
(ক) বাঙ্গালায় খদির-শিল্পের অভাব (প্রবন্ধ)	শ্রীহেমচন্দ্র রায়	৪১১	(ক) সাহায্য-গ্রহণে সাম্প্রদায়িকতা	...	৪৯৮
২৪। আশাদের জীবন (কবিবিতা)	...	৪১২	(খ) রথানী ও দারিদ্র্য	...	ঐ
শ্রীসৌরীন্দ্রমোহন মুখোপাধ্যায়	...	৪১২	(গ) বাঙ্গালী পাইলট-অফিসার নিহতে	...	৪৯৯
২৫। বর্ণ-রহস্য (প্রবন্ধ)	শ্রীনিকুঞ্জবিহারী দত্ত	৪১৩	(ঘ) বাঙ্গালায় আকাল	...	ঐ
২৬। দেওবন্দ —			(ঙ) লোক-গণনায় অনাচার	...	ঐ
(ক) শ্রীগৌরাঙ্গ মহাশয় ও বিষ্ণুপ্রিয়া (প্রবন্ধ)	...	৪১৮	(চ) রবীন্দ্রনাথের হীরক-জয়ন্তী	...	৫০০
শ্রীবীরেন্দ্রনাথ ভট্টাচার্য (এম-এ, বিজ্ঞানস্নাতক)	৪১৮		(ছ) পূর্বভারত রাষ্ট্রীয় ভাষা-সম্মেলন	...	৫০১
২৭। কবিবিতা (কবিবিতা)	শ্রীকালিদাস রায়	৪২০	(জ) ঢাকাই তদন্ত-কমিটি	...	ঐ
			(ঝ)

নিরীক্ষার প্রয়োজন নেই



এভাবে চলা-অসম্ভব, ভাই। আজ ছ'মাস ধরে তুমি বেকার। তোমার ও তোমার পরিবারের ভরণপোষণ চিরদিন আশ্রয় করতে পারি না।

এই ক্রান্তি ঘূর্ণ করতে হ'ত। যতদিন আমার এই অবস্থা ও নিরীক্ষা যতদিন কাজ পানার মাথা নেই।



(মনে মনে)

সবদাই এত কষ্টে বোধ করি কেন? কোন কাজ পেলেও তা করতে পারব না—আমাদের উচ্চশিক্ষিত কিন্তু এখন সেরা অবস্থা অথবা কোন গতি-ই নেই। কালই ডাঙাচ ডাঙাচ।



সম্প্রদ পরে

হু-বব্ব! ইনসিওরেন্স কোম্পানির সেই কাজটা পেয়েছি—আর যদিও বা অল্প করেছিলম তবুও চেহেতে বের হই।

অভিনন্দন জানাচ্ছি! তুমি কে বকস উচ্চশিক্ষিত জাতিতে বড় হতে পারবে।



হরলিক্স অবশ্যপক্ষে শক্তিতে পরিপূর্ণ করে কারণ ইহার পাতকরা পাতলাগই পুষ্টিকর। ইহা নবনীপূর্ণ গোছিত এক জল ও পানীয় পুষ্টিকর সারাংশে প্রস্তুত। ইহাতে বেতসাহ নাই। হরলিক্স প্রস্তুত করিতে সর্বদাই কাচের হরলিক্স বিয়ার ব্যবহার করিবেন। সকল হরলিক্স বিক্রেতাই কাচের পাতকরা বাব।

ব্রহ্ম
কল

১৯৩৩

কি

SITUATIONS VACANT
 SALESMAN WITH
 of testimonials to list
 initiative and
 firm of us
 and reputable
 Bazaar Sale
 or at least
 able to take
 and conduct
 refer with
 to Box 4001




আপনার কর্মকর্তার
 দেখে গল্প হয়েছিল
 বলেই আপনাকে ডেকে
 পাঠিয়েছিল। কিন্তু এখন
 দেখা যাচ্ছে যে এ'কার
 কবর মত হয়ে উঠল
 ও এদের আগনার মধ্যে
 বেই! এ'কার আমি আর
 করিক বেব ঠিক করছি।

CLERK WANTED: EMERGENCY
 young man with experience of office
 work. Permanent post with prospects
 suitable applicant. Apply stating
 qualifications, experience and salary
 requirements to Box 4001

WANTED AN EXPERIENCED
 plant with practical experience and
 least 2 years. Apply
 with copies of
 testimonials to Box 4001

তুমিই হইবে বলিলে



এক সকারি কর্মসূচ
 বোধ করি। এসবকিছু
 থেকে উঠেও যায় থাকি।

আপনার উপসর্গ আমি খুব
 কেটেছি—এ 'কম্বোকে দুর্ভাগ্য'
 হাঙ্গর আর কিছুই নয়। বোঝা যাচ্ছে যে সারানিমের
 পরিভাষে আপনার যে শক্তি কম হয় বাজার নিয়াক
 তার পূরন হয় না। আপনি হরলিক্স খান কারন
 এ যে শক্তি ও উচ্চম আবার গড়ে তোলে তা
 কর ও অভ্যস্ত করণের সহ রোগীর ক্ষেত্রে প্রমাণিত
 হয়েছে। শোখার আগে থেকে নিলে
 হরলিক্স আপনার দুখের মধ্যেই
 পড়িন সকার করবে।

হরলিক্স গা ছে
 নবীন উদয়
 ত্রাশনির্ভর

অপুখের মধ্যে এক
 আরোগ্যের পথে কিবা
 বধন আপনার ক্লান্তি ও
 অবসার বোধ হইবে


হরলিক্স

ইহা আপনাকে 'প্রত্যয়ের দুখ' হইতে
 করিবে। আপনার হুম্বা হইবে, যা পিতৃকেন
 যোগ করিবে এক শক্তি ও সার্বভূমি।

২৯।	মেষদূত (প্রবন্ধ)	শ্রীমণীন্দ্রনাথ চক্রবর্তী এম-এ	৪২৭
৩০।	অশ্বাশ্ব্য ও জৌন্দর্য্য—		
	(ক)	তথী শ্যামা	... ৪২৯
	(খ)	অম্বুদ্বিগ্ন মন	... ৪৩১
৩১।	ত্রিধারা (উপগ্ৰাস)	শ্রীমতী মায়াদেবী বসু	৪৩৩
৩২।	অারব-ইরাক-ইরাণ-দামাঙ্কাস-মিশর	(সচিত্র প্রবন্ধ)	৪৪৭
৩৩।	বরষা (কবিতা)	শ্রীঅনিলকুমার বিশ্বাস	৪৬৮
৩৪।	ছোটিদের আসন্ন—		
	(ক)	নির্ধাসিতা রাস্ককত্তা (রূপকথা)	
		গল্পদাতৃ ...	৪৬৯
	(খ)	কালো গোলাপ	
		(সচিত্র বৈজ্ঞানিক নিবন্ধ)	৪৭৪
৩৫।	বিক্রমকর আইন (প্রবন্ধ),		
	শ্রীসত্যেন্দ্রনাথ বসু (এম-এ, বি-এল) ...		৪৭৭

(চ)	কোফরতের বাহাদুরা	... ৫০৩
(চ)	সিদ্ধিয়া জাহাঙ্গ-নির্মাণ কারখানার	
	প্রতিষ্ঠান	... ৫০৩
(ড)	কুমারী রাধবোনের পত্র	... ৫০৬
(ঢ)	রবীন্দ্রনাথের উত্তর	... ৫০৬
(গ)	রাধবোনের উত্তর	... ৫০৪
(ত)	বুটিশ-মহিলাগণের আবেদন	... ৫০৬
(থ)	দাশুদায়িক সম্রাট মিং: কুপাঙ্গনী	৫০৫
(দ)	কেন্দ্রী ব্যবস্থা পরিষদের পরামর্ষ বুদ্ধি	৫০৬
(ধ)	মাধ্যমিক শিক্ষা-বিদ্য	... ৫০৬
(ন)	ভারতে প্রস্তুত বিমান	... ৫০৬
(প)	বুটিশ পার্লামেন্টে ভারত-কথা	... ৫০৬
(ফ)	সতীশচন্দ্র শর্মা	... ৫০৭
(ব)	স্বর্গীয় গুরুদয় দত্ত	... ৫০৬
(ভ)	সি, ওয়াই, চিত্তামণি পরলোকে ...	৫০৮

ঠাহার সৌন্দর্য্য সাধনের. গোপন উপায়। দীর্ঘকাল
 বিলাসাদ্বয়ে মান করিয়াও শরীর সারাদিন যত তাজা
 রাখা যায় না, কোটি ইউ-ডি-কলোন তাহা পারে—ইহাই
 ঠাহার অভিজ্ঞতা। তিনি কখনও এই জিনিষটিকে
 ব্যবহেলা করেন না। স্নানান্তে সৰ্বদাই ও সৰ্বত্র
 ইহা ব্যবহার করা তিনি কর্তব্য বলিয়া মনে করেন।
 আর এইজন্মই সারাদিন সকলের দৃষ্টি আকর্ষণযোগ্য
 প্রকৃষ্টতা ও সৌন্দর্য্য ঠাহার অটুট থাকে।



কোটি ইউ-ডি-কলোন EAU DE COLOGNE
 (কৰ্ডন রুজ) (Cordon Rouge)

চিঠি লিখিলে মূল্য তালিকা পাঠানো হয়।

বেকাতি (ইংল্যাণ্ড) লিমিটেডের
 সোল এজেন্টস্—এম, জি, সাহনি এণ্ড কোং, করাচী

		অনুমানিক নম্বা		
১৩।	বখারের শব্দ	...	৩৭২	
১৪।	কেশ-কুঞ্চন টুপি	...	৪০৭	
১৫।	মশা-মারা গাড়ী	...	৪০৮	
১৬।	আরক-বর্ষণ	...	ঐ	
১৭।	ফলে যোনের প্রবেশ	...	ঐ	
১৮।	বোতল-দেওয়াল	...	ঐ	
১৯।	শয্যা-ট্রেনার	...	৪০৯	
২০।	পিপায় শিশু-শয্যা	...	ঐ	
২১।	নন্দদানী মাইক্রোফোন	...	ঐ	
২২।	আলুন নেবানো বোমা	...	ঐ	
২৩।	পা-ঢাকা	...	৪১০	
২৪।	পথে তেল ঢালা	...	ঐ	
২৫।	চক্রযানের উন্নত সংস্করণ	...	ঐ	
২৬।	জান-পা জান দিকে ছুঁলির	...	৪২৯	
২৭।	কোষর হুঁতে হুঁয়া	...	ঐ	
২৮।	হুঁ-হাত হুঁ-পা এক করিয়া	...	৪৩০	
<hr/>				
৪৫।	সিনাই পর্বত	...	ঐ	
৪৬।	জাটনিয়ারের চাৰ্চ	...	৪৫৪	
৪৭।	সামসুন ও মার্জিবানের মধ্যে	...	ঐ	
৪৮।	বরফে ঢাকা জেফশালেম	...	৪৫৫	
৪৯।	আম্মাণ বয়-কাউন্ট—সিরিয়া	...	ঐ	
৫০।	মরু-পথেয় পথিক	...	৪৫৬	
৫১।	থৌক এ্যাম্পি-থিয়েটারের ধ্বংসাবশেষ	...	ঐ	
৫২।	মরুর বুকে ঝাঁধি	...	৪৫৭	
৫৩।	মধ্য যুগের তুর্কি-হুর্গা—এজেন্ট	...	ঐ	
৫৪।	ক্ষেতে অভদ্র দেওয়া	...	৪৫৮	
৫৫।	টাইতিস্ হুঁফ্রিটেশ নৌকা	...	ঐ	
৫৬।	সেজকুকদের প্রাসাদ-স্মৃতি	...	৪৫৯	
৫৭।	দায়া খেজা	...	ঐ	
৫৮।	উপাসনা-বেদী	...	৪৬০	
৫৯।	আনাতেজিয়ার গরুর গাড়ী	...	ঐ	
৬০।	কৈকেবাদের আমলের কেল্লা	...	৪৬১	
৬১।	আম্মানী মেয়েরা	...	ঐ	

ছোট আকাশ

ছোট আকাশ আশু চট্টোপাধ্যায়

অগ্রগতি পাব্লিশিং ওয়ার্কস্
পি ৪০৯ মুদিয়ালি রোড , কলিকাতা

প্রথম সংস্করণ

শ্রাবণ ১৩৪৭

আগষ্ট ১৯৪০

৫৭১

দাম : পাঁচ টাকা

পি ৫০৯ মুদ্রিয়ালি বোডে অগ্রগতি প্রিন্টিং
এ্যাণ্ড পাব্লিশিং ওয়ার্কস্ থেকে লেখকের
দ্বারা মুদ্রিত ও প্রকাশিত।

সাহিত্যিক শান্তিরক্ষক

পঞ্চানন ঘোষাল

প্রিয়বরেষু

কামনাশীল
ভাঙ্গ সংখ্যা
পরিগ্রহণ সংখ্যা
পরিগ্রহণের তারিখ

আশু চট্টোপাধ্যায়ের —

ধরা-ছোঁয়ার বাইরে (উপন্যাস)

ভাল নয়, মন্দ নয় (উপন্যাস)

স্বামী নেই বাড়ী (গল্প সংগ্রহ)

প্রেমের কবিতা (কবিতা সংগ্রহ)

সারাদিনেব অবিশ্রান্ত পরিশ্রমেব পব তথাগতের মন ক্রান্তিতে বিরস হযে ছিল। তথাগত বা সন্ট, বললে যাকে অতি সহজে চেনা যাবে, সেই হালআমলের কলকাতার ক্যামান-দুবস্ত পরি-মণ্ডলের নেতৃস্থানীয় পবম চালিয়াং সন্ট, সারা দুপুরটা মনোজগতে পাখচাবী করে' বেডায়। তাব মগজের মর্মান্তিক মারণাস্ত্রগুলি কয়েকটি দুর্দ্বর্ষ পুস্তকের আকারে আত্মপ্রকাশ করে' ইতি-মধ্যে বাঙালীর নিরুপদ্রব নিদ্রাকাতর আবহাওয়ায আবর্তের সৃষ্টি করেছে। সন্টব লেখা প্রতিটি লাইন স্পষ্টবাদিতায় স্মৃতিস্ক। তাব লেখা সব সাময়িক পত্র প্রকাশ করতে সাহস পায় না। তাব সঙ্গে আলোচনা করতে সেবা তর্কবাগীষবাও ভয় পায়।

এক কথায় কলকাতাব বহু কেন্দ্রে আলাপ আলোচনার বিষয়বস্তু সুপ্রসিদ্ধ সন্ট একদা কোনো একটি বিকেলে অত্যন্ত মানসিক ক্রান্তি অনুভব করল। কেমন একটা অস্বস্তিকর অসহায় ক্রান্তি, শীতের বিকেলে যে-ক্রান্তিব কোনো মানে হয় না। বিশেষ করে' সেদিন যখন একটা পৈশাচিক ধোঁয়ায় শ্বাসরুদ্ধ হবার সম্ভাবনা হয়নি। কেমন একটা অপ্রীতিকর শৈথিল্য যার হাত থেকে সহজে পরিত্রাণ পাওয়া যায় না। গোধুলির প্রতিটি রঙিন মুহূর্তের চারপাশে সে-ক্রান্তি কতকগুলি শীর্ণ কঙ্কালসাব আঙুল চালিয়ে দিয়ে তার গৌরবকে অতি কদর্যভাবে গ্রাস করতে চায়।

চাকরকে ডেকে চায়ের অর্ডার দিয়ে সন্ট কোনো একটি

ফিলো ভান্স পুস্তকে মন দেবার চেষ্টা করল। সে জানত, এবং সে এর আগে বহুবার দেখেছে যে সেই সুপ্রসিদ্ধ ডিটেক্টিভের কার্যকলাপে মনসংযোগ করতে পারলে পরবর্তী পৃষ্ঠাগুলির হাত থেকে আর পরিত্রাণ নেই। তার মত শিক্ষাগ্রস্ত লোকের পক্ষে ডিটেক্টিভ উপন্যাস পড়ার অশোভনতা তাকে বহুবার অনেকে চোখে আঙুল দিয়ে দেখিয়ে দেবার চেষ্টা করেছে, কিন্তু বিশেষ কোনো ফল হয়নি। সন্টুব সুদৃঢ় ধারণা, মগজকে মরচে তুলে ধারাল করতে হলে' ভ্যান্ ডাইনের লেখা প্রথম শ্রেণীর ডিটেক্টিভ উপন্যাস পড়তে হয়ই। তাহলে কথায় বার্তার চাল-চলনে একটি তীক্ষ্ণ সূক্ষ্মশ্রুতি আসে। বাঙালী-জনস্বলভ শিথিল ভাবানুভূতির হাত থেকে আত্মরক্ষা করা যায়।

এইখানেই বলে রাখা ভাল যে সন্টুব বাঙালীদের সূক্ষ্ম দেখতে পারে না। অবশ্য ভারতবর্ষের একমাত্র সভ্য জাত যে নিঃসংশয়ে বাঙালী একথা সে বহুবাব তর্ক করে' বুঝিয়ে দিয়েছে। তবু তার ইউরোপীয় বৈজ্ঞানিক মন বাঙালীর কয়েকটি মারাত্মক ত্রুটি কিছুতেই সহ করতে পারেনা। তাই যে-কোনো স্বদেশ-বাসীর ওপর তার সব সময় একটা উদ্ধত অবজ্ঞা। তার এই স্পর্ধাদৃষ্ট উন্নাসিকতা যে শুধু পুরুষ-জগতেই সীমাবদ্ধ ছিল তা নয়। এদেশের মেয়েরা যে পুরুষদের চেয়ে খেলো একথা বোঝাবার জগ্রে তর্ক করতেও সে লজ্জা পেত।

ওপর ওপর দুকাপ চা খাওয়ার পরও যখন তার মনেব দিগন্তে একটুও বাতাস বইলনা, তখন সে ফিলো ভান্সেব

কাছ থেকে সাময়িক ভাবে বিদায় নিয়ে রাস্তায় বেরিয়ে পড়ল।

শিরণামাহীন সন্ধ্যা। এই রকম কয়েকটি সন্ধ্যাব চর্চ কবে' অন্ত পাওয়া দায়। এই ধরণেব সন্ধ্যোগুলি যেন কারুরই নয়। নিজ্জলা নিলিপ্ততায় আকাশ মুখ ভাব করে' আছে। প্রকৃতির সম্পর্কে আসা যায় কেবল কনু'কনে বাতাসের মধ্যে দিয়ে।

সন্টু ট্যাক্সিতে চাপলনা, ট্রামে চাপলনা। এমনকি, একটা রিক্সয় হঠাৎ চেপে বসবার লোভ বারবার মনে উঁকি মাবলেও সে উদাসীন ভাবে হেঁটে চলতে লাগল।

আসলে সাধারণতঃ কলকাতার রাস্তায় হেঁটে চলা মনের সমস্ত বর্গহীনতা দূর করবার পক্ষে যথেষ্ট। হঠাৎ চাপা পড়ে' পৃথিবী থেকে বিদায় নেবার সম্ভাবনা ক্ষণে ক্ষণে মনের মধ্যে সচকিত হয়ে ওঠে। প্রতি পদক্ষেপে কোনো পথচারীর সঙ্গে সংঘর্ষ প্রায় সূনিশ্চিত। একটি সেকেণ্ডের কোনো ক্ষুদ্রতম ভগ্নাংশের জন্তেও অন্তমনস্ক হবার উপায় নেই। সম্প্রতি রাস্তায় নানাবিধ শাড়ীর রঙিন সমাবেশে অবস্থাটা আরও সঙীণ হয়ে উঠেছে।

সন্টু পাইপটা ছুই পাটি দাঁতের মধ্যে সজোবে চেপে ধরে, পথ চলতে লাগল। তার মুখে এমন একটি রুক্ষতা যার সঙ্গে গ্রীষ্মমধ্যাহ্নের কোথায় যেন একটি মিল আছে। এই মুখের দিকে তাকালে চর্চ করে' কাছে ঘেঁসতে সাহস হয় না! একটি

বেপরোয়া দুর্দর্শ ব্যক্তিত্ব চোখের মধ্যে তর্জনী তুলে থাকে ।

দূরে কর্ণওয়ালিস স্ট্রীট দেখা যাচ্ছে । এতক্ষণে সন্টুর শরীরে রক্ত চলাচল দ্রুত হয়েছে । মন অনেকটা প্রফুল্ল হয়ে উঠেছে । একটু শারীরিক ক্লান্তিও যেন সে অনুভব করল । এইবার বোধ হয় সে ট্রামে উঠে বসবে । তবু চৌরিঙ্গীর বহমান জীবন-শ্রোতে হয়ত বা মন পরিপূর্ণভাবে মুক্তি পাবে । ইউরোপীয় পরিবেশের বাক্বাকে যান্ত্রিক পারিপাট্যে হয়ত মগজের কোণগুলিতে বিদ্যাদীপ্তি আসতে পারে ।

কিন্তু ঘটনাস্রোতের গতি নিরঙ্কশভাবে স্বেচ্ছাচাষী । কর্ণওয়ালিস স্ট্রীট পর্য্যন্ত পৌঁছানো সন্টুর অদৃষ্টে ছিলনা । পুরন্দর তার পথরোধ করে' দাঁড়াল । পুরন্দরের বিপুল চেহারাটিকে অগ্রাহ্য করে' চলে' যাওয়া অসম্ভব । পুরন্দর কণ্ঠস্ববে বিষ্ময় এনে বললে, “একি ! হেঁটে ? গাড়ী কোথায় গেল ?”

“হাসপাতালে ।” সন্টু এই দেখা হয়ে যাওয়ায় যেন বিরক্ত হয়েছে ।

“হাসপাতালে ?” পুরন্দর আরও বিস্মিত হয়েছে, “হাসপাতালে কেন ? কার কি হয়েছে ?”

“অর্থাৎ গাড়ীর হাসপাতালে । মানে কারখানায় ।” সন্টু সংক্ষেপে উত্তর দিয়ে নিবে-যাওয়া পাইপটা ধরাতে ব্যস্ত হল ।

পুরন্দর হেসে ফেলে বললে, “সরি, আমার বোঝা উচিত ছিল । যাই হোক হেঁটে কেন ? ট্যাক্সি ছিল । তুমি হাঁটতে পার ?”

“ফলেন পরিচয়তে।” সন্টু বললে, “উদ্দেশ্যহীন ভাবে বেড়ানো ট্যাক্সিতে হয় না।”

“গন্তব্য স্থান নেই? বুঝেছি।” পুরন্দর একটু মুচ্কে হাসল “চলনা, যাবে আমার সঙ্গে এক জায়গায়। একটি মেয়ের নিয়ন্ত্রণ। কোনো মেয়ের কাছে একলা যেতে ইচ্ছে হয়না।”

“সাহস হয়না, তাই বল!” সন্টু পাইপে একটা টান দিল।

“যা বল। কিন্তু চল যাওয়া যাক। নতুন পরিচয়ে মনের এই জড়তা কেটে যাবে।”

পুরন্দর উচ্চপদস্থ রাজ-কর্মচারী। তাই মেয়ে-মহলে তার অব্যাহত দ্বার। এ-কথা প্রায় সকলেই জানত। পুরন্দরের সময়ের দোলক-যন্ত্রটি যে কাজ ও বিচিত্র শাড়ীর মধ্যে দোতুল্যমান থাকে এ-তথ্যটিও কারুর অবিদিত নয়।

“জড়তা কাটতে পারে, কিন্তু বিরক্তিতে মন ভরে’ উঠবে। মনে শান দিতে হলে’ তেমনি পাখব চাই হে। সে-মগজ মেয়ে-মহলে কোথায়? বিশেষ করে’ বাঙালীদের মধ্যে!” সন্টু তাচ্ছিল্যের হাসি হাসল।

“কি জানি বল!” পুরন্দরের ভাব দেখে মনে হল সে একটু গড়কে গেছে, “মগজ হয়ত তেমন নেই। কিন্তু……কিন্তু যতদূর দেখেছি, তুমিও একেবাবে হতাশ হবেনা।”

“কি বলছ? সন্টু তীক্ষ্ণ কণ্ঠে জিজ্ঞেস করলে, “মগজ নেই অথচ আমি হতাশ হব না? আমাকে কি ঠাওরালে তুমি! রূপ আছে বুঝি? তাই হয়ত ভাবছ……।”

তাকে কথা শেষ করতে না দিয়েই পুরন্দর তাড়াতাড়ি বললে, “সাধারণত যাকে রূপ বলে’ তাও তার নেই। কি আছে বলছি ধীরে স্নেহে। চলনা একটু হাঁটতে হাঁটতে এগিয়ে যাওয়া যাক।”

সন্টুর বিশেষ আপত্তি দেখা গেলনা। পাইপটা মুখে দিয়ে নিঃসঙ্গে তাব পাশে হাঁটতে লাগল। মনে হল পুরন্দরের ভাবভঙ্গীতে সে একটু উৎসাহিত হয়ে ওঠেছে। আজকের সন্ধ্যাটিতে শেষ পর্যন্ত একটু হয়ত বৈচিত্র্য থাকবে এই আশা ক্ষণে ক্ষণে তার মনে চমকে উঠছিল। রূপ নেই, বুদ্ধির তীক্ষ্ণতা নেই, হৃদয় বিদ্যাও তেমন নেই, তবু এমনি কি তার মধ্যে আছে যার জন্তে সন্টুর মত লোককেও হতাশ হতে’ হবে না! অথচ মেয়ে সংক্রান্ত ব্যাপারে পুরন্দরকে বিশ্বাস করা যায়। অনেক মেয়ের সম্পর্কে সে এসেছে। হয়ত উপোসী ছেলেদের মত যে-কোনো একটি মেয়েকে দেখলেই বিগলিত হয়ে পড়বার মত লোক নয় সে।

কনকনে ঠাণ্ডা বাতাস দিতে শুরু করেছে। সন্টু আলোগানটাকে ভাল করে’ গলায় জড়িয়ে নিল। প্রতি পদক্ষেপে শরীরে রক্ত চলাচল দ্রুততর হচ্ছে। হঠাৎ সন্ধ্যাটাকে সন্টুর খুব ভাল লাগল। পাইপে একটি লম্বা টান দিয়ে সে বললে, “তা তোমার এই অসাধারণ মেয়েটি থাকেন কোথায়?”

“কাছেই।” সন্টুর উৎসাহে পুরন্দর মনে মনে হাসল। বললে, “তাকে প্রচলিত অর্থে ঠিক অসাধারণও বলা চলেনা। সে

খুবই সাধারণ বা, কি বলব, সহজ সরল। আসলে কি জান, জীবনের যা কিছু সমস্যা তার কাছে হাঁসের পিঠে জলের মত। কায়েমী আসন নিতে পারে না।

“বল কি !” সন্টু বিষয়ে দাঁড়িয়ে পড়ল, “এটা ত মস্ত বড় গুণ হে ! এদেশে তুলে ভা।”

“ঠিক বলেছ।” পুরন্দর বললে, “মন্দিরার স্বভাব অনেকটা ইউরোপীয়। এদেশেব সঙ্গে খাপ খায় না। প্রাত্যহিক জীবনে অতটা বেপরোয়া স্বাধীনতা এদেশের লোকেরা বরদাস্ত করে কি করে? তাই প্রচুর বদনাম।”

“বেপরোয়া ! বদনাম !” সন্টু আবার চলতে শুরু করল। কথাগুলো বিষয় প্রকাশও নয়, প্রশ্নও নয়। নেহাৎই বলার খাতিরে বলা। একটি ছোট্ট হাসি তার ঠোঁটের কোনে চমকাচ্ছে।

“জান, সন্টু,” পুরন্দর হাঁটতে হাঁটতে বলে চলল, “মন্দিরার পক্ষে কোনো কিছুই অসাধ্য নয়। তার দুর্জয় সাহসের পরিচয় পেলে তুমি পর্যন্ত ভয়ত ভড়কে যাবে।”

সন্টুর কাছ থেকে একটি প্রশ্ন এল, “এই দুর্জয় সাহস যাকে বলছ সেটি কি তার দেহের সম্পর্কেও খাটান? অনেকের ধারণা ওটাও ইউরোপীয় মনের একটা অঙ্গ।”

“না ও-সম্বন্ধে একেবারেই ভুল বুঝানা।” পুরন্দর যেন অনুনয়ের সঙ্গে বললে, “ওই একটি বিষয়ে সে অত্যন্ত গোঁড়া। কিন্তু সহজ ভাবে পুরুষদের সঙ্গে মেলা মেশায়, অবশ্য, তার

একটুও আপত্তি নেই। আমার মনে হয়, এ-বিষয়েও সে স্বাধীনতার চূড়ান্ত দেখাতে পারে এইজন্যে যে তার নিজের ওপর বিশ্বাস অপরিসীম। এই ধরনের মেয়ের সঙ্গে প্রচুরভাবে মেশ, আপত্তি মোটেই করবেনা, কিন্তু.....”

“কিন্তু অর্ধেক পথে যদি থেমে যাও তা হ'লেই মুশ্কিল।” সন্টু একটু বাঁকা হাসি হেসে বললে।

“ঠিক তার উন্টো।” পুরন্দর প্রায় রক্ষ গলায় বললে, “এমনকি উচিত অনুচিতের মধ্যে সে একটি সূক্ষ্ম সীমান্ত-প্রদেশ আছে, সেটি ছাড়ালেই.....”

“সর্বনাশ হবে।” সন্টু শেষ করে' ছিল, “বুঝেছি।” কিন্তু তিনি থাকেন কোথায়? পথ যে শেষ হয়না!”

“ওই ত দূরে যে লালরঙের বাউঁটা দেখা যাচ্ছে, ওইটা। তুমি একটু বাইরে দাঁড়াও, আমি আগে খবর নি।” পুরন্দর সোজা ভিতরে চলে' গেল। তাব এই অব্যাহতহারত্বের, অবিংসবাদিতার স্পষ্ট প্রমাণে সন্টু একটু ঠোঁট বঁকিয়ে হাসল। মেয়ে মহলে এতটা স্বাধীনতা থাকা যে পুরুষমহিমার পক্ষে কিছু মর্ষাদাহানিকর এই অতিসহজ কথাটা পুরন্দরকে অনেকে বোঝাতে গিয়ে ব্যর্থ হয়েছে। পুরন্দর এতে একটি হাস্যজনক গর্ব অনুভব করে।

নিবে-যাওয়া পাইপটা আব ধরাতে ইচ্ছে করলনা। পুরন্দরের আসতে দেবী হচ্ছে। কোনো লোককে বাইরে অনেকক্ষণ দাঁড় করিয়ে রেখে ভিতরে আরাম করে' বসে' গল্প করা পুরন্দরের পক্ষে এমন কিছু নতুন নয়। সন্টু ধীরে ধীরে হাঁটতে শুরু

করল। ঠাণ্ডায় শরীরের স্নায়ুগুলি ভারি সতেজ থাকে। মগজ
কাজ করবার স্ফুর্গ পায়। তাই শীতকালটিকে সন্টুর ভাল
লাগে। বর্ষার মধ্যে কেমন একটা নির্জীব নিদ্রালু ভাবমহুরতা
আছে যা পৌরুষে ধুন ধরিয়ে দেয়। আর গ্রীষ্মকাল! ঈশ্বর রক্ষা
করো! সন্টু চমকে উঠে ভাবল। গ্রীষ্মের ছুপুর্বে প্রায় অমানুষে
পরিণত হতে হয়। মন রক্ষ কর্কশ হয়ে ওঠে, স্নায়ু রা হয়ে থাকে
দুর্বল আর নিস্তেজ। শরীরের সমস্ত উৎসাহ ঘামের বন্যাস্রোতে
বয়ে যায়। উঃ, ঈশ্বর রক্ষা করো।

তার চেয়ে চমৎকার এই শীতকাল। হাঁটতে কষ্ট হয় না। গায়ে
চমৎকার ভাবে ব্যাপার জড়িয়ে ধুমায়িত চায়ের পেয়ালার সামনে
বসে' একটা পাইপ বা সিগার ধরানোর মধ্যে যে অপরিসীম
আত্মতৃপ্তি তার আর তুলনা হয় না। সেই আরাম-টুকুর জন্মে
সন্টুর মন লোলুপ হয়ে উঠল। তার পরেই সে চমকে উঠল।
ভাবতে ভাবতে সে অনেকদূর চলে' এসেছে। গোলদীঘি।
এখন আর পুরন্দরের কাছে ফেবা যায়না। পুরন্দরের কথা
ভাবতেই তার ঠোঁটে একটা বঁকা হাসি কুঁকরে উঠল। মেয়েটির
মনোহরণের ক্ষমতার কথা বলতে বলতে এখনি যে-উৎসাহ দেখা
গেছিল তাতে এইরকম একটা কিছু আশঙ্কা করা অন্যায় হতনা।
কাছেই একটা রেপ্টুবেন্ট দেখা যাচ্ছে। সন্টু সেইদিকেই পাছুটো-
কে চালিয়ে দিল।

সুপ্রশন্ন সকাল। স্বর্ণোজ্জ্বল রোদ। ঘরের নীল দেওয়ালে আকাশের টুকরো। লেপের উত্তাপের মধ্যে হাত-পা ভাল করে ছড়িয়ে দিয়ে সন্টু চোখ মেলল।

আবার একটি দিন, বৈচিত্র্যহীন, মাত্রাহীন বা অতি মাত্রায় সুষ্টু। প্রথমে মুহূর্তগুলো সবই হয়ত পাশ কাটিয়ে যাবে। তার বিক্ষুব্ধ কলমের তাড়ণায় দুপুরটি বিক্ষত হয়ে উঠবে। আবার বিকেলের ধোঁয়ায় প্রশান্তির শ্বাসরোধ হয়ে আসবে। আর রাত্রি! সেই নিঃসঙ্গ, করুণ রাত্রি! সন্টু চোখ বুজে পাশ ফিরল। যতটা শুয়ে শুয়ে সময় কাটিয়ে দেয়া যায়, ততই ভাল।

কিন্তু সকালের চায়ের প্রথম পিালাটি বারবার তার মনকে টানতে লাগল। অন্তত সাময়িকভাবে দেহমনের জড়তা থেকে পরিত্রাণ পাওয়া যাবে।

সুতরাং উদ্যম—প্রবল উদ্যম। তার ভাব দেখলে মনে হয় একটা খুব বড় রকম কাজ তার জন্মে অপেক্ষা করছে। একটুও দেরী করবার অবকাশ নেই। এইবার সে আরাম চেয়ারটায় বসবে। কয়েকটা টোস্ট নাড়াচাড়া করার পর ধূমায়িত কাপটি চণ্ডা হাতলের উপর তুলে নিয়ে পাইপ ধরাবে এবং খবরের কাগজটি খুলবে। এই তিনটে কাজ একসঙ্গে করতে তার ভারী ভাল লাগে। এইবার চারপাশের জগত থেকে সে বিচ্ছিন্ন হয়ে যাবে। আগামী আধটি ঘণ্টা তার নাগাল পাওয়া শক্ত।

হঠাৎ সদর দরজার কড়াটি ঘনঘন নড়ে' উঠল। উৎকট আওয়াজ। দ্বারোয়ানের ছুটে যাবার তর সয়না। কেবল একটি মাত্র লোক এইভাবে কড়া নাড়তে পারে। সন্টুব কুঞ্চিত কপালে একটি হাসির রেখা বিস্তার লাভ করল। পুরন্দর এসেছে গত কালের ব্যবহারের জন্মে দুঃখ প্রকাশ করতে। কিন্তু তার আর আধঘণ্টা পরে এলেও চলত। ইতিমধ্যে পৃথিবী ভূমিকম্পে ধ্বংস হয়ে যেত না। ইতিমধ্যে ইউরোপেব হাস্যজনক পরিস্থিতি চরম সঙ্কটে উপস্থিত হতে পারত না। ইতিমধ্যে চীনে ইংরেজদের অবস্থা সহসা ষাটুমন্ত্রে সন্মানজনক হয়ে উঠত না। ইতিমধ্যে স্ত্রীভাষ বোসের বেকার অতি-ব্যস্ততার একটা কিনারা হয়ে যেত না। লাভের মধ্যে সন্টুর চায়ের কাপটি তুফানহীন অবস্থায় নিঃশেষিত হত এবং পাইপের ধোঁয়ায় শীতের সকালের জড়তা কিছু কমে' যেত।

কিন্তু এ জানা কথা যে সময়-অসময়ের মাত্রাজ্ঞানকে প্রশ্রয় দেওয়ার মত দুর্বলতা পুরন্দরের নেই। কখনো ছিলনা। কখনো হবেনা। তাই সে চাকরকে ডেকে আর এককাপ চায়েব অর্ডার দিয়ে' একটি তর্কবহুল সকালের প্রতীক্ষা করতে লাগল।

যে-দিনটি হাঙ্গামা-বন্ধুর হবে সেটিকে সকাল বেলাতেই চিনতে পারা যায়। সকাল থেকেই প্রতিটি ঘটনার যেন প্রকৃতিস্থতা থাকেনা। দ্বারোয়ান এসে জানাল যে পুরন্দর নিচে বসে' আছে এবং সন্টুকে নিচেব ডুয়িংক্রমে যাবার জন্মে আবেদন জানিয়েছে। অণু বাড়িতে পুরন্দরের ডুয়িংক্রমপ্রীতির যথেষ্ট

যুক্তিসঙ্গত কারণ থাকতে পারে, সেখানে একাধিক শাড়ীর সমাগম হয়। কিন্তু এখানে উপরের নিরিবিলা ঘরটিই সে পছন্দ করত। আজ তার এই প্রাত্যহিক মনোবৈকল্যের অবিসংবাদিতায় সন্টু শঙ্কিত হয়ে চায়ের কাপটি স্ফুস্তিবে শেষ করবার আশা ত্যাগ করল। তবু বিকল্প ভাগ্যের সঙ্গে যুদ্ধ করবার একটা শেষ চেষ্টা করে' দ্বারোয়ানকে বললে "পুরন্দর বাবুকে উপরে নিয়ে এস।"

"তিনি আসলেন না, বাবু, আপনাকে খবর দিতে বললেন।" দ্বারোয়ান জানাল।

একটা সন্দেহ সন্টুর মগজে চমকে উঠল। জিজ্ঞেস করল, "সঙ্গে তার কেউ আছেন?"

"একজন মেয়েলোক আছে।" দ্বারোয়ান বললে।

ওঃ তাই! সন্টু অনেকটা স্ফুস্তির হল। পুরন্দর মানসিক স্বাস্থ্যই আছে তাহলে। হয়ত তার বোন প্রগতিকে নিয়ে বেড়াতে বা কোনো কাজে বের হয়েছিল। কাছ দিয়ে যাবার সময় সন্টুকে মনে পড়েছে। এবং একজন অবিবাহিত ব্যক্তির বিপর্যস্ত বসবার ঘবে তাকে সটান তুলে আনা যদিও পুরন্দরের পক্ষে অস্বাভাবিক হতনা, তবু ভাগ্যদেবীর কোনো সদয় অনবধানতায় তা আর করেনি, খবর পাঠিয়েছে। সন্টু চায়ের কাপে চতুর্থ চুমুক দিয়ে নিচে নেমে গেল।

সে ঘরে ঢুকতেই পুরন্দর তাড়াতাড়ি উঠে দাঁড়িয়ে বললে, "এস ভাই, পরিচয় করিয়ে দি।" তারপর মেয়েটিকে বললে,

“এটিই আমার বন্ধু সন্টু, যার কথা বলছিলাম।” অথচ মেয়েটি যে কে তা বলে’ দেবার দিক দিয়েও সে গেলনা। পরিচয় করিয়ে দেবার সময় মাত্র একপক্ষের পরিচয় দিয়ে অপরকে একটি হাস্য-জনক করুণ অবস্থার মধ্যে ফেলবার অভ্যাস পুরন্দরের বিচিত্র চবিত্রের একটি প্রধান দিক।

মেয়েটির বয়স কম কি বেশী তাব কোনো নোটিশ তার মুখে বা অবয়বে খুঁজে পাওয়া যাবে না। সুতরাং এই পরিচয়হীন সান্নিধ্যকে কি কবে’ যে সামলাবে সন্টু কিছুতেই স্থির করে’ উঠতে পারছিল না। তবু মেয়েটি তার বাড়ীতে অভ্যাগত, অতএব অভ্যর্থনার প্রয়োজন। কাজেই মনেব ভাব যাই হোক না কেন, সে একটি আধুনিক ন্যাকামীর পুনরুজ্জীবিত করল। মেয়েটিকে নমস্কার জানিয়ে বলল, “আপনার সঙ্গে আলাপ করে’ অত্যন্ত আনন্দিত হলাম। পুরন্দরের বন্ধু যখন.....”

মেয়েটি তাকে কথা শেষ করতে দিলনা। একটু হেসে বললে, “তখন আপনার বন্ধু হতেও বাধা নেই, এইত? আমি রাজী। কিন্তু আপনি কাল রাগ করেছিলেন কিনা সে কথা প্রথমে বলতে হবে। অবশ্য দোষ আপনার বন্ধুর, তবু অনুশোচনায় প্রায় সারাবাত কাল জেগে ছিলাম।”

সন্টু একটা চেয়াবে বসে’ পড়ে’ পাইপটা ধরাল। জিজ্ঞেস করল “আপত্তি নেই নিশ্চয়ই?” এবং তারপর অন্তিমতির অপেক্ষা না রেখেই টান দিতে লাগল নিশ্চিতভাবে।

“মন্দিবা তোমাকে কি একটা কথা জিজ্ঞেস করেছে, সন্টু।”

পুবন্দর মনে করিয়ে দেবার চেষ্টা করল। যাক, এতক্ষণে এই উপলক্ষ্যে সে তবু মেয়েটির নাম বলল।

“বিবক্ত করো না।” সন্টু গম্ভীর ভাবে জবাব দিল, “আমি এখন আমার মনের আপাদ-মস্তক নিরীক্ষণ করছি।”

হাসারসের ফ্লাড্-গেট্ খুলে দেওয়া হয়েছে। অতটা হাসি যেন শোভন নয়। কিন্তু দায়ী সন্টু, তাই সে চূপ করে’ রইল। হাসি কিছু থামলে মন্দিরা বললে, “মনের আপাদ-মস্তক কি আবার? আর দেখছেনই বা কেন!”

“দেখতে ত হবে, রাগ করেছিলাম কিনা।” সন্টু সহজভাবে বললে।

“যাক, রাগারাগিব হিসেব-নিকেস এখন থাক,” মন্দিরা হাসি থামিয়ে বললে, “আপনার বাড়ীতে আমরা অতিথি, অভ্যর্থনা করছেন কই?”

“নিশ্চয়, নিশ্চয়,” সন্টু অতিমাত্রায় ব্যস্ত হয়ে উঠল, “মাপ করবেন, ভারী অন্যায় হয়ে গেছে, একটু অপেক্ষা করুন, আমি এখনি আসছি।”

“বারে! আপনি চলে’ গেলে আমরা গল্প কবব কাব সঙ্গে?” মন্দিরা যেন আবদারের সুরে বলে’ উঠল, “চাকরদেব ডাকুন নী। চা করতে বলবেন ত? তাব জন্যে ওঠবাব দরকার কি?”

আশ্চর্য! যেন অনেকদিনের চেনা! সন্টু চেয়ে দেখল পুবন্দর তার দিকে চেয়ে মিটমিট করে’ হাসছে! ভাবটা—কেমন, বলেছিলাম কিনা?

সন্টু পাইপটা মুখ থেকে সবিয়ে বললে, “মেয়েদের সামনে চ্যাচাতে আমার ভাল লাগেনা। কেমন অভদ্রতা মনে হয়।” ভাবল এই সূক্ষ্ম খোঁচাটুকু মেয়েটিকে বিধবে! সে পরম স্বচ্ছন্দে পাইপে টান দিতে লাগল।

কিন্তু তার বুঝতে ভুল হয়েছিল। সে হঠাৎ চেয়ে দেখল পূবন্দর তখনো নিঃশব্দে বসে’ হাসছে। মন্দিরা খুব সপ্রতিভভাবে বলছিল, “আমি এ বিপদ থেকে উদ্ধার পাবার একটা উপায় বলে’ দিতে পারি।”

“কি উপায়, বলুন।” সন্টু ব্যাপারটা বুঝতে চায়।

“আপনার বাড়ীর চা আৰ একদিন এসে খাওয়া যাবে। আজ চলুন ময়দানের দিকে ত্রকটু ঘুবে আসা যাক।” মন্দিরা প্রস্তাব জানাল।

“এই সকাল বেলায়!” সন্টু রাস্তার দিকে করুণভাবে চাইল।

“মনে রাখবেন, শীতের সকাল। কি মিষ্টি রোদ দেখুন ত! এখন ময়দান যা চমৎকাব!” মেয়েটি যেন নিজের মনেই বকে’ যাচ্ছে!

“কিন্তু আমার গাড়ী ত কারখানায়।” সন্টু এখনো আত্ম-রক্ষার চেষ্টা করছে।

“আমরা ত আর গাড়ীতে আসিনি। এতবড় সহরে নিজের গাড়ী না থাকলে কি আর চলাফেরা করা যায়না!” মেয়েটি বললে। তারপর কি ভেবে আবার যোগ করল, “অবশ্য আপনাব গাড়ী থাকলে ভালই হত।”

এতক্ষণে পুরন্দর কথা বলল, “তা যখন নেই এবং তুমি ময়দানে বেড়াবেই তখন আব দেরী করা উচিত নয়। সন্টু তুমি উপরে গিয়ে তৈরী হয়ে এস। আমরা গল্প করছি।”

সন্টু উপরে গেল। কিন্তু বাফ্ রঙেব শিক্কের রাশিয়ান সার্টটা মাথা দিয়ে গলাতে গিয়েই সে স্তব্ধ হয়ে দাঁড়িয়ে পড়ল। এই ধরনের মেয়ের সঙ্গে বেড়াতে বের হওয়া ঠিক হবে কিনা ভেবে দেখা দরকাব! যে-রকম স্বভাবের নমুনা দেখা গেল তাতে অত্যন্ত নির্ভীক লোকেরও সাহস না হবার কথা। ওই সহজ অন্তরঙ্গতার হাত থেকে পরিত্রাণ পাওয়া শক্ত। মেয়েটির প্রতিটি ভঙ্গীমায একটি নিরিবিলা আত্মীয়তা। ও একদিনেই মনের সঙ্গে যে-কোনো একটা সম্পর্ক পাতাবার দাবী করে। এবং সে-দাবী অগ্রাহ করা শক্ত! সাবধান না হলে’ সে-সম্পর্ক এক্ষেত্রে কেবল একটিমাত্র হ’তে পারে। সন্টু শিউরে উঠে জামাটা আবার আলনায় রেখে দিল।

কিন্তু জামা আলনায় রেখে দিলেই অবস্থাটিকেও আলনাঘ টাঙিয়ে রেখে নিশ্চিন্ত হওয়া যায় না। একটা ব্যবস্থার দরকার।

এবং তারপরেই সন্টু লজ্জিত হয়ে উঠল। এত ভয়! পৌরুষের মহিমা রইল কোথায়! কোথায় গেল সন্টুর মেয়েদের ওপর উদ্ধত অবজ্ঞা? একটি সহজ স্বাভাবিক মেয়ে তার সঙ্গে ময়দানে একটু বেড়াবে তাতে এতটা বিচলিত হবার কি থাকতে পারে! তাও আবার মাত্র দুজনে নয়, সঙ্গে পুবন্দব থাকবে।

সন্টু নিশ্চিত মনে বেশ পরিবর্তন করে' নিচে নেমে গেল।

কিন্তু দিনটির ওপর যে সকাল থেকেই শনির দৃষ্টি পড়েছে
সেকথা সে সাময়িক ভাবে ভুলে গেছিল। ঘরে ঢুকে দেখল
মন্দিরা একটা ইংরিজি সচিত্র সাপ্তাহিকের পাতা ওলটাচ্ছে।
পুরন্দর নেই।

জিজ্ঞেস করল, “পুরন্দর কোথায় গেল?”

“কি জানি, হঠাৎ উঠে তাড়াতাড়ি চলে' গেলেন।” মেয়েটি
দিকি নিশ্চিত ভাবে বললে, “বললেন কি যেন একটা বিশেষ
কাজ করবার কথা ছিল, যা তাঁর এতক্ষণ মনে পড়েনি।”

সন্টু চমকাল না। এটা পুরন্দরের নতুন স্বভাব নয়।
কিন্তু এখন সে করে কি?

মন্দিরা বললে, “আমি শুনেছিলাম লেখকরা একটু অদ্ভুত
ধরনের লোক হয়। ঘরের মাঝখানে দাঁড়িয়ে দাঁড়িয়ে কি
ভাবছেন? চলুন।”

“কিন্তু পুরন্দর যখন চলে' গেছে.....” সন্টু বললে।

“আপনি রাস্তা যদি না চিনতে পারেন, আমি চিনিয়ে
দেব'খন।” মন্দিরা হাসতে শুরু করল। এই ধরনের ছেলে-
মানুষ সে কখনো দেখেছে বলে' মনে হয়না। অথচ ইনিই নাকি
একজন সাংঘাতিক লোক শোনা যায়। মন্দিরার হাসি আর
খামতে চায়না। বললে, “পুরন্দর বাবুই যে একমাত্র কলকাতার
রাস্তা চেনেন এমন ত নয়। ভাবছেন কেন?”

ভাবনা যে কিসের তা ওই মেয়েটি কি বোঝে না? যদি বুঝে

গ্রাকামী করে তাহলে ভাল, সাধাবণের পর্যায়ে সে নেমে এল।
 তাকে সন্টু সামলাতে পারবে। সে-অভিজ্ঞতা তার আছে।
 কিন্তু যদি সে না বোঝে! অর্থাৎ যদি বোঝবার ক্ষমতা না থাকে!
 যদি সে এমনিই সরল ও সহজ হয় যে নর-নারীর সম্বন্ধকে
 স্বাভাবিকতার গণ্ডিতে টেনে আনে! তা হলেই মুশ্কিল। সন্টু
 শীতের সকালেও প্রায় ঘস্মাক্ত হয়ে উঠল। সহৃদয়তার এতটা
 নিরীক্ষাট স্বাচ্ছন্দ ভোগ করবার শিক্ষা সে কখনো পায়নি।
 মেঘেদের সম্পর্কে এতটা স্বাধীনতা ভোগ করবাব অধিকাব
 হঠাৎ যদি এমনি ভাবে তার নাগালেব মধ্যে আসে তাহলে
 আজন্ম-সঙ্কুচিত ব্যক্তিত্ব একটু মুশ্কিলে পড়ে বইকি। কিন্তু
 মন্দিরাকে একটা যা-হোক উত্তর দেওয়া দরকার। সে হয়ত
 এতক্ষণে সন্টুব মস্তিষ্ক সম্বন্ধে সন্দিহান হয়ে পড়েছে। কিন্তু
 বলবেই বা কি! সে যা বলবে তার বিন্দু বিসর্গও মেয়েটি
 বুঝবেনা। এইটাই সন্টুব জীবনের সব চেয়ে বড় ট্রাজেডি।
 তার সব চেয়ে সিরিয়াস কথাগুলোই লোকের বুদ্ধিব পাশ কাটিয়ে
 যায়। আর ঠাট্টাগুলো লোকে উপভোগ করতে পারেনা।
 সেইজন্যেই সে লোকের আশেপাশে হাঁটে না। যতদূর সম্ভব
 লোকের সংশ্রব বাঁচিয়ে চলে। তাব বলবাব কথা লোকারণ্যে
 ছড়িয়ে দেয় লেগার মধ্যে দিয়ে। ঈশ্বর জানেন, অরণ্যে বোদন
 হয় কিনা।

মন্দিরা উঠে দাঁড়াল। তার চোখে একটু ছুঁছুঁ হাসি!
 একটা চেয়ার তুলে এনে সন্টুর পিছনে সশব্দে রাখল। সন্টু

চমকে উঠল। তখন মন্দিরা গভীর ভাবে বললে, “বসুন।
দাঁড়িয়ে দাঁড়িয়ে ভাবতে কষ্ট হচ্ছে।”

সন্টু হেসে পাঠপটা দাঁতে চেপে নিজের ব্যক্তিত্বের একটু
পিঠ চাপড়ে’ দিল। তারপর মন্দিরাকে বলল, “আমার নিজের
একটু হাঙ্গামার কথা ভাবছিলাম। যাক চলুন, ঘুরে আসি।”

হাঙ্গামা! সে মিছে কথা বলে নি।

কিন্তু বাইবের শীত-প্রভাতেব অজস্র সূর্যালোকের মধ্যে কি
হাঙ্গামা থাকতে পারে! দুজনে একটা বাসে চেপে বসল।

সন্টু ভাবছিল সে যখন আত্মজীবনী লিখবে তখন আজকের
দিনটিকে তা থেকে বাদ দেবে। একটু আগে বাসের সিটে
পাশাপাশি ঘনিষ্ঠ হয়ে বসতে তাব সঙ্কোচ হচ্ছিল।

অবশ্য, সে প্রমাণ করতে পারে, এ-সঙ্কোচের যথেষ্ট
যুক্তি-সঙ্গত কারণ ছিল। এর আগে যতবার সে মেয়েদের
পাশে বসেছে সব বাবেই পাশ্ববর্তিনীর ভঙ্গীতে ও আবয়বিক
শিহরণে সে সঙ্কোচের আশ্বাদ পেয়েছে। আজ মন্দিরা একটুও
সরে’ যায়নি বা সবে’ যাবার অভিনয় ও চেষ্টা করেনি। ঠিক
যেন দুই পুরুষবন্ধু বাসে উঠে পাশাপাশি বসল! সূতবাং
এ-অবস্থায় সন্টু যদি সাময়িক ভাবে একটু অস্বাচ্ছন্দ অনুভব
করে’ থাকে তাহলে তাকে দোষ দেওয়া যায়না।

তবু সন্টু নিজের ওপব বিরক্ত হল। এই জিনিষটিরই সে
বরাবর প্রশংসা করে’ এসেছে। এতে আজ তার উৎফুল্ল হয়ে

ওঠা উচিত ছিল। এই সময়টির জন্যে তাব আগে থাকতে প্রস্তুত হয়ে থাকা উচিত ছিল।

শুধু তাই নয়, তার মনের এই বিপ্লব-পরিস্থিতিতে পিছনের সিট থেকে কে একজন ডেকে উঠল, “এই যে, তথাগতবাবু যে!”

সন্টু চমকে উঠল। তার যে তথাগত বলে’ আর একটা নাম আছে সেকথা সে ভুলেই গেছিল। আর অমনি অদৃষ্ট যে যখন তার চেতনা-কেন্দ্রগুলি সম্পূর্ণ স্তব্ধ নয় সেই সময়েই ভদ্রলোকের ডাকবার প্রয়োজন হল। আর ডাকবে ত ডাক সন্টুবাবু বলে’। কারণ যারা তাকে ব্যক্তিগত ভাবে চেনে তারা তার ডাক নামটাই বেশী চেনে। এই বাসের এত লোকের সামনে তার সাহিত্যিক নামটা প্রচার করে’ ভদ্রলোকের এমন কিছু লাভ হল না নিশ্চয়ই। মাঝখান থেকে সন্টুকে বিপদে ফেলা হ’ল।

সে হঠাৎ দাঁড়িয়ে উঠে মন্দিবাকে বললে, “চলুন, নামা যাক।”

মন্দিবা অবাক হয়ে জিজ্ঞেস করল, “এখানে? কেন?”

“দরকার আছে, চলুন, উঠুন।” সন্টু ব্যস্ত হয়ে উঠল।

অগত্যা মন্দিরা উঠে দাঁড়াল। ওরা নামল ওয়েলিংটনের মোড়ে। সন্টু নিঃসঙ্গে পথ চলতে লাগল। সে-ই আশা করেছিল হঠাৎ কেন যে নামা হল এই তুচ্ছ ‘ব্যাপার নিয়ে মন্দিরা আর মাথা ঘামাবে না। কিন্তু সে ভুল বুঝেছিল। আদারের স্ববে মেয়েটি বলে’ উঠল, “বলুন না,

কেন এখানে নামলেন? আবার হাঁটছেন ত ময়দানের দিকেই।
কি করতে চান?”

“চলুন না একটু হেঁটেই ময়দানের দিকে যাওয়া যাক।
শীতের সকালে হাঁটতেই ভাল লাগে।” সন্টু ভাবল এইবার
ভোলাতে পেরেছে।

কোথায় কি! মন্দিরা খিলখিল করে’ হেসে উঠল। বললে,
“আমি জানি কেন নামলেন। লোকটা কে? কি চায় আপনার
কাছে?”

এবার সন্টুও হেসে উঠল। খুসীও হল। বললে, “আমিই
কি তা জানি! কে যে ডাকছে তা ফিরে দেখিনি।”

“তথাগতবাবু, একটু আস্তে, শুনছেন, তথাগতবাবু!” মনে
হল সেই লোকটিই পিছন থেকে হাঁপাতে হাঁপাতে বলছে।

সন্টু ভুরু কুঁচকে দাঁড়াল। আচ্ছা অভদ্র লোক ত! সঙ্গে
মহিলা থাকলে পিছন থেকে ওরকম চেঁচায় শুধু অভদ্র
লোকেরা। একটা দৃশ্যের অবতারণা করা। ঈশ্বর এইসব
লোকের হাত থেকে পরিত্রাণ কর। সন্টু পিছন দিকে তাকাবার
প্রয়োজন বোধ করল না।

“কি জ্বায়েই চলতে পারে আজকালের ছেলেমেয়েরা!” মনে
হল ভদ্রলোক খুবই কাছে এসে পড়েছেন, “আমার পক্ষে কি
সম্ভব!”

“সম্ভব না হলে’ বাস থেকে নেমে এতটা দৌড়লেনই বা
কেন? এতটা হাঙ্গামারই বা কি প্রয়োজন ছিল?” সন্টু এইবার

বাগবাজার বীডিং আইব্রেরী,
ছোট আকাশ ডাক সংখ্যা...
২১ ...
পরিষ্কারের তারিখ ১৯/১১/৬৬

পিছন ফিরে বললে, “আরে বরদাবাবু যে ! এত হস্তদস্ত হয়ে ছুটেছেন কোথায় ?”

“আপনারই সন্ধানে মশাই, আপনারই সন্ধানে । উঃ কি ভোগানই না ভুগিয়েছেন ! বাস থেকে তাড়াতাড়ি নামা আর তারপরই ছোটা এই ব্যয়েসে কি পোষায় !” ভদ্রলোক কোঁচার খুঁট দিয়ে ঘাম মুছতে লাগলেন ।

“কিন্তু ছুটছিলেনই বা কেন ?” সন্টু লোকটিকে নিয়ে যে কি করবে ভেবে উঠতে পারছিল না । সন্টুরই কয়েকটি বই-এর প্রকাশক । কাজেই তার সঙ্গে রুঢ় ব্যবহার করা যায় না । অন্য লোক হ’লে সন্টু এতক্ষণ.....।

এতক্ষণ কি করত তা ভাববাব আগেই ভদ্রলোক বললেন, “আপনাকে আমার বিশেষ দরকাব । আপনাব নতুন বইটি সম্পর্কে একটা জরুরী আলোচনা করতে হবে । চলুন না আমার বাড়ীতে । আপনাকে ত পাওয়া যায়না মশাই, আজ যখন এমন অপ্রত্যাশিত ভাবে..... ”

লোকটা বলে কি ! দেগতে পাচ্ছে সঙ্গে একজন.....।

সন্টু যখন চটে’ যায় তখন তার কথাগুলো ছুরির ফলা’র মত ধাবাল হয়ে যায় । আর হুইস্লে’র মত একটা শব্দ হ’তে থাকে । চোখের দৃষ্টি সাপের দৃষ্টির মত ছুঁচলো হয়ে যায় । তখন তার দিকে তাকালেই নার্ভাস হয়ে যেতে হয় ।

বরদাবাবুর ভাগ্য ভাল যে তিনি এসময় সন্টুর দিকে তাকা-
ছিলেন না । তিনি চেয়ে ছিলেন মন্দিরার দিকে । একদৃষ্টে

চেয়ে মৃদু মৃদু হাসছিলেন। এতক্ষণ সহ হচ্ছিল, এই দৃশ্য সন্টু আর কিছুতেই সহিতে পারল না।

পাশ দিয়ে একটা ট্যাক্সি যাচ্ছিল। সেটা থামিয়ে চট করে' উঠে বসে' মন্দিরাকে বললে, “আসুন, চট করে' উঠে পড়ুন।”

মন্দিরা একটু ইতস্তত করছিল। তারপর কি ভেবে চট করেই উঠে বসে' বরদাবাবুর দিকে চেয়ে একটু হাসল। বরদাবাবু উৎকণ্ঠিত ভাবে বললেন. “যাচ্ছেন কোথা, এমন কি তাড়াতাড়ি ছিল। কথাটা.....”

“আর একসময় হবে। এখন আমার মাপ করবেন, ভারী ব্যস্ত আছি। আচ্ছা নমস্কাব।” সন্টু সশব্দে গাড়ীর দরজা বন্ধ করে' দিল। ট্যাক্সিতে এল বেগ।

এইবার মন্দিরা হাসিতে ভেঙে পড়ল। তার দিকে চাইলে মনে হয়, হয়ত ক্ষেপে গেছে। ওপর ওপর এতগুলি হাস্যামা সন্টুর সাধাবণত নির্ঝাঙ্কাট জীবনকে ব্যতিব্যস্ত করে' তুলেছিল। আর বুঝি নিজের মেজাজকে সে বশে রাখতে পারবেনা। তীক্ষ্ণ কণ্ঠস্ববে বলে, “হাসছেন যে! লোকটা অত্যন্ত অভদ্র। আপনার দিকে কি রকম করে' চাইছিল দেখেছিলেন! এদের জন্মেই কলকাতার রাস্তায় মেয়েদের নিয়ে বের হওয়া মুশ্কিল। ইচ্ছে কবে... ..”

“কি ইচ্ছে করে' বলুন না?” বলেই মন্দিরা আবার হাসি শুরু করলে।

“এ আপনি করছেন কি? এত হাসছেন কেন? লোকটাকে

কি আপনি চেনেন ? গাড়ীতে ওঠবার সময় কিন্তু আপনার ব্যবহারে আমার ওই রকম একটা সন্দেহ হয়েছিল ।” সন্টু বললে ।

এইবার গম্ভীর হয়ে মন্দিরা জবাব দিল, “উনি আমার কাকা ।”

“আপনার কাকা ! বলেন কি !” সন্টু স্তম্ভিত হয়ে গেল, “এই ড্রাইভার, ফেরাও, ট্যাক্সি ফেরাও ।”

“কোথায় যাবেন আবার ?”

“বরদাবাবুর কাছে ক্ষমা চাইতে । তাঁকে ভুল বুঝে অত্যন্ত অন্তায় করেছি ।” সন্টু অনুশোচনার মূর্তি ।

ট্যাক্সি থামল । মন্দিরা তাড়াতাড়ি বলল, “এখন ফিরবেন কেন ? তিনি এতক্ষণে বাড়ী পৌঁছেছেন । খাওয়া দাঁওয়ার সময় কেন ভদ্রলোককে বিরক্ত করবেন ! তাঁর এতক্ষণ হয়ত ব্যাপারটা মনেই নেই । ভারী ভুলো স্বভাব । পরে তাঁকে বুঝিয়ে বললেই চলবে । আমিই বলব’খন । ভাববেন না । এখন ময়দানে যাওয়া যাক । সকালটা আর নষ্ট করেন কেন ?”

সকালটা আর নষ্ট হতে’ বাকী কি ? সন্টু ভাবল ।

“এখন কি করতে চান ?” জিজ্ঞেস করল ।

“আমাদের ময়দানে বেড়াতে যাবার কথা ছিল ।” মন্দিরা মনে করিয়ে দিল ।

“কিন্তু আপনার কাকার সঙ্গে এরকম অপ্রত্যাশিত ভাবে দেখা হবার ত কথা ছিল না !” সন্টু বললে ।

“তার জন্মে ট্যাক্সি করে’ ভবানীপুরের দিকে যেতে হবে ?”

“কোনো দরকার নেই,” সন্টু বললে, “ড্রাইভার, এস্প্রানেড্ !”

মন্দিরা বলে’ উঠল, “না, থাক্ চলুন, যখন এসেই পড়েছেন। মনোহর পুকুরে আমার এক মামার বাড়ী আছে সেখানে আমাকে পৌঁছে দিয়ে আসবেন চলুন।”

“বেশ, বেশ তাই চলুন।” সন্টু অত্যন্ত নিশ্চিত হয়ে বললে। এত সহজে যে মেয়েটিকে ঘাড় থেকে নামাতে পারবে তা সে ভাবেনি। “কত নম্বর বলুন ত?”

“নম্বর জানি না, মনোহর পুকুরে চলুন, আমি বাড়ী দেখিয়ে দিচ্ছি।”

ট্যাক্সি থেকে নেমেই সন্টু ট্যাক্সি ছেড়ে দিল। মন্দিরাকে পৌঁছে দিয়ে সে ট্রামে উঠে পড়বে। একেবারে সোজা বাড়ী। রোদের তাত বাড়ছে। শীতকাল হলে’ও দুপুর সব সময়েই দুপুর। আর তাছাড়া সকাল বেলাটার আজ গোড়া থেকেই ছন্দপতন শুরু হয়েছে। আজ বাড়ীতে গিয়ে চূপচাপ বসে’ বসে’ একটা বই পড়া ভাল। আজকের দিনটি দুর্ঘ্যোগ-সম্ভাবিত।

মন্দিরা বললে, “একটু অপেক্ষা করুন। আমি ভিতর থেকে দেখে আসি বাড়ীতে সব আছে কিনা।” বলেই উত্তরের অপেক্ষা না রেখে সে বাড়ীর ভিতরে চলে গেল।

এখনও কতক্ষণ কর্মভোগ আছে কে জানে। সন্টুর কাছে প্রত্যেকটি মিনিট অসহ্য হয়ে উঠছিল। এত হাঙ্গামায় কখনো তাকে পড়তে হয়েছে বলে’ মনে পড়ে না। তার নিৰ্বাণাট

নিশ্চিত জীবনে ধূমকেতুর মত মেয়েটির উদয় হয়েছে। ঘাড় থেকে নামলে বাঁচা যায়। সন্টু অস্থির হয়ে পাগচারী সুর করে' দিল। একবার মনে হয় কেটে পড়ে। আবার ভাবল সেটা ভাল দেখায় না। সঙ্গে নিয়ে যখন বের হয়েছে তখন নিরাপদ আশ্রয়ে সঠিক ভাবে পৌঁছে দিয়ে তবে তার মুক্তি।

এদিকে ক্ষুধা এবং তৃষ্ণায় প্রাণ কণ্ঠাগত। কাছে কোনো একটা রেস্টুরেন্টও নেই যেখানে গিয়ে বসতে পারে। খালি পেটে পাঠপ ভাল লাগছে না। ছাড়ান পেলে প্রথমেই চৌরঙ্গীতে গিয়ে কোনো একটা চায়ের আস্তানায় ঢুকতে হবে। তারপর মাকুরামের কাছে নতুন পত্রিকাগুলি সংগ্রহ করে' বাড়ীর দিকে। আর কোথাও থামা হবে না এবং আজ আর বাড়ীর বের হওয়াও চলবে না।

“আসুন, আসুন, ওরা সব আপনাকে ডাকছে!” মন্দিরা তাড়াতাড়ি বের হয়ে এসে বললে।

“যাব মানে? কোথায় যাব? কারা ডাকছে?” সন্টু অবাক।

“আমার মামাত বোনেরা, আমার ছোট মামা। আসুন, আসুন। আমার ছোট মামা আবার সাহিত্যিক। আপনার সঙ্গে আলাপ করতে চান।”

“আলাপ আর একদিন এসে করব।” সন্টু দৃঢ় কণ্ঠস্বরে বললে, “আজ ভারী ক্লান্ত হয়ে পড়েছি! আজ যাই।”

“ক্লান্ত হয়ে পড়েছেন?” মন্দিরা ব্যস্ত হয়ে উঠল, “তাহলে

একটু বিশ্রাম করে' না গেলে আপনাকে ত ছাড়ব না। বেশী দেরী হবে না, আসুন, লক্ষ্মীটি আসুন। আমি ওদের বলে' এসেছি যে আপনি আসছেন।" মন্দিরা তার হাত ধরে' টানতে এল।

বিশ্রী ব্যাপার। স্পষ্ট দিনের আলোয় রাজপথে একটি মেয়ে এক ভদ্রলোকের হাত ধরে' টানাটানি করবে! এ-রকম যে হতে' পারে তা সন্টর ধারণার বাইবে ছিল। অথচ মেয়েটির সঙ্গে আলাপ হয়েছে মাত্র আজকে এই কএক ঘণ্টা আগে। কিন্তু মন্দিরার চোখের দিকে সন্ট চেয়ে দেখল সেখানে দিবালোকের মতই স্পষ্ট ও সরল অসঙ্কোচ। অল্প-পরিচিত ভদ্রলোকের হাত ধরে' হঠাৎ এভাবে টানা যে অশোভন একথা ওর মনে যেন উঠতেই পাবেনা।

কিন্তু রাস্তার পাঁচ জনে কি ভাববে! সন্ট তাড়াতাড়ি বললে, "চলুন, চলুন যাচ্ছি। হাত ছাড়ুন।" তারপর বাড়িতে ঢুকে বাইরের ঘরে জাঁকিয়ে বসে' বললে, "অন্দরমহলের লোকের সঙ্গে আলাপ হবে আর একদিন। আপাতত আপনার মামাকে পাঠিয়ে দিন চট করে, তাঁর সঙ্গে আলাপ করা যাক। না, না, অনুরোধ করবেন না, এখন আর আমি উঠতে পারছি না, ভারী ক্লান্ত। আর দেখুন, আমার সঙ্গে ফেবা-ই যদি আপনার মতলব থেকে, তাহলে দয়া করে' একটু তাড়াতাড়ি আসবেন।"

মন্দিরা উত্তরে শুধু একটু হেসে ভিতরে চলে' গেল।

ট্রামে বসে' সন্টু পাইপটা অতি যত্নের সঙ্গে ধরাতে লাগল।
বেলা বারোটা বেজে গেছে। কিছুক্ষণ সাহিত্য আলোচনা হয়েছে।
আলোচনায় অবশ্য এমন বেশী মাত্রায় বুদ্ধির উজ্জ্বল্য ছিলনা যাতে
মগজের কোনগুলি আলোকিত হয়ে উঠে, তবু তা সাহিত্য আলো-
চনাই। মন্দিরার মামার বয়েস বেশী নয়, যৌবনের 'আত্মপ্রত্যয়
তাঁর মধ্যে আছে এবং যৌবনের কাছ থেকে এর বেশী আর কি
আশা করা যায়! তাঁর কথাবার্তা সরস, যদিও গভীরতার অংশ
তাতে কম। মোটের উপর সন্টু সুখী হয়েছে তাঁর সঙ্গে আলাপ
করে'। গত একটি ঘণ্টাই আজকের দিনের এপর্য্যন্ত সবচেয়ে
বিড়ম্বনামহীন হয়েছে। এইবার আরাম করে পাইপ খাওয়া
চলতে পারে।

ময়দানের ভিতর দিয়ে ট্রাম বেশ-দ্রুত গতিতে ছুটে চলেছে।
কনকনে শীতের বাতাস এখনও যেন হাড়ের মধ্যে প্রবেশ করে।
এখনও যেন গাছের ফাঁকে ফাঁকে সকালের কুয়াসা জড়ানো
রয়েছে।

কিছুক্ষণ নিঃশব্দে ধোঁয়ার মধ্যে বাস করে' সন্টু কথা বললে,
“দরজা থেকে আপনাকে পৌছে দিয়েই আমি কেটে পড়ব ত?
যথেষ্ট দেরী হয়ে গেছে।”

“বেশ কথা বল্লেন যা হোক।” মন্দিরা যেন আশ্চর্য্য হয়ে
বললে, “এখন আপনাকে ছাড়ছে কে! আমাদের ওখানে
আপনাকে খেতে হবে।”

“অসম্ভব,” ব্যাপারটার একটা শেষ মীমাংসা করার ভঙ্গীতে সন্টু উত্তর দিল, “স্নান হয়নি। তাছাড়া আপনার বাড়ীতে আমি সম্পূর্ণ অপরিচিত।”

“আমার ত পরিচিত। কি বলেন!” মন্দিরা হেসে জিজ্ঞেস করল, “আমার বন্ধুকে আমি যদি খাওয়াই তা কি অগ্রায় হয়! তাছাড়া আমার বাড়ীর লোকদের আপনি জানেন না। তারা আপনাকে অভ্যর্থনা খুব ঘটা করেই করবে।”

“এবং ঠিক সেইটেই আমি চাইনা। আমি শান্তিপ্রিয় লোক।” সন্টু পাইপে আরামের সঙ্গে টান দিল।

“কোনো গোলমাল হবেনা।” মন্দিরা আশ্বাস দিল, “আমি নিজে আপনার স্নানের ব্যবস্থা করে দেব। তারপর আপনি একটু বসবেন। একটু দেরী হবে। আমি নিজে-হাতে আপনার জন্মে একটা তরকারী রাখব কিনা।”

“বলেন কি!” সন্টু এতক্ষণে পুরন্দরের কথা প্রায় সম্পূর্ণভাবে বিশ্বাস করেছে। এত অল্প পরিচয়ে এতটা আপনার লোক করে’ নিতে কজন মেয়ে পারে! অথচ অগ্রায় মনোবৃত্তির বাষ্প-মাত্রও টের পাওয়া যাচ্ছে না, “এত বেলাতে আপনি গিয়ে রাখবেন! এতটা পাপের আমিই হব নিমিত্তের ভাগী! ওর ভেতর আমি নেই। কথা দিচ্ছি আর একদিন গিয়ে খেয়ে আসব।”

“সে হচ্ছে না। আর একদিন খাবেনই, আজও খাওয়া চাই।” আবদারের সুরে মন্দিরা বললে, “আমার জন্মে এতটা কষ্ট করলেন আর আপনাকে না খাইয়ে আমি ছাড়ব ভাবছেন! তাছাড়া কিছু

ভাববেন না, আমরা সকলে' খাওয়াতে ভাবী ভালবাসি । সে-
সুখ থেকে কেন আমাদের বঞ্চিত করবেন ?”

এর পর সন্ট্ আব প্রতিবাদ করলনা । বুঝল আজকের
ভাগ্য তার উপর এখনও প্রসন্ন হয়নি । কিছুক্ষণ নিঃসঙ্গে পাইপ
টানবার পর বললে, “আমায় তাহলে বাড়ী থেকে স্নান করে’
আসতে দিতে হবে । বাড়ীতে স্নান না করলে আমি ভারী
অসুবিধে বোধ করি ।”

“বেশত, তাই যাবেন, কিন্তু আসা চাই নিশ্চয়ই । আমি
রেঁধে নিয়ে বসে’ থাকব । আপনি.....”

“ভাববেন না, কথা যখন দিচ্ছি তখন তা বাখব । দেখবেন ।”

“আপনার কথায় বিশ্বাস হয় । পরের জন্মে যে এতটা কষ্ট
সহ করতে পারে তার কথার নিশ্চয়ই মূল্য আছে ।”

শ্রাকামী করা সন্ট্‌র ধাতে পোষায় না । কষ্ট তার নিশ্চয়ই
হয়েছে এবং অসুবিধেও । তবু ভদ্রতা একটা আছে । তাই
সে বললে, “দেখুন বার বার ওই কষ্ট সহ করার কথাটা বলবেন
না । কষ্ট কিছু হয়েছে স্বীকার করছি । কিন্তু আপনার সঙ্গে
বন্ধুত্বই যদি হয়, আপনার জন্মে অসুবিধে কিছু সহ করতে হবে
বইকি । আপনাকেও তা সহ করতে হবে, এবং, ”একটু হেসে
বলল, “আজকের রান্না থেকেই তার যদি শুরু করতে চান
আমার আপত্তি নেই । আর, পুরুষের সেবা করবার জন্যেই
ত মেয়েরা জন্মান ।”

“বন্ধুর জগ্ৰে কষ্ট ও অসুবিধে ভোগ করাই যদি বন্ধুত্বের বড় নমুনা হয় তাহলে আপনার সঙ্গে বন্ধুত্বের ভিৎ শক্ত করার চেষ্টা করতে আমায অনুমতি দিন।” মন্দিরার চোখে দুষ্ট হাসি।

এই সামান্য ব্যাপার নিয়ে আর তর্ক করা সন্টু শোভন মনে করল না। ততক্ষণে ট্রাম এস্প্রানেডে এসে পড়েছে। তারা নেমে পড়ল শ্বামবাজারেব টামে চাপবাব জগ্ৰে !

অনেকক্ষণ ধরে' আয়েসের সঙ্গে স্নান করে' সন্টুর মগজ কিছু পরিমাণে ঠাণ্ডা হয়েছে। নরম ব্যাপারটা গায়ে জড়িয়ে নিয়ে আরাম-চেয়ারটায় বসে' সে একটা সিগার ধরাল। এতক্ষণে মনে হচ্ছে সে যেন বেঁচে আছে। সকাল থেকে ঘটনার তীব্র স্রোতে সে খড়ের কুটোর মত ভেসে যাচ্ছিল। তার ব্যক্তিত্বের কিছু মাত্রও যেন অবশিষ্ট ছিলনা।

এইবার সে নিজেকে ফিরে পেয়েছে নিজের দূর্গেব মধ্যে। এখানে সে নিরঙ্কুশভাবে স্বাধীন, তার চিন্তা-জগতের একছত্র অধিপতি। এখানে যে দুর্দর্ষ সম্রাট, যাকে পৃথিবী ভয় করে। এখানে কোনো মেয়ের চালাকী খাটবে না। একটি ঘণ্টার আগে সে আর নড়ছে না। এইবার আরাম করে' সে খবরের কাগজটি পড়তে পাবে। সকালের উপদ্রবময় পরিস্থিতিতে সেটিকে অসমাপ্ত অবস্থায় রেখে যেতে বাধ্য হয়েছিল। এইবার কিছুক্ষণ নিশ্চিন্ত মনে যে পৃথিবীর চারপাশে ঘুরে আসতে পারবে। অবশ্য কোথায় কি হচ্ছে তাতে কিছুই যায় আসে না এবং খবরগুলি কতদূর সত্য তা ঈশ্বর জানেন, তবু বাঙালীর সাধারণত নিরুপদ্রব জীবনে গোটা পৃথিবীর বিচিত্র আবহাওয়া কিছু চমক আনে বইকি। তাই সকালের একটি ঘণ্টা সন্টু খবরের কাগজে নিমগ্ন হয়ে যায়।

কিন্তু আজ কিছুতেই তার মন বসছে না। সামনেই যে হাঙ্গামা তার দিকে হাঁ করে' চেয়ে আছে তাকে কিছুতেই মন থেকে সরাবার যেন উপায় নেই। প্রথম দিনের আলাপেই একেবারে বাড়ীতে খাবার নিমন্ত্রণ। উদ্দেশ্য কি? অবশ্য

উদ্দেশ্য-মূলক বন্ধুতা এবং আত্মীয়তার সম্পর্কে এর আগে সন্টু এসেছে আর কোনো ক্ষেত্রেই উদ্দেশ্য সফল হয়নি। তবু এবার যেন ব্যাপারটা কি রকম অদ্ভুত মনে হচ্ছে। অদ্ভুত মনে হচ্ছে এই কারণে যে এক্ষেত্রে কোনো উদ্দেশ্য আছে বলেই বুঝতে পারা যাচ্ছে না। মেয়েটির সরল চোখের দিকে তাকালে তাকে যেন বিশ্বাস না করে' উপায় নেই।

সন্টুর চুরুটটা যখন অর্ধেক পুড়েছে তখন সে উঠে দাঁড়াল এবং তারপর আর একটুও না ভেবে আলোয়ানটা গায়ে চড়িয়ে নিচে নেমে গেল। ফিরতে রাত হ'তে পারে।

বাড়ীর কড়া নাড়তেই একটি বছর সাতেকের ছেলে দরজা খুলে দিয়ে বলে' উঠল, “আপনিই সন্টু-কাকা?” এবং সন্টু সেকথা স্বীকার করায় “আসুন, ভেতরে আসুন” বলে' তাকে একরকম হাত ধরে' টেনেই ভিতরে নিয়ে চলল।

হঠাৎ কাকা বলে' ডাকায় সন্টু প্রথমে ভীষণ ভড়কে গেল। ডাকটার মধ্যে কোথায় যেন একটা বুদ্ধত্বের ইঙ্গিত আছে। নতুন আলাপের সূত্রপাতেই এবাড়ীর লোকেরা তাকে বৃদ্ধ না হোক প্রৌঢ়ের আসনে বসাবে নাকি! ব্যাপারটির নিরাপত্তার কথা স্মরণ ক'রেও সে নিশ্চিত হ'তে পাবল না। একটি নিরবয়ব বৈরাগ্য ইতিমধ্যেই তার মনের মধ্যে বাসা বাঁধতে আরম্ভ করেছে। আহা! যেন আর ক'চি নেই।

ছেলেটি যে-ঘরে তাকে নিয়ে গিয়ে বসাল সেখানে একটি

মেয়ে বসে' পশমেব কি একটা বুনছিল। রঙ ফরসা, বয়েস মন্দিরার চেয়ে বেশী হবে, মুখে শান্তশ্রী। দেহে সৌষ্টবের চেয়ে বন্ধিম রেখারই প্রাচুর্য।

সন্টুকে দেখে হাতের জিনিষগুলি নাগিয়ে রেখে উঠে দাঁড়িয়ে বললে, “আসুন।” একটি ছোট্ট নমস্কারের জন্যে হাতদুটো কপালে উঠল।

“মন্দিরা দেবী কোথায়?” সন্টু একটা চেয়ার খুঁজে নিতে নিতে জিজ্ঞেস করল।

“এখনি আসবে। পুরন্দর-কাকাকে ডাকতে গেছে।” মেয়েটি বসে' আবার পশমগুলি তুলে নিয়ে বললে।

পুরন্দর-কাকা! বটে! সন্টু মনে মনে হাসল।

মেয়েটি নিঃশব্দে কিছুক্ষণ বুনে চলল। কিন্তু ছেলেটি হঠাৎ বলে' উঠল, “জানেন সন্টু-কাকা, আমি খুব চমৎকার বল খেলতে পারি, আমাকে একটা বল কিনে দেবেন?”

মেয়েটি মূঢ় ভৎসনা করল, “খোকা! কি হচ্ছে। বস চুপ করে।” তার পর সন্টুর দিকে ফিরে বললে, “বয়েস কম, তাতে বাবার আর মন্দিরার আদরে ভারী দুঃস্থ হয়ে উঠেছে।”

“কই আপনার বাবাকে দেখছি না ত? তিনিও কি বাইরে?” এতক্ষণে সন্টু বুঝেছে যে মেয়েটি মন্দিরার দিদি।

“হ্যাঁ তিনি বাইবে, একেবারে বাঙলার বাইরে!” মেয়েটি হেসে উত্তর দিল, “তিনি আসামে ধুবুরীতে কাজ করেন। এখন সেখানেই আছেন।”

“আপনারা এখানে কে কে আছেন ?” সন্টু জিজ্ঞেস করল। তার প্রশ্নে সে নিজেই আশ্চর্য্য হয়ে গেল। প্রথম আলাপেই এতটা অশোভন অনুসন্ধিৎসা সে এর আগে কখনই দেখায়নি। কিন্তু এদের মেলামেশায় এমন একটা সহজ অন্তবঙ্গতা আছে যে অত্যন্ত ছরুহ প্রশ্নগুলিও অনায়াসে উচ্চারণ করা যায়।

“মা, আমি, মন্দিরা, আমাদের ছোট বোন রাণু আর খোকা।” মেয়েটি বলল, “আমার পবিচয় আপনি এখনো পাননি। আমি মন্দিরার দিদি, আমার নাম কনকলতা, সবাই ডাকে লতা বলে’। পড়ি বেথুনে সেকেণ্ড ইয়ারে এবং আমার কিছু কিছু রেকর্ড আছে।”

“বটে ?” সন্টু উৎসাহিত হয়ে উঠল, “তাহলে ত আপনাদেব বাড়ীতে সময় কাটবে ভাল। না, না, রেকর্ডের নয়, গায়িকার স্কর্চের... ..”

“তার জন্যে ভাববেন না।” কনকলতা বললে, “আমার যা বিদ্যে আছে তা একদিন দেখতেই পাবেন। কিন্তু আপনার নিশ্চয়ই ক্ষিদে পেয়েছে। অনেক বেলা হয়ে গেল। মন্দিরা এখনো এল না।”

সন্টু ব্যস্ত হয়ে উঠল, বলল, “আমার জন্যে ভাববেন না, দুটোর আগে আমি কোনো দিনই খাই না। কিন্তু আশ্চর্য্য করলেন, কোনো পুরুষ অভিভাবক নেই, আপনারা থাকেন কি করে’ ?”

“আপনিই আশ্চর্য্য করলেন।” কনকলতা বললে, “আপনি

আছেন কোন যুগে? কাপড়ের পুঁটুলিই চুরি যায়। আমরা কাপড়ের পুঁটুলি নই। ওই দিরা এসেছে, বাণু এসেছে। একটু বসুন আপনার খাওয়ার জোগাড় দেখিগে, কিছু মনে করবেন না।” সে বাড়ীর ভিতরে চলে’ গেল।

“আরে! এ যে দেখছি লক্ষ্মী ছেলে! কতক্ষণ এসে অমন ঘুপ্টি মেরে’ বসে’ আছেন?” মন্দিরা দ্রুত পদক্ষেপে ঘরে ঢুকে’ বললে, “একলা বসে’ আছেন বুঝি? খোকা, দিদি কোথায়?”

“এই ত উঠে গেল,” খোকা বললে, “এতক্ষণ সন্টু-কাকার সঙ্গে গল্প করছিল।”

“ঘাক, তা হলে’ একা বসে’ থাকতে হয়নি।” মন্দিরা যেন স্বস্তির নিঃশ্বাস ছাড়ল, “এইটি আমার ছোট বোন বাণু।” তারপর ছোট তের চোদ্দ বছরের মেয়েটির দিকে ফিরে মৃদুকণ্ঠে তাড়া দিল, “এই, নমস্কার কর।”

মেয়েটি নমস্কার করে’ কি একটা কথা বললে বোঝা গেল না।

মন্দিরা বুঝিয়ে দিল, “ভাল কথা বলতে পারে না। তবু আগের চেয়ে ভাল পারে। ডেফ্ অ্যাণ্ড ডান্-এ পড়ে। তবে ডেফ্ নয়।”

সন্টু আশ্বস্ত হ’ল। চেঁচিয়ে কথা বলতে তার কষ্ট হয়।

বললে, “আর যে-কথা বলতে পারে না তাও যে বোঝা যায় না তা নয়। হাবে ভাবে……”

বাণু মেয়েটি সর্কোতুকে সন্টুর দিকে তাকাল।

মন্দিরা বললে, “আমার আর রাগুর মধ্যে এখনও ত বেশী ব
ভাগ সময়ে সেই ভাবে কথাবার্তা হয়।” তারপর ছোট বোনের
গলা জড়িয়ে ধরে’ তার কানে কানে কি বললে এবং সে বাইরে
চলে’ গেল।

মন্দিরা বললে, “স্নান করতে পাঠালাম। ওর আর খোকার
ভার আমার ওপর, মা ওদেব সামলাতে পারে না।”

“আদব করার ভঙ্গী দেখেই বুঝলাম এমন দিদির কথা না
শোনা ওদের পক্ষে অসাধ্য।” সন্টু মুছু হেসে বললে, “কিন্তু
এখন স্নান করতে পাঠালেন? ওদেব কি এখনও গাওয়া হয়নি?”

“বলেন কি!” মন্দিরা আশ্চর্য হ’ল, “অতিথি-সজ্জনকে না
থাইয়ে বাড়ীর কেউ আগে খেতে পারে?”

“আর শুধু এই ব্যাপারেই ভারতবর্ষের লোকেদের আজও
কোনো পরিবর্তন হয়নি জানবেন।” বলতে বলতে ঘরে ঢুকল
মন্দিরার দিদি।

“ছি ছি, দেখুন ত, আমার জন্যে আপনাদের কত অসুবিধেয়
পড়তে হল! ছোট ছোট ছেলে মেয়ে ওরা অতিথি-সেবার কি
জানে? আমি ওই জন্যেই বলেছিলাম, আজ না হয় থাক।
বেলা ত কম হয়নি।” সন্টু কুঠা দেখাবার চেষ্টা করল। আসলে
সে কুণ্ঠিত মোটেই হয়নি। কারণ, এর জন্যে দায়ী মন্দিরা।

“আচ্ছা মশাই, থামুন, খুব হয়েছে। এখন চুপ করে’ বসে’
গল্প করুন দিদিব সঙ্গে। দিদি, তুমি একটু সন্টুবাবুর কাছে
বস। আমি আসছি।” ব’লেই দ্রুতপদে বের হয়ে গেল।

কনকলতা তার বোনবার সরঞ্জাম গুছিয়ে তুলে রাখতে লাগল। তার সমস্ত অবয়বে এবং তাদের ব্যঞ্জনায় একটি শাস্ত এবং ব্যক্তিত্বময় মাধুর্য আছে। অথচ মুখে এমনি একটি নরম ভাব যে সেদিকে তাকালে প্রেম করতে ইচ্ছে করে না, স্নেহ করতে ইচ্ছে করে।

সন্টু বললে, “মন্দিরা দেবী খুব খাটতে পারেন বুঝি?”

“ওই ত সব দেখে।” কনকলতা বললে, “আমি কলেজ, রেডিও আর রেকর্ড নিয়েই ব্যস্ত থাকি। আজ ছুটির দিন বলেই আমাকে বাড়ীতে দেখতে পাচ্ছেন।”

“কিন্তু আপনাদের মাকে দেখতে পাচ্ছি না কেন?” সন্টু জিজ্ঞেস করল, “তিনি কি কারুর সামনে বের হন না?”

“তিনি এক অদ্ভুত প্রকৃতির লোক।” কনকলতা একটু হেসে বললে, “কারুর সামনে বের হন না। দিনরাত নিজের ঘরে বসে’ থাকেন। কারুর সঙ্গেই তাঁর বনে না। আমার সঙ্গে না, এমনকি বাবার সঙ্গেও না। খোকা, রাণু এরা মা’র কাছে ঘেসতে চায় না। কেবল দিরাই মায়ের সঙ্গে মানিয়ে চলতে পারে। কি করে’ যে পারে তা জানি না।”

“কেন বলুন ত?” সন্টু অবাক হয়ে জিজ্ঞেস করল, “তিনি কি করেন?”

মনে হল কনকলতা এক মুহূর্ত্ত দ্বিধা করল, তারপর তেমনি সহজ ভাবেই বললে, “আমাদের সকলেরই মনে হয় তাঁর মাথায় কিছু গোলমাল আছে, নইলে……”

“এইবার গা তুলুন মশাই, অনেক গল্প হয়েছে।” বলতে বলতে মন্দিরা এসে দাঁড়াল।

নইলে যে কি তা আর শোনা হ'ল না। সন্টু উঠে দাঁড়াল। বললে, “গা ত তুললাম। কিন্তু আমি ক্ষুদ্র রাক্ষস নই, আগে থাকতে বলে রাখলাম। অত্যাচার করবেন না যেন।”

“রাক্ষস-খোক্ষসকে আমরা নিমন্ত্রণ করিনা। ভয় নেই, আজ কিছুই রান্না হয়নি। মা ষা-হোক রেঁধেছে। আমি কিছুই করতে পারলাম না। আর একদিন আপনাকে নিজের রেঁধে খাওয়াব।”

মা রেঁধেছে মানে! সন্টু অবাক হ'ল। এইমাত্র সে শুনেছে মা কিছুই করেন না, দিনবাত নিজের ঘরেই বসে থাকেন। তার মনে হ'ল এদের মধ্যে কোথায় একটি গভীর রহস্য আছে। সে উৎসাহিত হয়ে উঠল।

আসনে বসে জিজ্ঞেস করল, “পুবন্দর আসবে না?”

“কি জানি;” মন্দিরা বললে, “দেখা পাইনি। বাড়িতে লিখে রেখে এসেছি। আপনি ত আবিস্ত করুন। যদি আসেন তিনি ঠিকই খেতে পাবেন। ভাববেন না, আপনি ত নিজেরই বলেছেন যে আপনি রাক্ষস নন।”

সন্টু মূহু হেসে আহায়ে মন দিল।

বাড়ীর উপরের তলায় বাড়ীওয়ালী থাকেন, নিচের তলায়

এরা। নিচে রান্নাঘর ছাড়া তিনটি ঘর। তার মধ্যে যেটি বাইরের বসবার ঘর, সন্টু জিজ্ঞেস করে' জানল, সেইটিতে রাত্রে ছেলে-মেয়েরা শোয়। কেবল মন্দিরা রাত্রে তার মায়ের সঙ্গে ভিতরের ঘরে শোয়।

“আর বাইরের ঘরের এই পাণের ঘবটায় কি হয়?” সন্টু জিজ্ঞেস করল। ঘরে ঢুকে সে দেখল কোনে একটা বিছানা গোটানো রয়েছে, এবং আলনায় রয়েছে পুরুষের জামা কাপড়।

“এ-ঘরে সঞ্জয়দা থাকেন।” মন্দিরা বললে।

“তিনি আপনাদের কি হন?” সন্টু জিজ্ঞেস করল। নেহাৎ প্রশ্নেব খাতিরে প্রশ্ন।

“দূর সম্পর্কের ভাই। ধুব্বীতেও আমাদের সঙ্গে থাকতেন। অবশ্য,” মন্দিরা তাড়াতাড়ি যোগ কবল, “উনি প্রতিমাসে ঘরের ভাড়া দেন এবং তাতে আমাদের অনেক সাহায্য হয়।”

“তাছাড়া,” সন্টু বললে, “বাড়ীতে অপনাবা শুধু মেয়েরা থাকতেন, সঞ্জয়বাবু থাকতে একজন পুরুষ অভিভাবক হল।”

“অভিভাবক ঠিক বলতে পারেন না।” মন্দিরা বললে, “আমাদের অভিভাবকের দরকার হয়না। যদিও এপাড়ার ছেলেরা যে খুব ভদ্র একথা বলতে পারিনা।”

“কি করে তারা!” সন্টু পাইপটায় অগ্নি সংযোগ করতে করতে জিজ্ঞেস করল। সকলেরই খাওয়া হয়ে গেছে, বাড়ী দেখানো হয়ে গেছে। এখন সকলে বাইরের বড় ঘরটায় এসে বসেছে। সময়ের গতি মন্থর, মধ্যাহ্ন-ভোজনের পর সাধারণত

যা হয়ে থাকে। ঘরে লম্বা করে' বিছানা পাতা। সন্টু একটা বালিসের উপর হেলান দিয়েছে। শীতের ছুপুরের একটি মধুর অনুভব তার রক্তে সঞ্চারিত হচ্ছিল।

“যখনি আমরা বেকুই করেকজনে পিছু নেয়।” কনকলতা বললে।

“আপনারা দাঁড়িয়ে পড়ে' জবাবদিহি চাননা কেন?” সন্টু উত্তেজিত হয়ে প্রশ্ন করল। উত্তেজনায় সে ততক্ষণে সোজা হয়ে উঠে বসেছে। নোঙ্রামি সে সহ করতে পারেনা।

“কে রাস্তায় দাঁড়িয়ে তাদের সঙ্গে ঝগড়া করতে যাবে বলুন ত! ও আমাদের ভাল লাগেনা। অথচ না বেকলেও ত চলেনা, আমাদের বেকতেই হয়।” কনকলতা বললে।

“আর না বেকলেই বা কি হনে,” মন্দিবা যোগ করল, “সন্ধ্যার পর রাস্তায় আমাদের জানলার ধারে দাঁড়িয়ে যেরকম শিশু দেয় আর যা-সব আলোচনা করে তা শুনলে ক্ষেপে যেতে হয়।”

“বলেন কি!” সন্টু যেন আর সহ করতে পাবছেনা, “আশে-পাশের বাড়ীর ভদ্রলোকরা কিছু বলেন না? আপনাদের বাড়ী-ওলা ত ওপরে থাকেন, তিনি এ বিষয়ে কিছু করেন না কেন? আপনারা তাঁকে বলেছিলেন?”

“আশে-পাশের বাড়ীর ছেলেরাও যে দলে আছে।” কনকলতা বললে, “আর বাড়ীওয়ার ছেলেকেও আমাদের সন্দেহ হয়।”

“সঞ্জয়বাবু কোনো-দিন কুখে' বেব হন না কেন?”

“অতগুলি লোকের বিরুদ্ধে একা কি করবেন? মাঝখান থেকে একটা কেলেকারী হবে।” মন্দিরা বললে।

এই সময় রাণু জড়িয়ে জড়িয়ে যা বলল তার থেকে বোঝা গেল যে দিন চারেক আগে সে যখন স্কুল থেকে ফিরছিল তখন কে একজন কমবয়সী ছেলে তাকে মুখ ভেঙেছিল।

খোকা রুখে উঠে বললে, “ছেলেটাকে আমায় দেখিয়ে দিস ত ছোটদি, একদিন এমনি ল্যাঙ দেব, তখন বুঝবেন বাছাধন।”

“এই খোকা, খামু, খুব বীরত্ব হয়েছে।” মন্দিরা হেসে ধমক দিল।

“কিন্তু ওই হচ্ছে আসল কাজ।” সন্টুও হেসে ফেলে বললে, “মাঝে মাঝে একটু আধটু বীরত্ব না দেখালে লোকে চেপে ধরে। ভদ্রলোকের যুগ এটা নয়। ভদ্রলোক হলেই মুস্কিলে পড়তে হয়। যাই হোক, আপনারা থানায় খবর দেননি কেন?”

“দিয়েছিলাম।” মন্দিরা বললে, “থানার বড়বাবু আমাদের চেনা। তিনি বললেন এই ব্যাপার খুব বেড়ে চলেছে এবং তাঁরা তা থামাবার চেষ্টাও খুব করছেন। তিনি কয়েকটা নাম চেয়েছেন। তাতে তাঁর কাজের সুবিধে হবে।”

“বেশত, নাম দিয়ে দেবেন, কয়েকজনকে চেনেন ত?” সন্টু বললে।

“অনেকগুলিকে চিনি।” কনকলতা বললে, “তবে আমরা অপেক্ষা কবছি নাবার আসবার জন্যে। তিনি এসে যা হোক করবেন।”

“তিনি আসছেন বুঝি ?”

“এক সপ্তাহের মধ্যেই আসছেন।”

“তাহলে ত ভালই।” সন্টু যেন নিশ্চিত হন, “বাবা এলে আপনাদের বাড়ীটা বদলে ফেলুন। কি বলেন ?”

“চেষ্টা না হয় করব।” কনকলতার ভঙ্গীতে যেন হতাশা “কিন্তু বাড়ী পাওয়া শক্ত। এর আগে যখন বাড়ী বদল করি তখন ভারী মুশ্কিলে পড়তে হয়েছিল। মাত্র কয়েকজন মেয়ে থাকবে দেখে অনেক বাড়ীওলাই আপত্তি করেছিলেন। অনেক বাড়ীতে গিয়ে একদিন থেকেই উঠে আসতে হয়েছিল। জিনিষ পত্র নিয়ে কি হাঙ্গামা বলুন ত !”

“মেয়েরা থাকবে তাতে কি হয়েছে !” সন্টু আশ্চর্য হন, “তাদের আপত্তিটা কিসের ? ভদ্রলোকের মেয়ে আপনারা, কোনো হাঙ্গামায় থাকেন না, স্কুলে যান, কলেজে যান.....”

“হয়ত তাঁরা ভেবেছিলেন যে আমরা ভাড়া দিতে পারব না এবং সেজন্য তাঁরও আমাদের কোর্টে নিয়ে যেতে সঙ্কোচ হবে। তাছাড়া আমরা পাঁচজনের সঙ্গে সহজভাবে মিশি বলে’ লোকে আমাদের ভারী বদনাম দেয়। আর সে-বদনাম আমাদের সঙ্গে সঙ্গে চলে।” কনকলতা বললে।

“নিজের মতই লোকে জগতকে দেখে।” সন্টু কঠিন কণ্ঠস্বরে বললে, “যত সব ভণ্ড, নীচ লোক ! দিন এক গ্লাস জল দিন, ভারী বিক্রী লাগছে, এইবাব আমি কেটে পড়ি।”

মন্দিরা জল এনে জিজ্ঞেস করল, “আবার কবে আসছেন ?”

“কাল সন্ধ্যার সময়।” সন্টু দৃঢ় কণ্ঠস্বরে বললে, “যে-লোক-
গুলো শিশু দেয় তাদের আমি একবার দেখতে চাই।”

“ওমা, সেকি, কি করবেন!” মন্দিরা তাড়াতাড়ি বলে’
উঠল, “না না, মিছিমিছি গোয়ার্তুঁমি করবেন না! কি দরকার
ও-ফ্যাসাদে! রাস্তায় যা-খুসী করুক না। রাস্তায় কুকুর
চেষ্টায় না? তা’তে কি আমাদের ঘুমের ব্যাঘাত হয়?”

“তা বলে’ ইতর লোকগুলো মেয়েদের অপমান করবে! এত
তাদের স্পর্ধা!” সন্টুর চওড়া বুকটা যেন আরও ক’ইঞ্চি বেড়ে
গেল।

“দোহাই আপনার, ঠাণ্ডা হন।” মন্দিরা হাত জোড় করে’
প্রার্থনার ভঙ্গীতে বললে।

সন্টু হেসে ফেলল। বললে, “ভয় নেই, আমি কোনো
হাঙ্গামা করব না। আপনারা ঘবের ভিতর থেকেই জানলা
দিয়ে লোকগুলোকে আমায় দেখিয়ে দেবেন, আমি তাদের
একবার দেখতে চাই। আমি কথা দিচ্ছি মারামারি করব না।
ওই ইতর লোকগুলোর সঙ্গে মাবামাবি করাও অভদ্রতা।
আর,” একটু হেসে বলল, “তার দরকারও হবে না।”

“সন্টুবাবু যদি কোনো ব্যবস্থা করতে চান, বাধা দিচ্ছ কেন
মন্দিরা?” কনকলতা বললে, “উনি ত বলছেন কোনো হাঙ্গামা
করবেন না। লোকগুলোর একটা ব্যবস্থা করা দরকার হয়ে
পড়েছে।”

“আচ্ছা বেশ, আসবেন কাল সন্ধ্যাবেলায়, আমরা লোক-

‘শুলোকে দেগিবে দেব।’ মন্দিরা বললে, “আপনাকে পান দেব কি ”

পাঁচ মিনিট পরে পান গেয়ে, পাইপ ধরিয়ে সন্টু রাস্তায় বেরিয়ে চার পাশে চেয়ে দেখল কেউ কোথাও নেই। কেবল মনে হল’ বাড়ীর দোতালার একটা জানলা সে ওপরের দিকে চাইতেই চট করে’ বন্ধ হয়ে গেল।

একটু হেসে সন্টু চলতে শুরু করে’ দিল।

সাহিত্যিক আড্ডা। চা এবং চুরুটের সমাবেশে শীতের সন্ধ্যা পুলকিত। সমধর্মীদের একরূপ সজীবভাবে একত্রিত হওয়া হয়ত কেবল সাহিত্যিক আবহাওয়াতেই সম্ভব। আলাপের মধ্যে বিন্দুমাত্র জড়তা নেই, প্রত্যেকটি কথায় চায়ের উত্তপ্ততা, প্রত্যেকটি ভাব ধূমায়িতভাবে অগ্নিগর্ভ।

কিন্তু তবু সন্ট একটি নিষ্ঠুর সত্যকে উপেক্ষা করতে পারে না। এতগুলি গুণীলোকেব একত্র সমাবেশ হ'তে পেরেছে শুধু এইজন্মে যে সন্ট চা, চুরুট এবং টোপের জন্মে নিয়মিত ভাবে খরচ করে। তবে সরস্বতীব সঙ্গে লক্ষ্মীর যে সাধারণত অসদ্ভাব, এই সত্যটি স্ববণ কবে' সন্ট নিজেকে শান্তনা দিত। তার নিজের ভাগ্যে লক্ষ্মী ও সরস্বতীব রূপা যদি সমান ভাবে হয়েই থাকে তাহলে সে-সৌভাগ্যেব কিছু অংশ সে অপরকে দিতে কার্পণ্য করবে কেন! বিশেষ করে' সে নিজেও যখন তাতে আনন্দ পায়।

এবং পায় অনুপ্রেরণা। এই সব বিক্ষিপ্ত, পরস্পর-অসংশ্লিষ্ট আলাপকে কেন্দ্র করে' একটি সাহিত্যিক আবহাওয়া ঘনিষে আসে। এবং অস্তুত কিছুক্ষণ সাহিত্যিক আবহাওয়ার মধ্যে বাস না করলে লেখা আসে না। এই আবহাওয়াটাই অবশ্য সঘ কথ্য নয়, এবং লেখার মালমশলা হিসেবে জীবনের ঘটনার বাহুল্য এবং অভিজ্ঞতার প্রাচুর্য চাই, যাদের অভাব সন্টর কখনই হয়নি। এবং যদিও এই সব সাহিত্যিক আড্ডায় বেশীর ভাগ সময় কাটে অন্যান্য সাহিত্যিকদের বিরুদ্ধ সমালোচনায়

তবু সন্টু এই সাহিত্যিক সভাগুলিকে পছন্দ করত। সাহিত্যিক-
দেব মত বিচিত্র জীব খুব কমই এবং তাদের ভাবভঙ্গী
লক্ষ্য করে' সন্টু প্রচুর আনন্দ ত পে নই, কতকগুলি নতুন চরিত্র
হয়ত এই সাহিত্য-সভার মধ্যেই জন্ম গ্রহণ করত।

তাদের সাহিত্যিক জীবনের সঙ্গে কয়েকটি মতবাদ স্থায়ীভাবে
জড়িয়ে গেছল। যেমন ধরা যাক, প্রথমত পিন্চুট করে' চুল
অঁচবে' নিখুঁত পোষাক না পরলে সাহিত্যিক হওয়া যায় না।
দ্বিতীয়ত, একটা উদাস-উদাস ভাব করে' লোক এবং চৌরিকীতে
না বেড়ালে গল্পের প্লট বা কবিতার ভাব আসে না। তৃতীয়ত,
প্রচুরভাবে এবং এলোমেলোভাবে প্রেম করা চাই এবং
চতুর্থত, সাহিত্যিকের জীবন হতে' হবে উন্নত।

এখন সবে সাহিত্যে বস্তু-যুগ শেষ হয়েছে। এখন
সাহিত্যিকরা উল্টো পথ নিয়েছেন, প্রায় সকলেই অভিজাত্য-
কামী। শুধু কয়েকজনে মুটে-মজুরদের জন্যে অশ্রুবর্ষণ করতে
শুরু করেছেন, তাও অভিজাত সমবেদনার সঙ্গে।

মোট কথা ওদের সকলকে দেখলেই সন্টু কৌতুক বোধ
করে। তার মনে হয় ওরা যেন বিধাতার অট্টহাসি, মানুষের
বুদ্ধি সম্পর্কে তাঁর বিদ্রূপ।

বোজই সন্টু একপাশে বসে' দাঁতে পাটপটা চেপে ধবে'
এদের কথাবার্তা ও ভাবভঙ্গী উপভোগ করে। আজও সে
গিয়ে কোনের দিকে একটা চেয়ার নিয়ে বসল। তেমনিই

আলোচনার স্রোত বয়ে' চলেছে। পেরু থেকে প্রাগ পর্য্যন্ত পৃথিবীর কোনো জায়গাই বাদ যাচ্ছেনা, কোনো সমস্যারই এ-ঘবটিকে পাশ কাটিয়ে যাবার উপায় নেই, ওরা যেন সময়ের বাঁ টি ধরে' নেড়ে' দিচ্ছে।

আজ সন্টুর মনোযোগ সম্পূর্ণ-ভাবে স্বাধীন ছিলনা। সে ভাবছিল সেই মেয়েগুলির অসহায় অবস্থার কথা। আর ভাবছিল এ-যুগে ছেলেদের শোচনীয় মনোবৃত্তির বিষয়! অবশ্য মেয়েরা প্রজাপতি-বৃত্তি করলে ছেলেরা তাদের পিছুপিছু ঘুরবেই, এ চিরকালের প্রবৃত্তি। তবু প্রত্যেক লোককে প্রথমত এবং প্রধানত হতে' হবে ভদ্রলোক। প্রত্যেক কাজকেই ভদ্রতার এবং শোভনতার সীমার মধ্যে অনায়াসেই আনা যায়।

“আজ সন্টুকে অসাধারণ ভাবে অগ্রমনস্ক দেখা যাচ্ছে।” হিরণ্ময় মত প্রকাশ করল।

“হয়ত এতদিন পরে সন্টুব চবিত্তের পতন ঘটল।” টনি বললে।

সন্টু সোজা হয়ে বসে' প্রশ্ন করল, “অর্থাৎ? বুঝলেই বা কিসে এবং চরিত্র বলতেই বা তোমরা কি বোঝ?”

“ঠিক তুমি যা বোঝ তাই। অর্থাৎ এখানে আমরা তোমার ব্যক্তিত্বকেই উদ্দেশ্য কবে' বলছি।” টনিই উত্তর দিল।

“সেই ব্যক্তিত্বের পতন কি ভাবে হ'ল?” সন্টু চেয়ারে ঠেসান দিয়ে বসল। তার মুখে মৃদু হাসি।

“ভাবপ্রবণ হওয়া তোমাকে মানায় না।” বিমান বললে।

“সাংঘাতিক অপবাদ! ভাবপ্রবণ! এরা বলে কি! প্রেমে পড়েছ নাকি হে সন্টু?” স্থলভেন্দ্র জিজ্ঞেস করল।

“ভাবপ্রবণতা যে একটা অপবাদের জিনিষ ওটা তোমাদের মত, আমার নয়।” এতক্ষণে সন্টু কথা বলছে, “আর প্রেম করাটা খুব ভাল, যদি উপযুক্ত ব্যক্তি জোটে।” সন্টু পাইপের ছাই ঝাডতে লাগল। সন্টু যখন অত্যন্ত ধীরে ধীরে পাইপের ছাই ঝাডে তখন বুঝতে হবে যে এইবার একটি দীর্ঘ বক্তৃতা আশঙ্কা করা যেতে পারে। কারণ সন্টুর ধারণা যতক্ষণ পাইপে আগুণ থাকে ততক্ষণ কথা বলা সময়ের অপব্যয়।

“উপযুক্ত ব্যক্তি বলে তুমি কি বোঝাতে চাইছ?” বললেটনি। সে এই দলের নারদ, কোনো একটা হাঙ্গামা সুরু করিয়ে দিয়ে কেটে পড়ে। “যারা কখনো প্রেম কবেনি, সেই সব ন্যাকা খুকীর দলই কি প্রেমের উপযুক্ত পাত্রী?”

“অন্তত যে-সব মেয়েরা বেপরোয়া এলোমেলো ভাবে প্রেম কববার ভাগ করে’ বেড়ায় তারা যে নয়, এটুকু বলতে পারি।” সন্টু এখনো ছাই ঝাডছে। “আর যে-সব ছেলেবা মেয়েদের পিছনে ছোক ছোক করে’ ঘুরে বেড়ায় তারা প্রেম করতে জানে বলতে চাও?”

“যৌবনের ধর্ম।” বিমান দার্শনিকভাবে মন্তব্য প্রকাশ করল।

“কুকুবের ধর্ম।” সন্টু শ্লেষেব হাসি হাসল।

বিমান উত্তপ্ত কণ্ঠে জবাব দিল, “অনেক” মেয়ে আছে যারা পিছন দিক থেকে কোনো পুরুষকে আসতে দেখলেই মনে করে

বুঝি বা তারই অনুসরণ করছে। এই সব গ্ৰাফা-মার্ক দস্ত
দেখলে হাসি পায়।”

“আবার রাস্তায় কোনো মেয়ে দৈবাৎ কোনো ছেলের
দিকে চাইলেই ছেলেটি মনে করে মেয়েটি পটেছে। হাস্যোদীপক
নিবুদ্ধিতা!” সন্টর বাঁকা কণ্ঠস্বরে শানিত বিদ্রুপ।

স্বলভেন্দ্র হেসে উঠল, বললে, “মেয়েদের উকিল কবে থেকে
হয়ে উঠলে হে? কখনো ত ওদের আমল দিতে তোমায়
দেখিনি। তাইত জিজ্ঞেস করছিলাম, প্রেমে পড়েছ নাকি?”

“যা সহজ, সরল এবং দিবালোকের মত স্পষ্ট আমি তাই
পছন্দ করি।” সন্টু চেয়ারে ঠেসান দিয়ে বললে। এতক্ষণে
সে পাইপে তামাক ভরতে আরম্ভ করছে। এইবার হয়ত
তর্কের ঝড়ে আসবে মন্থরতা!

কিন্তু বিমান সহজে ছাড়বাব পাত্র নয়। “মেয়েদের প্রশয়
না পেলে ছেলেদের দুঃসাহস আসে না।” সে বললে।

“ছেলেদের ভাবভঙ্গী দেখে অনেক সময় মেয়েদের একটু
বাঁদর-নাচ দেখাবার সখ হয়। সেটা অস্বাভাবিক নয়।” সন্টু
বললে। তারপর, “অবশ্য এমন কথা আমি বলছি না যে মন্দ
মেয়ে নেই। অস্তঃসারশূন্য মেয়ে দেখে দেখে আমার ঘেন্না
ধরে’ গেছে। আব এদের জন্মেই অনেক নির্দোষ মেয়েকেও
হাস্কামা পোহাতে হয়।”

“এবং অনেক ফিচেল মেয়ের পাল্লায় পড়ে’ অনেক নির্দোষ
ছেলের প্রাণ যায়।” বিমান তর্কের খেই ছাড়তে রাজী নয়।

“এতে তোমার সঙ্গে আমি একমত।” সন্টু এইবার পাইপ ধরিয়েছে, “এবং একথায় আমার আগেকার কথা গুলি যে মিথ্যা তা প্রমাণ হয় না। তবে এর জন্তে দায়ী ওই কুকুর-ভাবাপন্ন অহুসরণকারী ছেলেগুলি।”

“এবং ভালো মেয়েদের দুর্দশার জন্তে দায়ী জনকতক ফাজিল অন্তঃসারশূন্য মেয়ে।” বিমান বললে।

“যাক, একটা রফা যা-হোক হল!” হিবগ্নয় গন্তীর ভাবে জানাল, “তোমরা অনেক কষ্টে প্রমাণ কবলে যে এক হাতে তালি বাজে না। কিন্তু চল ভাদুড়ী, এইবার আমরা উঠি, ওই পুরন্দর এসে গেছে। এইবার দ্বিতীয় দফা মেয়েদের আলোচনা শুরু হবে। এর পর আব তা সহাবে না।”

“হ্যাঁ, চল, যাওয়া যাক।” টনি দাঁড়িয়ে উঠল।

“আরে যাচ্ছ কোথায়, বস, বস।” বিপুল শবীব নিয়ে পুরন্দর ঘবে ঢুকে বললে। তাবপব টনিকে একটা চেয়ারে বসিয়ে দিয়ে, “একটা ভারী ইন্টারেস্টিং ঘটনা ঘটেছে।”

“কোন্ মেয়ে কোথায় কি ভাবে আপনাকে সম্বন্ধনা কবেছে এই ব্যাপার ত?” হিবগ্নয় তার আলোয়ান গোছাতে গোছাতে বললে, “আর একদিন শুনব। চল টনি।”

“আরে বস্‌ন্ হিরগ্নয়বাবু, বস্‌ন। আপনার সঙ্গে একটা বিশেষ দরকার আছে। একটা কাজ সম্পর্কে। যাবেন একটু পরে।” পুরন্দর বললে।

হিবগ্নয় যদিও জানত যে পুরন্দরের কথায় আকাশের মতই

শূন্য অথচ স্নানীল আশ্বাস, তবু সে আবার চেপে বসল। রাজ-কক্ষচারী পুরন্দর ইচ্ছে করলেই তাকে একটা কাজ জোগাড় কবে' দিতে পারে এবং হিবগুযেব একটা কাজের বিশেষ প্রয়োজন। সাহিত্যে পয়সা নেই এবং শুধু সাহিত্য করলে বাবা দেশ থেকে খবচ পাঠাতে যে চাইবেন না এতে আর আশ্চর্য হবার কি আছে। অথচ লেখাব ভিতর দিয়ে এবং নানা ব্যবহারিক ভাব-ভঙ্গীতে হিবগুযের অর্থ-সঙ্গতির কথা সাধাবণ্যে প্রচার পেয়েছে। এখন একটা ভাল চাকরী জোগাড় করতে না পাবলে ঠাট্ট বজায় রাখা শক্ত। তাই তাকে আবার বসতে দেখে সকলে মুখ টিপে হাসল। তাব এই সঙ্কটাপন্ন অবস্থার কথা এখনকার প্রায় সকলেই জানে।

“আরে সুলভ যে!” পুরন্দর প্রায় চেঁচিয়ে উঠল, “তুমি কতক্ষণ, ভাই? তোমাকেই খুঁজছিলাম। কণিকা আমাকে ডেকে পাঠিয়েছিল। তোমার বিষয় জিজ্ঞেস করছিল।”

সুলভের মুখ অপ্রসন্ন হয়ে উঠল। তাব পরিচিত কোনো মেয়ের সহক্বে এই রকম প্রকাশ্যভাবে আলোচনা যদিও পুরন্দরের পক্ষে সম্ভব তবু সুলভের রুচিতে তা বাধে। অপবিসীম ক্ষমতায় মুখ প্রফুল্ল করে' সে বললে, “একটু বিশেষ কাজ আছে, এখন একটু উঠতে হচ্ছে, কিছু মনে করবেন না। তাঁকে বলবেন আমার বিষয় জিজ্ঞেস করার জন্তে বাধিত হয়েছি।” মনে হ'ল শেষের দিকে তার কর্ণস্বরে শ্রেয় এসে পড়েছে।

সুলভ চলে' গেলে ঘরের মধ্যে কিছুক্ষণ একটা অশ্বস্তিকর

আবহাওয়া বিনাজ করতে লাগল। কিছুক্ষণ সকলেই চুপচাপ।

কণিকা ও সুলভ-সংক্রান্ত অপ্রীতিকর ব্যাপারটি প্রায় সকলেরই জানা! ওদেব দুজনের প্রণয়-বেদনা যখন সাফল্যেব সমীপবর্তী তখন অতান্ত বহস্যজনক ভাবে দুজনের সম্পর্ক ছিন্ন হয় এবং শুধু তাই নয় সুলভ আর একটি নারীহস্তের কাছে নিজেকে সুলভ কবে' তোলে। অথচ দুজনের আকর্ষণেব মধ্যে হৃদয় একটুও মিথ্যার প্রলেপ ছিল না।

“আর একটু সূক্ষ্ম হতে' শিখুন।” হিরণ্ময় মৌনতা ভঙ্গ করলে।

“আরে বেখে দিন। ও-সব প্রেম আমি ঢেব দেখেছি। ও-সব আজকালের ফ্যাসান। প্রেমে না পড়লে আধুনিক হওয়া যায়না যে। এমন অনেক মেয়ে দেখেছি যারা খানায় গিয়ে, কোর্টে গিয়ে বলে' এসেছে যে তার প্রেমপাত্রই অপরাধী, তাকে নানাভাবে পাটিয়েছে, তার নিজেব একটুও দোষ ছিল না।”

“আপনার দুর্ভাগ্য।” হিরণ্ময় বললে।

“আসল প্রেম দেখবার সৌভাগ্য কারে যে হয়েছে একথা আমি বিশ্বাস করি না।” পুরন্দর জানিয়ে দিল, “কোনো দিন তা যদি দেখতে পাই.....”

তাকে কথা শেষ করতে না দিয়ে হিরণ্ময় বললে, “তাহলে মশগুল হয়ে থাকবেন, মেয়ে-সম্পর্কিত ব্যাপার নিয়ে পাঁচজনের কাছে গল্প কবে' বেড়াবেন না।”

সন্টু হেসে উঠল। বললে, “বাস্তবিক পুবন্দর, কণিকার কথা অমন বেখাপ্লা ভাবে তোলা তোমার উচিত হয়নি। তবে তোমারও ভাববার কিছু নেই হিরণ্য, সুলভ কোনো আঘাত পায়নি। আঘাত পাবার মত মন ওব নয়। আজকালের সহরের কোন্ ছেলে-রই বা তা আছে! কিন্তু সেকথা যাক, পুবন্দর, চট করে’ কেটে পড়ার অভ্যাস যদিও তোমাব আছে, তবু আজ তা করোনা। আজকের সকাল সম্পর্কে তোমাব সঙ্গে আমার কথা আছে।” পুবন্দর কি একটা বলতে যাচ্ছিল কিন্তু সন্টু তাকে থামিয়ে দিয়ে বললে, “থাক, থাক, পরে আলোচনা করা যাবে। তুমি একটা কি ব্যাপার আমাদের বলতে যাচ্ছিলে সেইটাই বল।”

তাবপর চলল গল্প ও নানা আলাপের শ্রোত। ইতিমধ্যে আরও পাঁচজন এসে হাজিব হল। তারা কেউই চুপ করে’ কথা শুনে যেতে রাজী নয়। কেউই কারুর কথা মেনে নেবেনা, তর্কে ও চুরুটের ধোঁয়ায় ঘরের আবহাওয়া ভারাক্রান্ত।

সন্টু বাইবে গিয়ে চাকরকে সকলের প্রয়োজনের দিকে নজর রাখতে হুকুম দিয়ে ওপরে গেল এবং তারপর ব্যাপারটা গায়ে জড়িয়ে কিছু টাকা নিয়ে বেরিয়ে পড়ল।

আবার সেই কালকের মত ধূমধূসর রাস্তা। সহরের দম বন্ধ হয়ে আসছে। হাওয়া মন্থর। বাতাসে শীত নেই। রাস্তায় অজস্র লোকের ব্যস্ত পদক্ষেপ। কেরানীর দল মাসিক টিকিট-গুলিকে পুরোমাত্রায় উপভোগ কববার জন্তে সন্ধ্যার পর থেকে

ট্রামগুলিতে কায়েমী আসন নিয়ে বসেছেন, স্তূতরাং ট্রামে চড়লে
দাঁড়াবার স্থানও পাওয়া যাবে কিনা সন্দেহ। বিরাট দৈত্যের
মত বাসগুলো ছুটেছে। পদচারীর দিকে তাদের লোলুপ দৃষ্টি,
কিন্তু অপরিসীম তাচ্ছিল্য। মাকাতার ঠিক পরবর্তী যুগে তৈরী
কলেবরগুলি কোনো রকমে টাঁকে থাকবার গৌরব সশব্দে
জানিয়ে দিচ্ছে। ওদেব কাছে যেঁসতে কেমন ইচ্ছে হয় না।
পথে পদে পদে অগ্ৰমনস্ক বা ব্যস্ত পথিকদের সঙ্গে রুঢ় সংঘর্ষের
সম্ভাবনা। কোনো স্থানে দাঁড়ালেই অজস্র ভিগিরী এসে
ছেঁকে ধরবে। চায়ের দোকানগুলিতে প্রচুর ভীড়। একটুও
নিরিবিলা শান্তি পাবার আশা নেই।

এই সহরের জীবন! সন্টুর দম বন্ধ হয়ে আসতে লাগল।

একটা রিক্স দাঁড় করিয়ে সে চেপে বসল। ধীরে-স্বস্থে
ময়দানে পৌঁছে অন্ধকারে একলা চূপ করে' একটা বেঞ্চে
অনেকক্ষণ সে বসে' থাকবে।

সহরের আকাশেও নির্জনতা নেই, সন্টু বিস্মিত চোখে চেয়ে দেখল, সহরের আকাশেও নির্জনতা নেই। এর আগে সে কখনো লক্ষ্য করেনি কিন্তু আজ সে ভেবে দেখল এত চিল একসঙ্গে এর আগে সে কখনো দেখেনি। আকাশ যে প্রকাণ্ড বড়, তার যে সীমানা নেই সে-কথা যেন ভুলে যেতে হয়, মনে হয় ওইটুকু বিস্তারে চিলেদের যেন কুলাচ্ছে না। আকাশের দেওয়ালে ওদের পাখা যেন ঠেকে যাচ্ছে, আবও উপরে উড়তে গেলেই আকাশেব ছাদে ওরা বাধা পাচ্ছে। আর স্থানের জগু ওদের সঙ্গে ছন্দ চালাচ্ছে কুয়াসা-আকীর্ণ, মৃত-প্রায়, ধোঁয়াটে আলো। শীত-প্রভাতের যে-উৎফুল্লতাব জগ্বে প্রাণ সূর্যোদয়েব প্রতীক্ষা করে, কোন্ অভিশাপে সহব যেন তা থেকে বঞ্চিত!

নিচে ধূলি-বহুল পথগুলিতে চিবাচরিতভাবে বহু পথিকের পদধ্বনি, যান্ত্রিক যানের কর্কশ অভিযান, খাদ্য-অন্বেষণের নিষ্ঠুর প্রচেষ্টা, আশা-নৈরাশ্যের বহুরূপী মিছিল।

আর একটি মৃত দিন, ঘুম থেকে উঠে বারান্দায় দাঁড়িয়ে সন্টু ভাবল, আরও একটি মৃত দিনকে সহ্য করতে হবে। বৈচিত্র্য নেই, প্রথর অনুভূতি নেই, ঘটনারিক্ত, পাণ্ডুব, নির্জীব আর একটি দিন। ঘড়ির কাঁটার মতই মুহূর্তগুলিব শ্লথ গতি আফিংএর মত তাব নাড়ীতে নাড়ীতে রক্তকে নিস্তেজ কবে' দেবে। তার চারদিকে চলতে থাকবে শুধু প্রাণ ধারণ কববার, শুধু টিঁকে থাকবার নির্বোধ, যান্ত্রিক প্রয়াস।

খবরের কাগজটা নাড়াচাড়া করে', কথেকটা বই আলমারি

থেকে নামিয়ে আর তুলে রেখে, মাঝে মাঝে বারান্দায় পায়চারী করে' আর কয়েক কাপ চা ও আধ টিন টোব্যাকো খেয়ে সকালটা কাটল। স্নানাহার সেবে' দুপুরে বাব বার ব্যর্থ চেষ্টা কবল কয়েকটি লাইনকে জন্ম দেবার। তারপর যখন নৈরাশ্যের সমুদ্রে তলিয়ে যেতে তার বেশী বিলম্ব নেই তখন চাকর এসে খবর দিল একজন বৃদ্ধ ভদ্রলোক দেখা করতে এসেছেন, তাঁর নাম নৃপতিবাবু।

বিপর্যাস্ত মস্তিষ্কে বারবার অনুসন্ধান করে' নৃপতিবাবুর সন্ধান যখন কিছুতেই মিলল না তখন সন্টু নিচে নেমে এল। তিনি যেই হোন না কেন সন্টুকে অন্তত সাময়িক ভাবেও একটি অত্যন্ত অশক্তির অবস্থা থেকে রক্ষা কবেছেন এবং সেজন্য সন্টু তাঁর কাছে কৃতজ্ঞ।

ঘবে চোকবাব আগে বাইরে দাঁড়িয়ে সন্টু লক্ষ্য করে' দেখল ভদ্রলোকের মাথাব চুল যদিও সব রূপে হয়ে গেছে তবুও চামড়া নিভাঁজ তামাটে। পথিক বছরগুলির কোনো পদচিহ্নই তাঁর অধরবে খুঁজে পাওয়া শক্ত। সূর্যের অজস্র দানে যদিও তাঁর মুখে তাজা বক্তব্য দীপ জ্বালা বয়েছে তবুও তাঁর চোখের মনো তীক্ষ্ণ চাতুর্য আত্মগোপনের প্রয়াসে সন্ত্রস্ত। গোকটিকে পছন্দ হয় অথচ তাঁর প্রতি একটি সূক্ষ্ম অবিশ্বাস কেবলি মনের মনো উঁকি মারতে থাকে।

“নমস্কার,” ভদ্রলোক কুণ্ঠিত বিনয়ে বললেন, “আমাকে চিনতে পাববার কথা নয়। বসুন, বলছি।”

তারপর সন্টু একটি চেয়ার গ্রহণ করলে, “শুনলাম আমার মেয়েরা আপনাকে বন্ধু বলে’ মনে করে। তাই ভাবলাম আমারও ত আপনার সঙ্গে পরিচয় হওয়ার প্রয়োজন।”

সন্টু মনে মনে হাসল। শুভ বুদ্ধি, সন্দেহ নেই। সাবধানতা সব সময়েই প্রশংসনীয়। বললে, “কাজটা ভালই করেছেন। কিন্তু কোন্ মেয়েদের কথা বলছেন তা ত বুঝতে পারছি না।” সে মনে মনে একবার তার পরিচিত মেয়েদের লিষ্টের উপর চোখ বুলিয়ে নিল।

“আমার নাম নৃপতি ঘোষ, ধুবরীতে কাজ করি। আমার মেয়ে মন্দিরা আব কনকলতার কাছে আপনার বিষয় শুনলাম। অবশ্য, আপনার বন্ধু পুরন্দরবাবুর সঙ্গে আমার পরিচয় আছে।” ভদ্রলোক বললেন।

“আরে, তাই বলুল।” সন্টু নিশ্চিতভাবে বললে, “তারপর? ধুবরী থেকে ফিরলেন কখন? কাল সকালেও ত আপনি কলকাতায় ছিলেন না, এমনকি দুপুরেও না।”

“কাল রাত্রে এসেছি।”

“আর আজ সকালেই এতদূর ছুটে এসেছেন! কি দরকার ছিল বলুন তো? আজ সন্ধ্যাবেলাতেই ত আমার আপনাদের বাড়ী যাবার কথা আছে।” সন্টু বললে।

“তাতে কি হয়েছে? আপনার মত লোকের সঙ্গে দেখা করতে আমার লজ্জার কি আছে! আর আমি বাড়ীতে চূপচাপ বসে’ থাকতে পারি না।”

“সে ত আপনাকে দেখেই বুঝতে পারছি।” সন্টু বললে,
“কিন্তু চা করতে বলি, কি বলেন?”

“ব্যস্ত হবেন না, চায়েব সময় এখনো হয়নি। আমার সঙ্গে
ফর্মালিটির দরকার নেই।” নৃপতি বাবুই ব্যস্ত হয়ে উঠলেন,
“আপনি বসুন, কথাবার্তা বলা যাক। আপনি স্বচ্ছন্দে স্মোক
করতে পারেন, ওবিষয়ে আমার কোনো সংস্কার নেই।”

তার না সংস্কার থাকতে পারে তবু সন্টু তার বৃদ্ধত্বকে
সম্মান দিল। বিশেষ করে’ ভদ্রলোক নিজেই যখন ধূমপান
করেন না। বন্ধুবা কেউ উপস্থিত থাকলে সন্টুর এই চারিত্রিক
দুর্বলতা দেখে অবাক হয়ে যেত। হয়ত আগামী কাল বা
তারও কয়েকদিন পরে এই মুহূর্তটিকে স্মরণ করে’ সন্টু নিজেও
লজ্জিত হবে। তবু এখন তার কিছুতেই স্মোক করতে
আগ্রহ এল না।

ধুবরী সম্বন্ধে, আশামে বাঙালীদের জীবনযাত্রা সম্পর্কে
অনেক খুচরো এবং তথ্যপূর্ণ আলোচনার পর সন্টু প্রশ্ন
কবল, “এখানে মেয়েদের অভিভাবকশূন্য অবস্থায় রেখে আপনি
নিশ্চিত থাকতে পারেন?”

“আমাদের পূর্ববঙ্গের মেয়েরা আপনাদের মেয়েদের মত
নয়।” ভদ্রলোক মৃদু হেসে বললেন।

“অর্থাৎ? আপনি কি বলতে চান যে পশ্চিম বাঙলার
মেয়েরা.....”

“স্বাধীন হবার মত মনের জোর পায়নি। আমাদের দেশের

মেয়েরা তা অনেকটা পেয়েছে। তারা অনেক ক্ষেত্রে নিজেদের ভার ত নেয়ই, তাদের বাপ-মায়ের ভার পর্য্যন্ত নিতে পারে।”

“অনেক সময় অঘটনও ঘটে।” সন্টু বলল।

“স্বাধীন ভাবে বাঁচতে গেলেই তা ঘটবে। তাতে স্বাধীনতার দাম কমে না, বরং স্বাদ বাড়ে।” ভদ্রলোক প্রশান্ত কণ্ঠস্বরে বললেন।

সন্টু একটু সময় ভেবে বললে, “দেখুন, স্বাধীনতা সম্বন্ধে আপনার কথা ঠিক তা মানি। কিন্তু স্বাধীনতাব জন্মে যোগ্যতাও ত অর্জন করতে হবে। জোর করে’ বীরত্ব দেখানো দুর্বলতারই লক্ষণ।”

“কিন্তু আমার কি মনে হয় জানেন?” নৃপতিবাবু বললেন, “জোর করে’ বীরত্ব দেখানতেও অনেক সময় দুর্বলতাকে জয় করা যায়। ছেলেবেলা থেকে ভয়-পাওয়া আমাদের মজ্জাব মধ্যে বাসা বেঁধেছে। তাছাড়া স্ত্রী-স্বাধীনতা এদেশের প্রাচীন যুগেও ছিল। মধ্যযুগেই শুধু অঘটনের ভয়ে তাদের পর্দার মধ্যে ঢুকিয়েছিলাম। সেখানেও কি অঘটন ঘটে না আপনি বলতে চান?”

“প্রচুর, প্রচুর।” সন্টু হাসতে লাগল।

“তবে মিছিমিছি তাদের স্বাস্থ্য নষ্ট করি কেন বলুন? আমার মেয়েদের দেখেছেন ত?” নৃপতিবাবু যেন একটু গর্ক-মিশ্রিত আনন্দের সঙ্গে জিজ্ঞেস করলেন, “তাদের স্বাস্থ্য কেমন মনে হয়?”

স্বাস্থ্য বলতে সাধারণত যা বোঝায় তার সঙ্গে আবয়বিক গঠনের এমন একটা অবিচ্ছিন্ন সম্পর্ক যে নবপরিচিত মেয়েদের স্বাস্থ্য সম্পর্কে নিজের মতামত তাদেরই বাপের সামনেও প্রকাশ করতে সন্টু সঙ্কোচ বোধ করল। সে কথাটাকে চাপা দেবার চেষ্টায় বলল, “কিন্তু স্কুল-কলেজের বেশীভাগ মেয়েদেরই দেখতে পাই বইএর চাপে কঁজো হয়ে পড়েছে, চোখের দৃষ্টি ক্ষীণ, মুখশ্রী বিবর্ণ.....”

তাকে খামিয়ে দিয়ে নৃপতিবাবু তাড়াতাড়ি বললেন, “শুধু স্কুলে বা কলেজে গেলেই যে প্রকৃত স্বাধীনতা লাভ হয় বা তার যোগ্যতা অর্জন করা যায় একথা আমি বিশ্বাস করি না। আমার মেয়েরাও ত স্কুলে-কলেজে যায়।”

“তা হলে’ স্বাধীনতা বলতে আপনি কি বোঝাতে চাইছেন?” সন্টু জিজ্ঞেস করল, “মেয়েদের সম্পূর্ণভাবে স্বাধীন হবার উপায় কি আছে? পুরুষদেব না হলেও তাদের চলবে না, পুরুষদেব বিরুদ্ধে দাঁড়াবার শক্তিও তাদের নেই।”

“না, আপনি তর্কের খাতিরে তর্ক করবেন না। মেয়েদের না হ’লে আমাদেরও চলে না, অস্তুত ভাল ভাবে চলেনা। তা বলে’ আমরা কি স্বাধীন হতে’ পারি না? শ্রমবিভাগেব কথা, পারিবারিক মর্যাদার কথা প্রভৃতি অনেক কথাই যে আছে তা মানি। শুধু এই কথাটাই মানতে পারি না যে বিশেষ দরকার হ’লেও মেয়েরা বাজার থেকে কোনো একটা জিনিষ কিনে আনলে, বাড়ীর লোকেরা খেতে না পেলে কোনো সম্মানজনক

কাজ করে' অর্থ উপার্জন করলে মেয়েদের সম্মানের হানি হয়। যোগ্যতা থাকা কি একটা পাপ?"

সন্টু চেয়ে দেখল বৃদ্ধ ভদ্রলোকের চোখ দুটি উৎসাহে জ্বলছে। তিনি চেয়ারে সোজা হয়ে বসেছেন। তাঁর দেহের প্রতিটি পেশী উৎসাহে প্রখর। সন্টুব তর্ক করতে ইচ্ছে করল না। সারাটা জীবন যে-বিশ্বাসকে অবলম্বন করে' তিনি বেঁচে আছেন তাতে আঘাত দিতে তাব ইচ্ছে করলনা। হযত তিনি নিজেই একদিন আঘাত খাবেন, কে জানে! এইত আজ সন্ধ্যাবেলাতেই শুনতে পাবেন বা হযত এর মধ্যেই শুনছেন পাড়াব ছুর্ভ্র ছেলেদের বর্করতায় তাঁর মেয়েদের কি রকম অসুবিধা ভোগ করতে হচ্ছে। এ-কথা তুললে ভদ্রলোক কি জবাব দেবেন তাও সন্টু জানে। তিনি বলবেন, অনেক মেয়ের হাতেও অনেক পুরুষ লাঞ্চিত হয়, কিন্তু তার থেকে এ-কথা প্রমাণিত হয় না যে পুরুষ জাতি স্বাধীন জীবনযাত্রার অযোগ্য। আর তাছাড়া অবশ্য সন্টুও এটা মানে যে মানুষের সব কিছুই অভ্যাসের অধীন। স্বাধীনতাব আবহাওয়ায় বাস করতে করতেই তার যোগ্যতা অর্জন করা যায়। আর নৃপতিবাবুর ওকথাও সত্যি যে স্বাধীনতা মানে অপরের সঙ্গে সম্পর্ক ছিন্ন করা নয়! পৃথিবীর বড় বড় স্বাধীন জাতকেও অর্থনৈতিক কারণে বহুজাতির মতামতের অপেক্ষা করে' থাকতে হয়। তাতে তাদের স্বাধীনতাব মূল্য কিছুই কমেনি।

“কি ভাবছেন?” নৃপতিবাবু বললেন, “বেশী ভাবলেই সব

গোলমাল হয়ে যাবে। আসল কথা, বাঁচা। আমাদের রক্তে
বহুপুরুষ-সঞ্চিত একটি জ্ঞান আছে। তার পরামর্শ মেনে চলাই
সব চেয়ে ভাল।”

সন্টু খুসী হ’ল এবং বিস্মিত হ’ল। বললে, “বলেন কি !
আপনার ত খুব সাহস ! প্রবৃত্তির প্রেরণাকে মেনে চলতে
বলেন ! ভাগ্যে কোনো সমাজ-পতির কাণে এ-কথা যায়নি।”

“দেখুন, সমাজ-পতির স্বার্থপর হতে’ পারেন কিন্তু তাঁরা
মূর্খ্য নন। তাঁরা জানেন যে খাঁটি নির্জলা প্রবৃত্তির প্রেরণা
যা আমাদের পক্ষে সত্যিই মঙ্গলকর তাকে গ্রহণ করবার ক্ষমতা
আমরা হাবিয়ে ফেলেছি। এখন আমাদের প্রবৃত্তি বিকৃত।”

সন্টুব ভারী ভাল লাগছে এই আলোচনা আর এই
ভদ্রলোককে। ধূসর একঘেয়েমীর মাঝখানে তিনি যেন
একঝলক সূর্যালোক।

সে জিজ্ঞেস করল, “তাহলে এই খাঁটি প্রবৃত্তিকে ফিরিয়ে
পাবার উপায় কি ?” যদিও সে তার এই প্রশ্নের উত্তর নিজেই
জানে, তবু এই জাবস্ত বৃদ্ধের উত্তর শুনতে তাব ইচ্ছে করল।

“গ্রামে ফিরে চলুন। ম্যালেরিয়ার কালাজ্বরের ভয়
করবেন না। প্রত্যেকের নিজের স্বাস্থ্য নিজের হাতে। এখানে
এই ইঁটের পাঁজায় ব্যাপার মুড়ি’ দিয়ে বসে’ বসে’ বিমুবেন
না।” তাবপর একটু কুণ্ঠিতভাবে বললেন, “খাপ করবেন,
আমার কথাগুলো রুঢ় হয়ে যাচ্ছে। কিন্তু বলুন ত, সহরে
আমাদের এই কি জীবন নয় ?”

উত্তর দিতে ভুলে গিয়ে সন্টু বিমনা হয়ে বসে' রইল। সে স্পষ্ট দেখতে লাগল সে এমন জায়গায় গিয়ে পড়েছে যেখানে ধূলিধূমবিমুক্ত নগ্ন সূর্যালোক শীত-প্রভাতের শিশিরবিন্দুর বৃষ্টি হাটছে, যেখানে আকাশ উজ্জ্বল নীল, পত্রবহুল চিকণতাব একটি সবুজশ্রী দৃষ্টিশক্তিকে উৎফুল্ল করে। বাতাসে উদ্দীপনা, আঁটি-বাঁধা হলুদবর্ণ ধান মাঠেতে সারিসারি বসানো রয়েছে, বাহুল্যবর্জিত বেশ-ভূষায প্রকৃতির সস্তানেরা স্বচ্ছন্দগতিতে যাতায়াত করছে। চারদিকে অজস্র পাখীর কলকণ্ঠ উচ্ছ্বসিত আর তাব অস্তিত্বের কেন্দ্রস্থলে বাজছে গরুর গাড়ীর চাকার একটানা ক্যাচ্-ক্যাচ্-ক্যাচ্-ক্যাচ্ শব্দ।

বহুদিন-বিস্মৃত গ্রাম পরম স্নেহ যেন তাকে বারবার ডাকছে। সে হঠাৎ চেয়ারে সোজা হয়ে উঠে' বসে' বললে, “কালকে আমার গাড়ীটা সারানো হয়ে আসছে। যাবেন, কলকাতার বাইরে একটু বেড়িয়ে আসবেন?”

নৃপতিবাবু একটু হেসে বললেন, “বেশত, যাওয়া যাবে। কখন বেরুতে চান?”

“সকালবেলা স্নান শেষ ক'রেই।” সন্টু বললে, “আপনার ছেলে-মেয়েদেরও নিয়ে যাবেন। কিছুদূর গিয়ে রাস্তার কাছেই কোনো গাছতলায় রান্না করে' খাওয়া যাবে। তারপর সারাটা দিন সেখানে কাটিয়ে সন্ধ্যাবেলায় ফিরে আসব। কি বলেন?”

“উত্তম প্রস্তাব। আমার ত ভাল লাগবেই। অনেকদিন

সহরে বাস করার পর আপনাদের আরো ভাল লাগবে। তাহলে বেলা নটায় বেরুনো যাবে। আমরা তৈরী হয়ে থাকব। রাঁধবার সরঞ্জাম আমরা নেব। আপনি শুধু একটা স্টোভ সংগ্রহ করবেন।”

“স্টোভ আমার আছে। তরি-তরকারীও আমি নিয়ে যাব। এই কথাই রইল তাহলে,” সন্ট উৎফুল্ল ভাবে বলল, “আপনি একটু বসুন, আমি এইবার আপনার জন্তে চায়ের ব্যবস্থা করি।”

“আমার কাছে লৌকিকতার দরকার নেই।” নৃপতিদাবু বললেন, “খাওয়াতে চান আর একদিন এসে’ খেয়ে যাব’খন। চাকরদেব হাতের চা খেয়ে কি করবেন। আপনার যখন আমাদের বাড়ী যাবার কথাই আছে, চলুন না, সেখানেই চা খাবেন, লতা, দিরা ওরা করে’ দেবে।”

“বেশত, বেশত, তাই চলুন। আমার কিছুমাত্র আপত্তি নেই।” সন্ট বললে, “একটু বসুন আমি আসছি।”

তারপর সে বাইরের জন্তে তৈরী হয়ে নিতে উপরে গেল।

আলো, আলো। পরিষ্কার, নগ্ন আলো। প্রতিটি আলোক-
কণার চারপাশে নোঙরা ধূলা জড়ানো নেই। মেঘবিহীন নীল
আকাশ থেকে সূর্যের আলো আসছে। গাছের চিকন পাতা
থেকে আলো ঠিকরে পড়ছে। সূর্যের আলো। যে-আলোর
স্পর্শে শরীরের প্রতিটি স্নায়ু-কেন্দ্রে জীবন-শক্তি উদ্দীপ্ত হয়ে
ওঠে। প্রচুর আলো, অজস্র আলো। পিচ্-ঢালা রাস্তার বুক
থেকে আলো ঠিকরে আসছে। গাড়ীর বনেটের ওপর আলো
দেহ মেলে দিয়েছে।

ছপাশে ছোট ছোট গ্রাম। খড়ের চাল। মাটির দাঁওয়া।
খুঁটিতে ছাগল বাঁধা রয়েছে। মাচার কুমড়া রোদ পোষাচ্ছে।
সংখ্যাভীত ইক্ষুদণ্ড, রসের আশ্বাসে ভরপুর। বেগুনের ক্ষেত,
কপির ক্ষেত, মুলোর ক্ষেত।

“কড়াইসুটির ক্ষেতে বসে’ গাছ খেতে টাটকা কড়াই তুলে
খেতে যা আরাম।” সন্টু বললে।

“আর ক্ষেতের মালিক এসে যখন পিঠে ঘাকতক লাঠি
বসিয়ে দেবে, তখন?” মন্দিরা বললে, “সেটা খেতে নিশ্চয়
আরাম লাগবে না। কি বলেন?”

“ওই ত মুস্কিল।” সন্টু দীর্ঘ নিশ্বাস ছাড়লে।

সকলেই হেসে উঠল।

“বহুদিন আগে আমি একবার ওই দুষ্কর্ম করতে গিয়ে তাড়া
খেয়েছিলাম।” সন্টু বললে।

“কোথায়?” নৃপতিবাবু জিজ্ঞেস করলেন।

“দমদমে, এরোড্রোমের পিছনে।”

“তারপর, কি হল?” খোকা জিজ্ঞেস করল। তার গল্প শোনার প্রবৃত্তি উদ্দীপ্ত হয়ে উঠেছে।

“ঠিক পালাতে পেরেছিলাম।” সন্টু হেসে বললে, “শুধু একজন সাইকেল নিয়ে মুস্কিলে পড়েছিল! সে সাইকেলটি ক্ষেতে শুইয়ে রেখে দিখি ঘুপ্টি মেবে বসে’ খাচ্ছিল। তাড়া খেয়ে সাইকেল বের করতে সময় লেগেছিল।”

“মার খেয়েছিল?” খোকা জানতে চায়।

“না, শেষ পর্যন্ত ঠিক সময়ে পালাতে পেরেছিল। আমরা ততক্ষণে নিরুদ্দেশ। আমার তখন বয়েস কম।”

“আমার মতন?”

“হ্যাঁ, প্রায় তোমার মতন।” সন্টু বললে।

“আমিও কড়াইসুটি খাব, বাবা।” খোকা আবদার ধরল।

“চুপ কর,” নৃপতিবাবু ধমক দিলেন, “রোজ ত খাও।”

“না, বাজারের নয়, মাঠ থেকে তুলে খাব। সন্টু-কাকা গাভী খামাতে বলুন।”

“এখন নয়, লক্ষ্মী ছেলে, চুপ কর।” মন্দিরা বললে, “ফেববার সময় সন্ধ্যার পর তোতে-আমাতে নামব। কি বলিস্?”

খোকা রাজী।

কনকলতা বললে, “আমিও নামব।”

নৃপতিবাবু হাসতে লাগলেন। বললেন, “এ তোমাদের হ’ল

কি ? সন্টুবাৰু এখন এদের সকলকে সামলাবেন কেমন করে ?”

“সামলাতে গেলেই অন্ঠায় করা হবে ।” সন্টু বললে ।

“তার মানে ?” নৃপতিবাৰু আশ্চৰ্য্য হয়ে জিজ্ঞেস করলেন ।

“তার মানে সহর থেকে বেরিয়ে এসে এদের মন আজ মুক্তির স্বাদটা ভোগ করতে চায় ওই ধরণের একটা অনিয়মের মধ্যে দিয়ে ।”

“কিন্তু স্বাধীনতা ত আর অনিয়ম নয় ।”

“তা ও ষই ।” সন্টু বললে, “দুধের স্বাদ ঘোলে মেটানো আর কি ।”

“শেষ পর্যন্ত ঘোলটাকেই দুধ বলে’ না বিশ্বাস হয়ে যায় ।”

“হলেই বা, ঘোলটাও অনেক সময় উপকাৰী ।” সন্টু হাসতে লাগল । এবং তারপর হাসি খামিয়ে বলল, “সব নিয়মই ত ভাল নয় । যে-নিয়মগুলো আমাদের জীবনের সঙ্গে খাপ খায়না তাদের না মানলেই ত আর নিয়মের শাসন অগ্রাহ করা হয় না ।”

“কিন্তু অপরের জিনিষ তাকে না জানিয়ে নেওয়া চলবে না, এ-নিয়ম থাকা ভাল । কি বলেন ?” নৃপতিবাৰুর কণ্ঠে শ্লেষ ।

“তুমি বড় তর্ক কর, বাবা ।” কনকলতা বললে, “আর যুদ্ধ না করে’ জাৰ্মাণরা যে গোটা ইয়োৰোপটা কেড়ে নিল তাতে বুঝি অন্ঠায় হয়নি । জাৰ্মানীকে শাসন করা শক্ত । ইতালীও ত এ্যাবিসিনিয়া নিয়েছে । তাকেও শাসন করা শক্ত । তাই বলে’ বুঝি তাদের অন্ঠায় কাজটা পৃথিবীর সকলে হজম করে’ নিয়েছিল ?”

“আর তাছাড়া আমরা ত আর ক্ষেতের সব কড়াইস্টি বা সব বেগুণ তুলে নিতে যাচ্ছি। শুধু তোমার আমোদের জন্যে দু’একটা তুলব। তাতে ক্ষেতের মালিকের এমনকি ক্ষতি হবে!” মন্দিরা বললে।

“আবার বেগুণক্ষেতেও নামা হবে বুঝি?” নৃপতিবাবু জিজ্ঞেস করলেন।

“বেগুণক্ষেতে আর কপিক্ষেতে।” মন্দিরা তাঁকে জানিয়ে দিল।

“আমায় নাগিয়ে রেখে আসবেন চলুন, সন্টুবাবু।” তিনি বললেন, “মাবধোর এ বুড়ো ব্যেয়েসে সহাবে না।”

“ভয় নেই।” সন্টু অভয় দিল, “এ গাড়ীর ইঞ্জিন খুব শক্তিশালী! পালাতে সময় লাগবে না।”

“কিন্তু আমাদের ফেলে পালাবেন না যেন।” খোকা উৎকর্ষিত ভাবে বললে।

সকলেই হেসে উঠল।

মন্দিরা প্রায় চেঁচিয়ে উঠল, “এইখানেই গাড়ী থামান। দেখুন বেশ পরিষ্কার জায়গা।” তারপর গাড়ী থামলে কিছুদূরের একটা গাছ দেখিয়ে দিয়ে বললে, “ওইখানে বেশ রান্না হবে। তাছাড়া একটু দূরেই একটা পুকুর রয়েছে। বাসনগুলো ধুয়ে নেওয়া চলবে!”

গাড়ীটা রাস্তার ধারে ভাল করে রাখা হলে সকলেই নেমে দাঁড়াল।

প্রান্তরের মাঝখানে সীমাহীন ছুটি আর সীমাহীন জীবন।
প্রত্যেকটি ত্বণের ডগায় বেঁচে থাকার আনন্দ সূর্যের দিকে মাথা
তুলে দিয়েছে। তারা আজ কয়েকটি সচকিত পদতল থেকে
সহরের সমস্ত ধুলো মুছে নিল। পাখীরা স্তব্ধ বিশ্বয়ে কয়েকটি
অপরিচিত কণ্ঠের কলধ্বনি শুনল।

আহার-পর্ব যখন শেষ হল তখন প্রায় বিকেল। কনকলতা
প্রায় লজ্জিত কণ্ঠে সন্টুকে বললে, “অত্যন্ত অসময়ে আপনার
খাওয়া হল।”

“সহরের মধ্যেই সময়ে খাওয়া হয় না। আর বনভোজনে
এসে সেটার আশা করা আমার পক্ষে পাগলামী হ’তনা কি?”
সন্টু গাছের গুঁড়িতে ঠাসান দিয়ে দাঁড়িয়ে বললে।

“তবু এত দেবী করে’ কখনো হয়ত খাননি।” মন্দিরা বললে।

“এবং খাওয়াতে এত আনন্দও সচরাচর পাইনি।” সন্টু
বললে।

“সেটা স্থান-মাহাত্ম্য, আমাদের রান্নার গুণ নিশ্চয়ই নয়।”
মন্দিরা ঘাসের উপর দেহ এলিয়ে বললে, “কিন্তু এইবার আমার
ভারী ঘুম পাচ্ছে। বাবা, তোমার ব্যাপারটা দাও, একটু
ঘুমিয়ে নি।”

“শীতের দুপুরে ঘুমতে নেই, শরীর খারাপ হবে।” নৃপতি-
বাবু বললেন, “উঠে একটু ঘুরে বেড়াও, তাহলে আর ঘুম
আসবে না।”

খোকা ছুটে গিয়ে মন্দিরার হাত ধবে’ টানাটানি লাগিয়ে

দিল। “মেজদি, ওঠ, ওই ওদিকে একটা গাছে অনেক পেয়ারা হয়ে আছে, দুজনে পেড়ে আনিগে।”

রাণু এসে মন্দিরার অপর হাত ধরল। স্তূতরাং না উঠে উপায় নেই। ছোট্ট দলটি চলল পেয়ারার সন্ধানে।

তারা চোখের বাইরে চলে’ যাবার কিছুক্ষণ পরেই একটা প্রবল হর্ষধ্বনি ভেসে এল। সন্ধানিত দ্রব্যের সাক্ষাৎ মিলেছে।

নৃপতিবাবু বললেন, “এরা ছেলেবেলায় এইভাবে মানুষ হয়েছে। এইজন্মেই শুধু আমি এদের সহরে রেখে নিশ্চিত হতে পারিনা। আপনারা ববাবর সহরে আছেন, আপনাদের কথা আলাদা। অপরিচিত জানোয়ারের কাছ থেকে আত্মরক্ষা করা সব সময় সম্ভব নয়।”

“সহরটা তাহলে একটা জানোয়ার, বাবা!” কনকলতা জিজ্ঞেস করল।

“নিশ্চয়, আমিও ওকথা মানি,” সন্টু বললে, “অ্যামেরিকার র্যাটল সাপ, ল্যাজে সব সময় ঘণ্টা বাজছে! ঘোড়ার পিঠে চেপেও তার হাত থেকে নিস্তার নেই।”

“কিন্তু মোটরে চেপে আছে।” নৃপতিবাবু বললেন, “এই যেমন আমরা পালিয়ে এসেছি।”

“পালিয়ে এসেছি, কিন্তু পালিয়ে থাকতে পারব না।” সন্টু ক্লান্ত ভঙ্গীতে বসে’ পড়ে’ বললে, “আবার ফিরে যেতে হবে। সাপের চোখের মতই সহরের চোখে যাঁহু আছে, শীকারকে কাছে টেনে আনে।”

“চলুন, সন্টুবাবু, আমার সঙ্গে দিন কতক ধুবরীতে বেড়িয়ে আসবেন।” নৃপতিবাবু বললেন, “ভাল লাগবে।”

“কয়েকদিনের জন্তে মন্দ নয়।” সন্টু হাসল, “কিন্তু পনেরো দিনের বেশী সহরের বাইরে থাকলে প্রাণ হাঁপিয়ে ওঠে।”

দূর থেকে কলরব ভেসে আসছে। বাতাসে শীত অপরাহ্নের একটি অলস ক্লাস্তি। সন্টুও ঘাসে শরীর এলিয়ে দিল। তার সহসা মনে হল এই সহৃদয় আবহাওয়ায় এই তৃণ-শয্যা শীতের পড়ন্ত রৌদ্রে শুয়ে থাকার মত আরামের জিনিষ আর নেই। এই মাঠের মধ্যে জীবনের অভাব অল্প, চাওয়ার বেশী এখানে পাওয়া যায়। স্নিগ্ধ স্নায়ু প্রতিটি ফুল ফোটার দিকে উৎসুক হয়ে ওঠে। অজস্র প্রজাপতির পাখায় এখানকার আকাশ চঞ্চল। যে-সব হলদে পাতা বারে বারে পড়ছে, গাছের ডালে তাদের কাজ ফুরলেও তারা নিরর্থক নয়, বনতল সাজাবার ভার তাদেরই। আর সহরের ধূসরিত পথে অজস্র ভিখিরীর প্রেতায়িত উপস্থিতি! সন্টু শিউরে উঠে চোখ বুজল।

সন্ধ্যা নেমে আসছে। আঁচলে পেয়ারা ভর্তি করে মন্দিরা আর রাণু ফিরে এল, তাদের অগ্রভাগে বীর পদক্ষেপে থোকা। এইবার মেয়েরা লাগল চা তৈরী করায়। সন্টু উঠে ঘুরে বেড়াতে লাগল। নৃপতিবাবু তার সঙ্গে নিলেন। শরীরের রক্ত গান গাইছে, যে-গান এখানকার বিল্লীর কণ্ঠে। গাছের মাথায় মাথায় হাওয়া উচ্ছল হয়ে উঠল, ঠাণ্ডা শিরুশিরে হাওয়া।

“আপনি আপনার মেয়েদের সঙ্গে নিয়ে যান।” সন্টু হঠাৎ

নৃপতিবাবুকে বললে, “এখানে তাদের রাখবেন না।”

সন্টু ভেবেছিল নৃপতিবাবু আপত্তি করবেন, কালকের মতই তর্ক তুলবেন, মেয়েদের স্বাধীনতার মর্ষ বোঝাতে চাইবেন। কিন্তু সে আশ্চর্য্য হয়ে শুনল তিনি বলছেন, “আমারো তাই ইচ্ছে। এখানে অনেক গোলমাল হচ্ছে। ওদের মা নির্ভর করবার মত লোক নন। ছেলেমেয়েদের অভিভাবক একজন দরকার।”

“গোলমাল!” সন্টু জিজ্ঞেস করল, “গোলমাল কিসের? পাড়ার ছেলেদেব ভয় বলছেন? পাড়ার ছেলেরা গোলমাল করতে সাহস পায়না। ওই সামান্য একটু উকিঝুঁকি মারে। তাও কাল রাত্র আমি যে-রকম ভয় দেখিয়ে দিয়ে এসেছি.....”

“না না, ওসব বিষয় আমি ভাবছি না।” নৃপতিবাবু তাড়াতাড়ি বললেন, “ভয় করি আমার মেয়েদের। একজন স্নেহশীল আপনার লোককে আশ্রয় করতে পারলে তবে ওরা সহজ ভাবে বেড়ে ওঠে, বাইরের কুশ্রী আবহাওয়াকে এড়িয়ে চলতে পারে। আমি এখানে থাকতে পারলে অন্য কথা ছিল। এখন অবশ্য আপনাকে দেখে ভাবছি যে.....”

“তার জগ্গে ভাববেন না।” সন্টু বললে, “আপনি বললে আপনার অনুপস্থিতিতে আমি ওদের দস্তুরমত খোঁজ-খবর নেব। কিন্তু ওদের নিয়ে যেতে বাধা কোথায়?”

“নিয়ে গেলে লেখাপড়াও হবে না, ভাল বিয়ে হবার সম্ভাবনাও কম।” নৃপতিবাবু হেসে বললেন।

খোকা ছুটতে ছুটতে এসে বললে, “বাবা এস, সন্টু কা কা আসুন, দিদিরা ডাকছে, চা হয়েছে।”

শীতের সন্ধ্যায় র্যাপার মুড়ি দিয়ে মাঠের মাঝখানে বসে অজস্র খুচুরো কথায় ফাঁকে ফাঁকে চায়ের কাপে চুমুক দেওয়ার প্রচুর আরাম। সহরের লোকেরা এ-খবর জানে না। আবার, সন্টু মনে মনে হাসল, গ্রামের লোকেরাও এ-খবর জানেনা। গ্রামের লোকেরাও সব এ-সময় বাড়ী ফিরেছে। এইবার চায়ীরা সব ছাঁকো নিয়ে বসবে, হয় একাএকা নিজের দাওয়ার, নয়ত অপরের বাড়ীতে পাঁচজনে মিলে পরচর্চার জটলা পাকাতে। আর মেয়েরা ! মেয়েরা আর একটু পরে রান্না চুকলেই নেবে কাঁথার আশ্রয় !

তবু যাহ'ক, সন্টু মনকে শান্ত্বনা দিল, তবু যাহ'ক গ্রামবাসীরা জীবনকে অনেকটা সহজ ভাবে নিয়েছে, সরল ভাবে নিয়েছে। তাদের জীবনে সমস্যা কম। কিন্তু আবার সমস্যা না থাকলে জীবনের স্বাদ কোথায় ! নিৰ্বাণ্ণাট জীবন মৃত্যুরই রূপান্তর। সন্টু হাল ছেড়ে দিয়ে চায়ের কাপে চুমুক দিতে লাগক।

“লেখক হলেই ভাবতে হয়, তা জানি,” মন্দিরা বললে, “কিন্তু সবসময় যদি ভাবেন তাহলে আমাদের অস্থবিধে হয় যে, আর চা-ও জুড়িয়ে যায়।”

“দেগি আপনার কাপটা।” কনকলতা হাত বাড়াল।

“কেন ?”

“বদলে দি চা-টা। ও-টা হয়ত ঠাণ্ডা হয়ে গেছে।”

“না, না, ধন্যবাদ। বেশ গবম আছে। আমার এই অগ্র-মনস্কতার জন্তে সত্যিই আমি লজ্জিত।”

“থাক, থাক, হয়েছে মশাই, হয়েছে। আমাদের কাছে অত ভদ্র হ’তে হবেনা।” মন্দিরা সন্টুকে বললে।

“সবসময়েই ভদ্রলোক হওয়া ভাল।” সন্টু আত্মরক্ষা করল।

“কিন্তু অমন লোক-দেখানো ভদ্রতা নয়।” মন্দিরা হটবেনা।

“চট্ ক’রেই কি আর ভদ্রলোক হওয়া যায়,” সন্টু বললে, “ওইরকম ভাবে অভ্যাস করতে হয়। জানেন ত পৃথিবীর অন্যান্য দেশে ছেলেবেলা থেকে জোর কবে’ এটিকেট্ সেখানো হয়!”

“আমাদের দেশেও আগে সেখানো হত, আজকালই হয়না।” নৃপতি বাবু বললেন।

“একেবারে হয়না ও-কথা বলতে পারনা বাবা,” কনকলতা বললে, “আজকালের অনেক ছেলে আগেকার চেয়ে ভদ্র হয়েছে।”

“সে কেবল কথায়, দিদি. ব্যবহারে নয়।” মন্দিরা বললে।

সন্টু কাপে শেষ চুমুক দিয়ে সেটা নামিয়ে রেখে বললে, “আপনাদের পাড়ার ছেলেগুলিকে দিয়েই আজকালের ছেলেদের বিচার করবেন না।”

হঠাৎ খোকা অপরিমিত হাসতে লাগল।

“এই খোকা, অত হাসছিস কেন?” মন্দিরা জিজ্ঞেস করল।

“কালকে রাত্তিরে সন্টু কাকা লোকগুলোকে কেমন জব্দ করেছিল। ভাবী মজা হয়েছিল।” খোকা আবার সশব্দে হাসতে লাগল।

“সত্যি বাবা, কালকে তখন লোকগুলোর মুখ যদি তুমি দেখতে !” মন্দিরাও প্রচুর হাসতে লাগল।

“কিন্তু কাল যখন আপনি একা অতগুলো লোকের সামনে বেপরোয়া ভাবে গিয়ে দাঁড়ালেন, তখন আমার ভয় করছিল।” কনকলতা সন্টুকে বললে।

“ভয়ের কোনো কারণ ছিলনা,” সন্টু হেসে বললে’ “ওবা স্বভাবতই ভীতু। দেখলেন কেমন সব আশ্বে আশ্বে কেটে পড়ল !”

“কিন্তু না পালিয়ে ওরা যদি ঝগড়া করে’ আপনাকে মারতে আসত ?” খোকা জিজ্ঞেস করল, “তখন কি করতেন ?”

“তার জন্তেও আমি তৈরী ছিলাম। ওদের ওষুধ আমাব সঙ্গেই ছিল। এই দেখ।” সন্টু পকেট থেকে চামড়ায়-বোনা লিকুলিকে চাবুক বের করল।

“বাঃ, চমৎকার চাবুক ত ! দেখি দেখি।” মন্দিরা চাবুকটা তাব হাত থেকে নিয়ে বললে, “পকেটে দিকি গুঁটিয়ে রাখা যায়। সর্বদা পকেটে রাখেন বুঝি ? খুব সাহসী লোক দেখতে পাচ্ছি।”

মন্দিরার শ্লেষ সন্টুর মুখে কিছু রক্ত এনেছিল। সে তাড়া-তাড়ি বলল, “না, সব সময় থাকেনা, কাল থেকে আছে ! ওই ইতর লোকগুলোকে ছুঁতে আমার ঘেন্না করত তাই নিয়েছিলাম। সাধারণত আমাব আত্মরক্ষার দরকার হয়না, কুড়িবছর ধরে’ কুস্তি-করা এই চেহারাটার দিকে কেউ এগোয়না। কাল

দেখেছিলেন ত, চাবুকটা বের করার দরকার হয়নি। এই মেয়েলী পুরুষদের যুগে অস্ত্রের কোনো প্রয়োজন নেই!”

“দেখি’ আপনার মাস্‌ল্ দেখি।” খোকা এগিয়ে এসে তার হাতের ওপর দিকটা টিপে বলল, “দেখে যাও মেজ-দি, দেখে যাও, ঠিক যেন লোহা।”

“কিছু মনে করবেন না,” মন্দিরা হেসে বললে, “আমি ওটা এমনি কথার কথা বলেছিলাম।”

“কিন্তু এই বার ত উঠতে হয়, সন্টুবাবু, অন্ধকারে কিছুই দেখা যাচ্ছেনা।” নৃপতিবাবু উঠে দাঁড়ালেন।

“বাঃ বাবা, কি বলছ!” মন্দিরা বললে, “এর মধ্যে গেলে আমাদের বেগুণ চুরির অসুবিধে হবে যে। সন্ধ্যা রাত্তিরে আশেপাশে লোক থাকবে। ধরা পড়বে।”

“বেশত, একবার হাজত বাস করে’ আসবি, তাহলেই পাকা চোর হ’তে পারবি।” নৃপতিবাবু হেসে বলবেন। “চুরি আর একদিন হবে। আজ ফেরা যাক। সন্ধ্যাব পর আমার এক জায়গায় ষাবার কথা আছে।”

সুতরাং সকলকে উঠতে হ’ল। স্কু হল গাড়ীতে জিনিষ পত্র বয়ে’ নিয়ে ষাবার পর্ব।

রাত সাড়ে নটার সময় নিচে নেমে এসে বসবার ঘরে কনক-
লতাকে দেখে সন্টু আশ্চর্য্য হয়ে গেল। সঙ্গে একজন সম্পূর্ণ
অপরিচিত লোক। ভদ্রলোক সন্টুকে নমস্কার করল। সন্টু
প্রতিনমস্কার করবার পব কনকলতা পরিচয় করিয়ে দিল, “আমার
এক কাকা হন।

তখন ভদ্রলোক বললেন, “আমি বারণ করেছিলাম, মশাই।
এত রাত্রে এসে আপনাকে বিবক্ত করা উচিত কাজ নয়। কিন্তু
ও-মেয়ে কি সে-কথা শোনে। আজ রাত্রে ওর না এলেই নয়ই।”

“না, না, তাতে কি হয়েছে।” সন্টু বললে, “আমবা লেখক
মানুষ, প্রায় সব সময়েই পেচকধর্ম অবলম্বন করে’ চলি, রাত
জাগা আমাদের গা-সওয়া। আর এখন ত মোট সন্ধ্যা রাত।”

“কিন্তু আপনার লেখায় হয়ত বাধা দেওয়া হল।” ভদ্রলোক
প্রমাণ করবেনই যে এ-সময় আসা কনকলতার পক্ষে একটা
অমার্জনীয় অপরাধ হয়েছে।

“বাধার মধ্যে দিয়েই লেখা খোলে মশাই। সময় যখন অল্প
তখনই তার দাম বেড়ে’ যায়।” সন্টু লোকটির ওপর প্রায় বিরক্ত
হয়ে উঠছে। তাঁর এই অতি বিনয়ের গ্রাকামী অসহ। মন্দিরা
কনকলতার সঙ্গে এঁর স্বভাবের এতটা তফাৎ যে এঁকে তাদের
কাকা বলে’ বিশ্বাস করতে বাধে।

“একটু চা করতে বলি?” সে কনকলতার দিকে ফিরে
জিজ্ঞেস করল।

“বেশী চা খেলে আমার আবার অহল হয়।” কনকলতা

বললে, “তবে যদি, কফি থাকে তাহলে…… ………”

“কফি নেই ! বলেন কি !” সন্টু অত্যন্ত আহত হবাব ভঙ্গীতে বলল, “আমার লেখবার ক্ষমতা বেঁচে আছে তাহলে কি করে’। বিশেষ করে’ এই শীতকালে। একটু বসুন।”

নেপথ্যে অতিথি-সৎকারের উদ্যোগ-পর্ব শুরু করিয়ে দিয়ে সন্টু ফিরে এল। চেয়ারটায় আরাম করে’ বসে’ বললে, “তারপর ? খবর কি বলুন ?”

“কিন্তু তুমি যদি কফি খেয়ে তারপর যাও, লতা,” ভদ্রলোক বিচলিতভাবে বললেন, “আমার তাহলে একটু মুষ্কিল হবে যে। আমার দশটার মধ্যে বাড়ী ফেরবার কথা।”

“আপনি ত ছেলেমানুষ নন, এত তাড়া কিসের !” সন্টুর কণ্ঠস্বরে রুঢ়তার আভাস। সে লোকটার ওপর দস্তুরমত বিরক্ত হয়ে উঠেছে। এত যখন সময় অল্প তখন না এলেই হ’ত।

“একটু অপেক্ষা করুন না।” কনকলতা অনুনয়ের স্বরে বললে, “এইত আধ ঘণ্টাব মধ্যেই আমি উঠব।”

“আমার ভারী অসুবিধে হবে।” তথাকথিত কাকা বললেন।

“আপনি এরপর এঁর সঙ্গে কোথাও যাবেন বুঝি?” সন্টু কনকলতাকে জিজ্ঞেস করল।

“এরপর যাব সোজা বাড়ী। বেশী রাত হয়ে গেছে। তাই ওঁকে নিয়ে এলাম পথের সঙ্গী হিসেবে।” কনকলতা বিব্রত-ভাবে বললে।

“ও, এই !” সন্টু নিশ্চিত্ত ভাবে বললে, “তা উনি যান না

ওঁর কাছে। আমার গাড়ী আপনাকে পৌঁছে দিয়ে আসবে, কি বলেন?”

ভদ্রলোক আবার একটু ন্যাকামী করলেন, “আবার আপনার গাড়ী বের করতে হবে। আপনার ড্রাইভার.....”

“ড্রাইভার আছে। রাত বারোটা পর্যন্ত থাকে। আপনি স্বচ্ছন্দে যেতে পারেন।” সন্টু কাটাকাটা ভাবে বললে।

“তবে আর কি! লতা তুমি বস, আমি আসি।” ভদ্রলোক উঠে দাঁড়ালেন।

কনকলতাকে কথা বলবার অবসর না দিয়ে সন্টুও উঠে দাঁড়িয়ে বললে, “নমস্কার, আর একদিন আসবেন, ইয়া, ওই পাশের দরজাটা দিয়ে যান। দাঁড়ান বাইরের আলোটা জ্বলে দি।”

ভদ্রলোককে পার করে’ দিয়ে এসে বসে’ বলল, “এমন ব্যস্ত-বাগীশ লোককেও সঙ্গে করে’ আনে!”

“কি করি বলুন।” কনকলতা হেসে ফেলল, “বাবার ঠাণ্ডা লেগে শরীরটা একটু খাবাপ হয়েছে। অথচ এতরাত্রে একলা আসতে তিনি বারণ কবলেন। পাড়ার সেই মূর্ত্তিমানরা আছেন কিনা। অথচ আজই আপনার কাছে না এলে নয়।”

“ওঃ, তা বিশেষ দরকার যখন হয়েছিল এত কষ্ট করে’ না এসে ওই ভদ্রলোককে দিয়ে খবর পাঠিয়ে দিলেই পারতেন। আমি যেতাম।”

“উনি সঙ্গে আসতে রাজী হয়েছিলেন কিন্তু চিঠি বইতে

হয়ত চাইতেন না।” কনকলতা মৃদু হেসে বললে, “কিন্তু এ-নিয়ে আপনি আব মিছিমিছি গাথা ঘামাবেন না, আমার কোনো কষ্ট বা অসুবিধেই হয়নি।”

“বেশ তাহলে এইবার,” সন্টু তার পাইপ সংগ্রহ করে’ এসে বসল, “এইবার আপনার বিশেষ প্রয়োজনের কথাটাই শোনা যাক।”

“কিন্তু কথাটা আপনাকে বলতে আমার লজ্জা করছে।” কনকলতা কুণ্ঠিত হাসির সঙ্গে বললে।

সন্টু বিস্মিত হ’ল। কি এমন বিশেষ প্রয়োজনের কথা এতরাত্রে মেয়েটি বলতে এসেছে যা তার মত মেয়েরও বলতে লজ্জা হচ্ছে! মিথ্যা সঙ্কোচের বালাই ত ওদের বোনেদের মধ্যে নেই ব’লেই সন্টুর ধারণা ছিল। সে পাইপে অগ্নি সংযোগ করতে করতে বলল, “আমি এর আগে আপনাদের সঙ্গে কি এমন অতি ভদ্রতার দূরত্ব দেখিয়েছি যে আমায় এমন করে’ লজ্জা দিচ্ছেন!”

“না, না, এমন কথা বলবেন না,” মেয়েটি তাড়াতাড়ি বলল, “মাত্র এই কদিনেই আমরা সকলে আপনাকে নিকট আত্মীয় বলে’ মনে ক’রতে শিখেছি ব’লেই ত আপনার কাছে প্রথমে ছুটে এলাম।”

“তাহলে নির্ভয়ে বলুন আপনার কথা।” সন্টু ভাল করে’ চেয়ারে ঠেসান দিয়ে আরামের সঙ্গে পাইপে প্রথম টান দিল। না জানি কি অপূর্ব সংবাদই তার জন্যে অপেক্ষা করছে।

জীবনের কোনো একটি জটিলতম গ্রন্থি খুলতে তার হয়ত ডাক পড়বে। হয়ত সহরের কোনো আবর্জনা এই সরল সাহসী মেয়েটির জীবনকে আবিল করে' তুলতে চায়। হয়ত কোনো আকস্মিক অনবধানতার ক্ষুদ্রতম ভগ্নাংশে সে একটি চরম বিপদের সম্মুখীন হয়ে তার সাহায্য চাইতে এসেছে।

“বলুন।”

“আসলে ব্যাপার হয়েছে কি জানেন.....” মেয়েটি তাড়া-তাড়ি তার বক্তব্যটা যেন বলে' ফেলতে পারলে বাঁচে, “আমাদের.....”

চাকর কফি নিয়ে ঘরে ঢুকল।

এবং এই বাধার জন্যে দুজনেই যেন পুলকিত হয়ে উঠল। একটা অস্বস্তিকর আবহাওয়া থেকে অন্তত সাময়িক ভাবেও পরিত্রাণ পাওয়া গেল। কফি পরিবেশনের ভার নিল কনকলতা। তারপর কফির উত্তাপে শীতরাত্রির জড়তার সঙ্গে সঙ্গে সেই অতি প্রয়োজনীয় কথাটিও তাদের মনের দিগন্তে অস্তোন্মুখ হ'ল। জীবন যখন আরামের নিশ্বাস ফেলে তখন বর্তমানের কাছে ভবিষ্যৎ নগণ্য।

“কালকের দুপুরটা কেমন কেটেছিল বলুন?” সন্টু অন্য প্রশ্ন এনে ফেলল। অপ্রীতিকর কথা যদি শুনতেই হয় তা শেষকালে শোনা যাবে। কফির সঙ্গে অন্তত তা মানাবে না।

“জানেন, এত ভাল লেগেছিল যে কাল রাত্রে অনেকক্ষণ আমার ঘুম আসেনি। মনে হচ্ছে অমনি রোজ গেলে মন্দ হয়না।

অন্তত তাহলে আমার এই অঞ্চলের রোগটা সেরে যায়।” কনক-
লতা স্তম্ভিতমুখে বললে।

“এই রকম মাঝে মাঝে আগে যেতেন না কেন?” সন্টু
জিজ্ঞেস করল।

“কার সঙ্গে যাব? বাবা ত ছিলেন না। তাছাড়া ও-রকম
পিকনিকের জন্যে মোটর চাই।”

“আপনাদের পরিচিত বা আত্মীয় কারুর মোটর নেই?”

“হ্যাঁ, তা আছে।” কনকলতা স্বীকার করল। কিন্তু তার
মুখে মুছ হাসি। সন্টু আশ্চর্য্য হয়ে জিজ্ঞেস করল, “তবে?”

“পরিচিতদের মোটর ব্যবহার করতে ইচ্ছে করেনা এই জন্মে
যে তাঁরা সাধারণত তাঁদের বদান্যতার প্রতিদান চান।” এখনো
তার মুখে সেই হাসি।

“আর আত্মীয়ের গাড়ী?”

“আমরা অনেকের সঙ্গে মিশি বলে’ আত্মীয়েরা আমাদের
ওপর বিরক্ত।” তার মুখের হাসি মিলিয়ে গেছে।

“বুঝেছি।” সন্টু হাসল, “কিন্তু লোকের সঙ্গে মেশাটাই ত
আর খারাপ নয়। মেশবার ধরণের অবশ্য ভাল-মন্দ আছে।
এই সাধারণ কথাটা আপনার আত্মীয়েরা বুঝতে পারেন না? খুব
গোঁড়া বুঝি?”

“হ্যাঁ, গোঁড়াই। কিন্তু কি জানেন, আমরা নিজেরাই
হয়ত সব সময় মেশবার ধরণের ওই যাকে ভাল-মন্দ বললেন তার
মাপকাঠি বজায় রাখতে পারি না।” তারপর একটু হেসে বলল,

“এই ধরণ না, আমার আত্মীয় কেউ যদি এতরাত্রে আপনার বাড়ী থেকে আমাকে একলা বের হতে দেখে, তাহলে সে নিশ্চয়ই আমার সম্বন্ধে খুব ভাল ধারণা কববে না। অথচ আসলে খারাপ ধারণা করবার কিছুই কারণ ঘটেনি।” বলেই সে অপরিমিত হাসতে লাগল।

তার হাসি খামলে সন্টু একটু লজ্জিতভাবে বললে, “আমি আমার কথা ঠিক বুঝিয়ে বলতে পারিনি হয়ত। মেলামেশাব ধবণ বাইরে থেকে বৃকলে চলবে না। আসলে, সব জিনিষই লক্ষ্য করবার চোখ চাই।”

“সে-চোখ সকলের থাকেনা।” কনকলতা বললে, “তবে আমার মনে হয় আমাদের সব আচার ব্যবহারেই বাড়াবাড়ি থাকারটা ঠিক নয়। তা হলেই লোকে অন্য ভাবে নেয়। দিবার কথাটাই ধরণ না। ওব জন্যেই অনেকটা আমাকেও লোকেব কথা শুনতে হয়। আর ওর জন্যেই বাড়ীতে অশান্তি।”

সন্টু রীতিমতভাবে চমকিত হল। এই ধরণেব একটা কথার জন্যে সে প্রস্তুত ছিলনা। পাইপে আগুন ধরাতে ভুলে গিয়ে সে ব্যস্ত ভাবে প্রশ্ন করল, “কেন, কি হয়েছে? কি করেন তিনি?”

নবপরিচিত লোকের কাছে নিজের বোন সম্পর্কে এই রকম একটা ছুঁই ইঙ্গিত দিয়ে ফেলেই কনকলতা লজ্জিত হয়ে উঠেছিল! তাই কথাটাকে চাপা দেবার জন্যে তাড়াতাড়ি বললে, “বিশেষ কিছু নয়। ছেলেমানুষ আছে এখনও, তাই সব সময় বুদ্ধি

বিবেচনা দেখাতে পারে না। এই ছাড়া আর কি!”

কনকলতার দ্বিধা সন্টু বুঝতে পারল। কিন্তু আসল ঘটনা জানা তার দরকার। তাই অন্য উপায় অবলম্বন করল। বললে, “কিন্তু ছেলেমানুষী যতদিন থাকে ততদিনই লাভ। মনে হচ্ছে আপনিও যেন ছেলেমানুষীতে বিরক্ত।”

সন্টুর বিবেচনায় ভুল হয়নি। কনকলতা যেন একটু তপ্ত কণ্ঠেই বললে, “দেখুন, ছেলেমানুষী ভাল। কিন্তু বুদ্ধি থাকাও দরকার। এমন অনেক লোকের সঙ্গে ও বাগানবাড়িতে পিকনিক করতে যায়, যার সঙ্গে সবে ওর সেদিন হয়ত পরিচয় হয়েছে এবং অনেক সময় যার নামের বেশী ও বিশেষ কিছু জানেনা।” তারপর নিজের উদ্দায় নিজেই প্রায় বিস্মিত হয়ে বললে, “অবশ্য আমরা ওকে বিশ্বাস করি। কিন্তু ওর সঙ্গে অনেক ছেলেকেই সব সময় বিশ্বাস করতে পারিনা। বাবা যখন ওকে এবিষয়ে কিছু বলেন তখন ও ভাবে আমিই বাবাকে ওর বিষয় তাতিয়েছি। তাই ও মাকে হাত করে’ নিয়ে আমার বিরুদ্ধে এমনি চটিয়ে রেখেছে যে আমাদের দুজনকে নিয়ে প্রায়ই বাবা আর মা’র মধ্যে রীতিমত ঝগড়া হয়।”

“কিন্তু আপনার বিরুদ্ধে কি বা বলবার আছে?” সন্টু এই-বার তার পাইপটা ধরাতে লাগল, “আপনার প্রত্যেকটি ব্যবহার ও কথা অত্যন্ত শোভন। এইত দেখলাম একজন আত্মীয়কে সঙ্গে করে’ তবে আমার কাছে এসেছিলেন এবং তাঁকে ধরে’ রাখবার জন্যে যথেষ্ট চেষ্টাও করেছিলেন।”

“ঠিকই বলেছেন, আমার বিরুদ্ধে বলবার কিছুই নেই।”
কনকলতা স্পষ্ট ভাবে বললে, “কিন্তু কেউ যদি ঠিক করে যে
আপনার বিরুদ্ধে কিছু বলবেই, তার কি বলবার কথা
অভাব হয়। আসলে আমার বন্ধু ক’জনই বলুননা! জন দশেক
হবে। এই রেডিওতে আর গ্রামোফোন কম্পানীতে যাদের
সঙ্গে মিশতে হয়। আর দিয়ার? অন্তত শ’খানেক হবে।”

“বলেন কি!” সন্টু সোজা হয়ে উঠে বসল, “একটি সৈন্য-
দল বলুন!”

“আর এই সৈন্যদলের জোরে সে বেপরোয়া ভাবে ঘুরে
বেড়ায়। আমাকে কেয়ার করে না, বাবাকেও না। পাড়ার
ছেলেগুলোকে যখন শাসন করতে চেয়েছিলেন তখন দিরা
আপত্তি করেছিল, মনে আছে? আমার ত মনে হয় ওদের মধ্যে
অনেকের সঙ্গেই হয়ত ও পরিচিত। আমরা জানি না।”

“হয়ত তাই।” হাস্য দমন করে সন্টু বললে। এইসব
কথাবার্তায় তার অত্যন্ত কৌতুক বোধ হচ্ছে। হয়ত এই সব
উক্তির পিছনে কিছু সত্য আছে, হয়ত নেই। তবু একটি
বয়স্হা মেয়ের এই ছেলেমানুষী, এই অভিমান-স্কন্ধ অভিযোগ
ভারী ভাল লাগল। বলল, “দেখুন, তিনি আপনার ছোট
বোন। আপনার কথা না শুনলেও আপনার তাঁর ওপর নজর
রাখা উচিত। একটা দায়িত্ব আছে ত।”

“সেই জন্যেই ত আমি নজর রাখি, যদিও সে তা মোটেই
পছন্দ করে না। কিন্তু এর ফলে আমাকে হয়ত হোষ্টেলে

থাকতে হবে।” কনকলতা বিষন্নভাবে বললে।

“হোষ্টেলে থাকতে হবে! সেকি? কেন?”

“বাড়ীতে ভীষণ অশান্তি। মা যখন চঁচাতে থাকে তখন আমার ভারী লজ্জা করে। পাড়ার সকলে শুনতে পায় তা।” তারপর একটু হেসে বলল, “আমরা অবশ্য রটিয়ে দিয়েছি যে মায়ের মাথার গোলমাল আছে। লোকে বিশ্বাস করে কিনা কে জানে!”

সন্টু চেয়ারে হেলান দিয়ে চিন্তাকুল ভাবে পাইপ টানতে লাগল।

“তারপর খোকাটা দিবার আদরে দিন দিন বোম্বটে হয়ে উঠছে। পাড়ার যত পকেট-কাটা ছেলের সঙ্গে তার ভাব। সে-ও আমাকে আর বাবাকে মানে না। আর বাবা যখন থাকেন না তখন ত কথাই নেই।” একজন সহানুভূতিসম্পন্ন শ্রোতা পেয়ে কনকলতার মুখ যেন খুলে গেছে। সঙ্কোচ দেখবার কথা আর তার মনেই নেই।

এদিকে রাত দশটা বেজে গেছে। শীতের রাত। কনকলতার বাড়ী যাওয়া উচিত। তাই আলোচনায় জের টানবার জন্যে সন্টু বললে, “অবস্থাটা কি খুব জটিল হয়ে দাঁড়িয়েছে? তাই কি আমার সঙ্গে পরামর্শ করতে এসেছিলেন?”

হঠাৎ কনকলতার চমক ভাঙল। বললে, “রাত হয়ে গেছে উঠি।” তারপর দাঁড়িয়ে পড়ে বললে, “এসেছিলাম তিরিশটা টাকার জন্যে। বাড়ীওয়ালার সঙ্গে হয়ত পাড়ার সেই ছেলেক’টির

যোগাযোগ আছে। কাল ভাড়া দেবার দিন। অথচ ধুবরী থেকে বাবার টাকা আসতে এক সপ্তাহ। বাড়ীওয়ালা জানিয়েছেন কাল ভাড়া না দিলে উঠে যেতে হবে। কি রকম লোক দেখেছেন?”

“ওঃ এই! দাড়ান আমি আসছি। আপনাকে পৌঁছে দিয়ে আসব।” সন্টু উপরে গেল।

গাড়ীতে বেগ দেবার প্রয়োজন হলনা, কারণ পথ পাঁচ মিনিটেরও নয়। নির্জনতার ওপর দিয়ে চাকা গড়িয়ে যাচ্ছে। ঘুমন্ত সহরের কানে চাকার এ-শব্দ পৌঁছয় না। প্রায় সব বাড়ীর লোকেরাই তাদের ছোট ছোট সমস্যাকে সাময়িক ভাবে ঘুম পাড়িয়েছে। কাল সকাল থেকে সুরু হবে আবার তুচ্ছতার পিছনে দুর্দম অধ্যবসায়। বহুদিন-পরা পচা কাপড়ের পাড় থেকে যত্নে-বের-করা সূতোয় গিঁট—এইত সকলের জীবন। এরই জন্যে সাধনার অন্ত নেই। এর বাইরে যে কিছু থাকতে পারে তার স্বপ্নও এরা দেখতে পারে না।

দরজায় গাড়ী থামলে গাড়ী থেকে নামবাব আগে সন্টু নোটগুলো কনকলতার হাতে গুঁজে দিয়ে ফিস্‌ফিস্‌ করে বললে, “স্ববিধে মত ফেরৎ দেবেন, এর জন্যে ব্যস্ত হয়ে উঠবেন না।”

দোতলার একটা জানলা হঠাৎ খুলে গেল এবং মনে হল যেন একটা চাপা হাসির আওয়াজও পাওয়া গেল। এবং হয়ত ঠিক

সেই জন্যেই কনকলতা বললে, “একটু পাঁচ মিনিটের জন্যেও কি নামবেন না ? বাবা এখনও জেগে আছেন। আপনাকে দেখলে ভারী খুসী হবেন।”

গাড়ীটাকে নিরাপদভাবে পার্ক করে’ সন্টু নেমে বলল, হয়ত একটু অনাবশ্যক ভাবে উচ্চ কণ্ঠস্বরেই বলল, “নৃপতিবাবু সঙ্গে একটু আলোচনার দরকার। চলুন। কিন্তু আপনারা এই বিশ্রী পাড়ায় আব এঁদো বাড়ীতে আর-কতদিন থাকবেন ! যা ভাড়া দেন তাতে এর চেয়ে ঢের ভাল ভাবে কোনো নতুন বাড়ীর ফ্ল্যাট নিয়ে থাকতে পারেন। কেন যে এই কর্মভোগ !”

“সন্টুবাবু নাকি ?” ভিতর থেকে নৃপতিবাবুর কণ্ঠস্বর শুনতে পাওয়া গেল। তারপর তিনি জানলা খুলে বললেন, “আরে, আসুন আসুন। ঠিক এই সময়টিতে আপনাকেই আমি খুঁজছিলাম। দাঁড়ান, দরজা খুলে দিচ্ছি।” ভদ্রলোক হস্তদস্ত হয়ে এসে দরজা খুলে দিলেন। তারপর কনকলতার দিকে ফিরে বললেন, “সন্টুবাবুকে ধরে’ নিয়ে এসে খুব ভাল কাজ করেছ মা। আসুন, ভিতরে আসুন।”

তার ভাবভঙ্গী দেখে সন্টু শঙ্কিত হয়ে উঠল। ইতিমধ্যে কোনো দুর্ঘটনা ঘটেনি ত। তার শরীর অত্যন্ত বেশী মাত্রায় খারাপ হয়ে ওঠেনি ত !

ঘরে তাকে সে প্রথমেই প্রশ্ন করল, “কেমন আছেন ?”

“ভালই আছি।” নৃপতিবাবু বললেন, “না, না, ওবিষয়ে চিন্তার কিছুই নেই। শরীর আমার ভালই আছে। বসুন।”

ঘরের একটি মাত্র চেয়ার সন্টুর দিকে এগিয়ে দিলেন।

সন্টু ব্যস্ত হয়ে বললে, “ব্যস্ত হবেন না।” তারপর চেয়ারটার হাতল ধরে’ প্রশ্ন করল, “আপনি বসবেন কোথায়?”

“আমি? আমি ওই টুলটায় বসছি।” তারপর কনকলতা টুলটা নিয়ে এলে তিনি বললেন, “ওটায় তুমি বস মা। আমি বিছানায় বসছি। শরীরটা একটু ক্লান্ত রয়েছে।”

সন্টু বলল, “সেই ভাল, আমার কাছে আপনি ফর্মালিটির হাঙ্গামা করবেন না।” সে চেয়ে দেখল বিছানার একপ্রান্তে রাগু আর খোকা লেপ মুড়ি দিয়ে ঘুমুচ্ছে। বলল, “কই মন্দিরা দেবীকে দেখছি না ত!”

হঠাৎ নৃপতিবাবুর মুখে রাত্রি ঘনিয়ে এল। বললেন, “সেই খেয়ে দেয়ে বেবিয়েছে, রাত এগারটা বাজতে চলেছে, এখনও ফেরেনি।”

“বলেন কি!” সন্টু যেন উৎকর্ষায় আড়ষ্ট হয়ে গেল।

“এই বিষয়েই আপনার সঙ্গে আলোচনা করতে চাইছিলাম।” নৃপতিবাবু করুণভাবে বললেন, “অবশ্য দেবী তার হয় কিন্তু এত দেবী নয়। শীতের রাত্রির এগারটা!”

কনকলতা সন্টুর দিকে তাকিয়ে একটু হাসল। ভাবটা— কেমন, বলেছিলাম কিনা?

“আলোচনা করবার কি আছে?” সন্টু বলে’ উঠল, “এখন দরকার কাজের। যাই থানায় খবর দি। পুরন্দরকে তুলে নিয়ে নানা জায়গায় খুঁজে দেখি। কোথায় কোথায় যেতে

পারেন দেখিয়ে দেবার জন্যে কনকলতা দেবী সঙ্গে চলুন।” তার পর উঠে দাঁড়িয়ে কনকলতার দিকে চেয়ে বলল, “উঠুন একটা গরম র্যাপার গায়ে জড়িয়ে নিন।” নৃপতিবাবু কথা বলতে যেতেই সন্টু তাড়াতাড়ি তাকে থামিয়ে দিয়ে বলল, “না, না, এই অস্থস্থ শরীরে আপনি যেতে পারেন না, যা করবার আমরাই করব। আপনি শুয়ে পড়ুন, ভাববেন না। চলুন, কনকলতা দেবী, ভাবছেন কি? বেশী রাত হলে’ মুশ্কিল হবে।”

তার ভাবভঙ্গীতে কনকলতাও উদ্ভিগ্ন হয়ে উঠছিল। শুকনো মুখে সে উঠে দাঁড়াল। কিন্তু নৃপতিবাবু এইবার একটু উচ্চ-কণ্ঠেই বললেন, “অত ব্যস্ত হবেন না, সন্টুবাবু, বসুন, বসে’ আমার কথা শুনুন। তাকে এখন কোথায় খুঁজতে যাবেন!”

“তা বলে’ কোনো খোঁজ খবর নেওয়া হবে না? বেশত! যদি কোনো বিপদ ঘটে’ থাকে?” সন্টুর ভাব দেখে মনে হ’ল সে যেন নৃপতিবাবুর কথায় বিরক্ত হয়েছে। অর্ধেক রাত পর্যন্ত, বলতে গেলে সারা দিনরাত বয়স্থা মেয়ের পাত্তা নেই, আর বাপ বলছেন খুঁজতে যেতে হবে না! সন্টু যেন নিজের বুদ্ধির খেই হারিয়ে ফেলছে।

“সন্ধ্যা পর্যন্ত রাণু আব খোকা তার সঙ্গে ছিল। সন্ধ্যাবেলা এক চোকুরা এসে ওদের ফেবৎ দিয়ে গেল। তার কাছেই শুনলাম ওরা সারাদিন বেলগাছিয়ার এক বাগানে আরও কয়েকজনের সঙ্গে চড়ুইভাতি করছিল। সন্ধ্যাবেলা দুখানা মোটরে সকলে ‘জয়রাইডু’-এ বেরিয়েছে। ঠাণ্ডা লাগতে পারে

বলে' এদের বাড়ী পাঠিয়ে দিয়েছে। কাজেই এখন তাদের কোথায় পাবেন? এখন তারা আমোদ করে' বেড়াচ্ছে।" নৃপতিবাবু বললেন।

“যাক্, তাহলে খবর পেয়েছেন।” সন্টু নিশ্চিত হয়ে বসল।

“কিন্তু এত রাত্রি পর্যন্ত বেড়ানোও ত ঠিক নয়।” কনকলতা বললে।

“অবশ্য জিনিষটা দেখতে অশোভন-ই।” সন্টু দ্বিধাগ্রস্ত-ভাবে স্বীকার করল, “তবে তিনি যে অন্যায় করছেন এ-কথাও জোর করে' বলা যায় না।”

“সে-কথা আমিও বলছি না।” কনকলতা একটু তপ্তকণ্ঠেই যেন বললে।

“লতা বলতে চাইছে, আর আমিও তাই বলছি যে ঠাণ্ডা লাগতে পারে। খোলা মোটর কিনা কে জানে!” নৃপতিবাবু বললেন।

“তাছাড়া, পাড়াতে যে গোলমাল হচ্ছে, আমাদের যে কোনো বাড়ীতে বেশী দিন টিকে থাকা চলছে না তা ওর জন্যেই। সে কথাও ত ভেবে দেখতে হবে।” কনকলতা উঠে দাঁড়িয়ে বললে। “ভাববার যখন বিশেষ কিছু নেই. সন্টু বাবু, আপনি আর মিছে রাত করবেন না, বাড়ী যান। আমি কাপড় বদলাতে চললাম।”

“হ্যাঁ, তা ত বটেই।” সন্টু উঠে দাঁড়াল, “ভাববার যখন বিশেষ কিছুই নেই, তখন.....”

“আর একটু বসুন, সন্ট্‌বাবু।” নৃপতিবাবু ব্যাকুল হয়ে উঠে “ভেবে দেখবার অনেক কিছু আছে। লতা, তুমি কাপড় বদলে নাও গে। আমরা আর একটু গল্প করি। আমি জানি সন্ট্‌বাবুর বিশেষ অসুবিধে হবে না, ওঁর রাত করে’ শোওয়াই অভ্যাস।”

কনকলতা ভিতরে গেল।

নৃপতিবাবু বলতে লাগলেন, “আমি স্বাধীনতার পক্ষপাতী তা আপনাকে আগেই বলেছি। কিন্তু সেই স্বাধীনতা ভোগ করবার যোগ্যতাও চাই ত। দিরা এখনো ছেলেমানুষ। বুদ্ধিতে এখনো পাকু ধরেনি। তাছাড়া তার এমনি স্বভাব যে আমার কথায় কান দেয় না। এতে সে তার মায়েব প্রশ্রয় পায়। আপনাকে এই কদিন দেখেই আপনার ব্যবহারে খুব আপনার লোক বলেই মনে হচ্ছে! তাই ঘরের কথা খুলে বলে’ আপনার সঙ্গে পরামর্শ করতে চাইছি।”

“এতে আমিও খুব খুসী হয়েছি। এবং আপনারা এত সহজে আমাকে আপনার লোক করে’ নিতে পেবেছেন বলেই আমি আপনাদের সমস্যা নিয়ে এত মাথা ঘামাচ্ছি। এখন আমাকে কি করতে হবে বলুন।”

“আমি লক্ষ্য করেছি মন্দিরা এই ক’দিনেই আপনাকে বেশ শ্রদ্ধা করতে আরম্ভ করেছে। আপনি যদি তাকে একটু বুঝিয়ে বলেন, মেলামেশা আর ব্যবহার কি করে’ শোভন করতে হয় সে-বিষয়ে একটু বুদ্ধি দিয়ে দেন তাহলে ভাল হয়। আপনি

একজন আধুনিক লেখক, সামাজিকতা সম্বন্ধে আপনার জ্ঞান টন্টনে।”

“বেশ ত, স্বচ্ছন্দে।” সন্টু বললে, “আমি বুঝিয়ে বলব। আর তাঁর দিক থেকে কি বলবার আছে সেটাও জেনে নেব। তবে উপদেশ দিলে চলবে না। জানেন ত, কেউ কারুর উপদেশ শুনতে আজকাল রাজী নয়। আমি তাঁকে কোঁশলে আমার সাজেস্‌সন্স দেব। কিন্তু সেটা আপনাদের সামনে হলে’ চলবে না। আমি কাল তাঁকে বিকেলে একটু একলা নিয়ে বেরুব। কি বলেন?”

“এতে আর বলবার কি আছে!” নৃপতিবাবু হেসে বললেন, “আপনি নিয়ে বেরুবেন, এতে কি আছে! যাক, আমি নিশ্চিত হলাম, আপনি ওকে মানুষ করবার ভার নিলেন। আর তাছাড়া, আপনি যদি রাজী হন, আমি ধুব্রী যাবাব আগে আপনাকেই এদের সকলের অভিভাবক করে’ যেতে চাই। কি বলেন?”

“ভারী দায়িত্বের কাজ, নৃপতিবাবু, আজকালের মেয়েদের অভিভাবক হওয়া ভারী শক্ত কাজ।” সন্টু চিন্তিত ভাবে বললে।

নৃপতিবাবু উচ্চকণ্ঠে হেসে উঠলেন।

কনকলতা ঘরে ঢুকে বলল, “হাসছ কি বাবা! তোমার হাসি আসছে?”

“এ ত তুমি মুস্কিলে ফেললে মা,” নৃপতিবাবু হাসির বেগ কমিয়ে বললেন, “দিরার ফিরতে রাত হচ্ছে বলে’ আমি হাসতেও পাবনা!”

“একশবার হাসবেন, হাজারবার হাসবেন,” সন্টু বললে,
“কিন্তু আমার ঘাড়ে অমন সাংঘাতিক দায়িত্ব চাপাবেন না।”

“কিসের দায়িত্ব বাবা আপনার কাঁধে চাপাতে চাইছেন?”
কনকলতা বসে’ জিজ্ঞেস করল।

“আপনাদের।”

“আমাদের! কেন, আমরা কি কচি খুকি? আমাদের কি হাত ধরে’ ধরে’ রাস্তার নিয়ে যেতে হবে নাকি?” কনকলতার মুখে ও কি কপট রাগ?

“দেখলেন ত?” সন্টু নৃপতিবাবুকে উদ্দেশ্য করে’ বলল,
“বলেছিলাম কিনা যে আজকালের মেয়েদের ভার নেওয়া শক্ত কাজ?”

“আঃ, তোমার দায়িত্ব নয় মা, দিয়ার দায়িত্ব, রাণু-খোকার দায়িত্ব এই সব। তুমি একলা এদের কত দেখে উঠবে? তুমি ত রেডিও, রেকর্ড আর পড়াশুনা নিয়েই বেশীর ভাগ সময় ব্যস্ত থাক। তাই সন্টুবাবুকে বলছিলাম আমি ধুব্রী গেলে উনি যদি একটু খবর-টবর নেন তাহলে.....” নৃপতিবাবু বলছিলেন।

“নিশ্চয়, এ ত খুব ভাল কথা।” কনকলতা বললে, “সে উনি নিশ্চয়ই করবেন। কি বলেন?” সে সন্টুর দিকে তাকাল।

“যেখানে প্রশ্ন, সেখানেই সন্দেহ।” সন্টু উদাস কণ্ঠে বললে।
ঘরের আবহাওয়া হাসিতে উদ্বেল হয়ে উঠল।

আর ঠিক সেই সময় বাইরে একটা গাড়ী দাঁড়াবার শব্দ হ’ল।

সন্টু তাড়াতাড়ি উঠে দাঁড়িয়ে বললে, “এইবার আমি যাই। আমার সামনে আপনাদের পারিবারিক বোঝাপড়াটা ভাল দেখাবে না।”

“আরে, কিছু হবে না, কিছু হবে না, বসুন।” নৃপতিবাবু বললেন, “লতা, দরজা খুলে দাও।”

“না, না, দাঁড়ান,” সন্টু বললে, “আমার সামনে ওঁকে কিছু বলবেন না। বাইরের লোকের সামনে ওঁর কাছে যদি কৈফিয়ৎ চান তাহলে উনি ক্ষেপে যাবেন। আমাদের সকলের বিরুদ্ধেই ওঁর মনে বিদ্বেহ আসবে, ওঁকে আর সামলানো যাবে না। আমি চলে’ গেলে যা বলবার বলবেন।”

“বেশত, তাই হবে। কিন্তু যে-লোকটার সঙ্গে ও এল তার চেহারাটা একবার দেখে যান। তাতে একটা ধারণা করতে পারবেন লোকটা ভাল কি মন্দ।”

“সে ত বাইরে বেরুলেই দেখতে পাব। আব ভদ্রলোক ত আপনার এখানে বেশীক্ষণ থাকছেন না।” সন্টু বললে।

“বেশীক্ষণ কি, একেবারেই থাকছেন না।” কনকলতা ঠোঁট বেঁকিয়ে বললে, “ওই শুনুন গাড়ী চলে’ গেল। কাব সঙ্গে এত রাত্রে বাড়ী ফিরল সেটাও কি আমাদের জানানো দিরা দরকার মনে করেনা!”

ঘরের সকলে নিশ্চক। কনকলতা গিয়ে সদর দরজা খুলে দিল।

মন্দিরা ঘরে ঢুকে সকলকে এ-ভাবে জেগে বসে’ থাকতে দেখে চমকিত হল। সত্যিই, সন্টু মনে মনে ভাবল, মন্দিরার

বেশভূষা ও ভাবভঙ্গী শোভনতার সীমা প্রায় লঙ্ঘন করছে।

সে যেন অপ্রসন্নভাবেই নমস্কার করে' বললে, "বেড়িয়ে ফিরলেন বুঝি?"

হয়ত তার কণ্ঠস্বরে একটা চাপা শ্লেষ ছিল। মন্দিরা একটু অপ্রস্তুত হয়েই যেন বললে, "না, একটা গার্ডেন-পার্টি ছিল। কেন, বাবা ত সেকথা জানতেন, আপনাকে বলেন নি? আপনি এখনও এখানে আছেন?"

সন্টু শুধু বললে, "ই্যা, খুব রাত হয়ে গেছে, আমি এখন আসি, নমস্কার।" এবং তারপরই নৃপতিবাবু আর কনকলতার দিকে চেয়ে বের হয়ে গেল।

বাইরে কালো রাত। নির্জন রাস্তা। একটা বিকট শব্দ ক'রে সন্টুর মোটর বেগ নিল। এইবার সে বাড়ী ফিরে সামান্য কিছু খেয়ে নিয়ে আরাম করে' র্যাপার মুড়ি দিয়ে একটি প্রকাণ্ড চুরুট ধরাবে। তারপর হয়ত প্যাডের বুক পড়তে থাকবে কালির আঁচর। রাত্রির নির্জনতায় বাজতে থাকবে অজস্র উৎসুক ভাবের পদধ্বনি। তার বিপর্যস্ত মাথায় এসে পড়বে জানলা দিয়ে তারার আলো।

ওদিকে একটি দুঃসাহসিক কুমারী মেয়ের সঙ্গে তার বাবার আর দিদির বোঝাপড়া চলুক।

“সব ত শুনলে । অবশ্য মন্দিরার দিকটা এখনও ভাল করে’
শোনা হয়নি । এখন তোমার কি মতামত বল ।”

“ও-সব ভাই, গায়ে যেখ না ।” পুরন্দর বললে, “ওতে চিন্তিত
হবার কিছু নেই । ও হচ্ছে কি জান, ইউরোপীয় মনোবৃত্তি ।”

“ইউরোপীয় মনোবৃত্তি !” সন্টু আশ্চর্য হ’ল ।

“হ্যা, ইউরোপীয় মনোবৃত্তিই ।” পুরন্দর বললে, “এই যে
প্রত্যেক বোনের দু’ দশটা লাভার থাকা, তাদের সংখ্যা আর
অবস্থা নিয়ে বোনেদের মধ্যে রেঘারেঘি, হিংসে এবং অনেক
সময় মনোমালিন্য এ-সব মুক্ত জীবনে থাকবেই । এ নিয়ে
ভাববার কিছু নেই । এর থেকে প্রমাণ হয় যে ওরা বেঁচে আছে
এবং এই জন্যেই ওদের আমি পছন্দ করি ।”

সন্টু উচ্চ কণ্ঠে হেসে’ উঠল ।

“হাসলে যে ?” পুরন্দর জিজ্ঞেস করল ।

“তাহলে তোমার মতে,” সন্টু এখনও যেন হাসি থামাতে
পারছে না, “তাহলে তোমার মতে প্রত্যেক মেয়ের দু’দশজন
লাভার থাকাই হচ্ছে তাদের বেঁচে থাকার লক্ষণ ?”

“কি রকম লাভার জানো ?” পুরন্দর উঠে বসল, “মেয়েটি
যাদের ধরা-ছোঁয়া দেবেনা, কেবল নিয়ে খেলবে ! কারণ ধরা
দিলেই ত ফুরিয়ে গেল । যারা চালাক মেয়ে হয় তারা তা
দেয়না । কাজেই প্রেমটা হয় যাকে বলে প্লেটনিক । ওতে
বিপদের কিছু নেই ।”

“তুমিও কি ওই রকম একটি লাভার-দলভুক্ত নাকি ?” সন্টু

পাইপে তামাক ভরতে ভরতে জিজ্ঞেস করল ।

“আমি কারুর লাভার-টাভার নই ভাই ।” পুরন্দর তাড়াতাড়ি বলল, “এবং কোনো মেয়ের কাছে গেলে আমি অন্তত এক হাত ব্যবধান রেখে বসি ।”

“আচ্ছা, পুরন্দর, মেয়েরা তোমাকে সত্যিই পছন্দ করে ?” সন্টুর চোখে চাপা হাসি ।

“নিশ্চয় করে ।” পুরন্দর উৎসাহের সঙ্গে প্রমাণ করতে চায়, “মেয়েরা ভদ্রতা পছন্দ করে ।”

“কিন্তু অতি-ভদ্রতা নয় ।” সন্টু মনে পড়িয়ে দিল, “অতি-ভদ্রতা মানসিক দুর্বলতার লক্ষণ । আর দুর্বল পুরুষকে মেয়েরা পছন্দ করে না ।”

“দেখ, এটা মহর, এটা সভ্যতার যুগ । এখন যদি বেশী-মাত্রায় পৌরুষ দেখাতে যাও তাহলে’ বিপদে পড়বে ।”

“কিন্তু এই ধরি-মাছ-না-ছুঁই-পানি প্রজাপতি-পনার পরিণতি যে কি ভয়াবহ তাও হয়ত তুমি জাননা ।” সন্টু উতপ্ত কণ্ঠস্বরেই বললে, “এতে স্বভাব এমনি বিগড়ে যায় যে গভীর কোনো কিছু গ্রহণ করবার ক্ষমতা থাকে না । তখন তোমার এই সব অতি-স্মার্ট মেয়েরা খেলো আর সস্তা জীবন যাপন করতে বাধ্য হয় ।”

“ব্যাপার কি বল ত ভাই ?” পুরন্দর অবাক হয়ে জিজ্ঞেস করল, “তুমি হঠাৎ এমন ক্ষেপে উঠলে কেন ?”

“না, কিছু না ।” সন্টু মৃদু হেসে বললে, “ষাদের ভেতর কিছু আছে, তাদের তুচ্ছতার মধ্যে দিয়ে নষ্ট হয়ে যেতে দেখলে

কষ্ট হয়, এই আর কি !” সে পাইপে লম্বা টান দিল ।

“তুচ্ছতা তুমি কা’কে বলছ ?”

“ওই প্রজাপতি-পনা ।” সন্ট বললে, “জীবনকে ভোগ করবার আর কি কোনো দিক নেই যে ছেলেরা অভুক্ত কুকুরের মত মেয়েদের পিছুপিছু ঘুরে বেড়াবে আর মেয়েরা তাদের মাথায় হাত বুলবে আর নাচাবে ! হতভাগারা এই সহজ কথাটা বুঝতে পারে না যে ভিথিরী কখনো সম্মান পায় না । আর মেয়েদের কাছ থেকে পুরুষরা যদি সম্মান না পেল ত কি তারা পেল !” সন্ট পাইপটা আবার ধরিয়ে প্রবলভাবে টান দিতে লাগল ।

কাল অর্ধেক রাত পর্যন্ত সে ঘুমুতে পারেনি । মানুষের জীবনের এই নিদারুণ ব্যর্থতা তাকে বারবার পীড়িত করেছে । যৌবন এত কাঁড়াল হয়ে উঠবে কেন ? এই সস্তা নাগরিক আর নাগরিকা-বৃত্তিতে উদ্যমের যেটুকু অপচয় ঘটছে, জাতির কাছে, যুগের কাছে এর ক্ষতি-পূরণ কে দেবে । জীবন মানে কি শুধু প্রেম করা ! আর প্রেম করা মানে কি ওই ধরনে প্রেম করা ! আর স্বাধীনতা মানে কি নিজের ব্যক্তিত্বকে নিয়ে ছিনি-মিনি খেলা !

সকালেই সে ছুটে’ এসেছিল পুরন্দরের কাছে পরামর্শ করতে ।

“ন্যাকা যুগ আর খেলো সন্তরে-পনা !” সে পাইপটা দাঁতে চেপে বলল, “ভোগের ক্ষমতা হারিয়ে ফেলে এরা দুধের সাধ ঘোলে মেটাতে চায় ।” তারপর দাঁড়িয়ে পড়ে’ বলল, “আচ্ছা বস, এখন উঠছি ।”

“আরে, যাবে কোথায়! বস, একটু চা খেয়ে যাও।”
পুরন্দর অতিথি-সৎকারের জন্যে অত্যন্ত ব্যস্ত হয়ে উঠল।

“থাক, থাক, চা আমি প্রচুর খেয়েছি, ব্যস্ত হইলাম। আচ্ছা,
চললাম।” সে সত্যিসত্যিই ঘর থেকে বের হয়ে এল।

রাস্তায় রোজের মতই অজস্র পদাতিক, অজস্র গাড়ী।
চারদিকে কিলবিল করছে পোকাকার মত লোক। সহবের ভীড়ে
প্রত্যেক লোকই ব্যক্তিত্ব হারিয়ে ফেলে। তারা হয়ে পড়ে
অনেকের মধ্যে মাত্র একজন। গাড়ীর ওই ঘোড়াটার মতই
তারা সারাদিন ঘোরাঘুরি করে, চোখে তাদের ঠুলি
বাঁধা। তারা জানে কাজের শেষে তারা খেতে পাবে আর
রাত্রে একটু বিশ্রাম পাবে। তাই তাবা যন্ত্রের মত পা ~~বোলে~~
চলে। এর বাইরে যে আর কিছু আছে তা তারা জানেনা, বা
জানবার দরকার বোধ করেনা।

সন্টুর মনে হ'ল ছুটে গিয়ে নৃপতিবাবুকে আবার জানায়,
“চলে’ যান, মশাই, চলে’ যান। ছেলে-মেয়েদের সঙ্গে নিয়ে
ধুবরীতে পালান। এখানে আপনাদের রক্ষা নেই।”

বাস্তা দিয়ে সে হনহন করে’ হেঁটে চলল। ইচ্ছে ক’রেই
আজ সে গাড়ী নিয়ে বের হয়নি। যথেষ্ট ভাবে হাঁটলে দিকি
চিন্তা করা যায়, মন মুক্তি পায়। নিজের ছুটো পায়েব উপর
নির্ভর করে’ যেখানে চলাফেরা সেখানে স্বাধীনতার স্বাদ পাওয়া
যায়। যা-হোক কিছু একটাতে চাপলেই শরীর আর মনকে
যেন বন্দী মনে হয়।

তার ভারী খারাপ লাগছে আজ, কিছুই ভাল লাগছে না। অথচ এতটা বিচলিত হবার কিছুই কারণ নেই। সহরের মন্দ দিক একটা যে আছে একথাটা আজ তার কাছে নতুন নয়। এই সহর যে হিংস্র বন্য জন্তুর মত খাবা বিস্তার করে' অনেক স্কুমার শরীর আর মনকে গ্রাস করেছে এবং করেছে এটাও অতি পুরনো পরিচিত কথা। আর যাদের নিয়ে এই সত্যটা আজ তার চোখে বেশী করে' পড়ছে তারাও এমন কিছু তার আপনার লোক নয়।

তবু এই কদিনের পরিচয়েই এই পরিবারটিকে তার পছন্দ হয়েছিল। মেয়েদুটির মধ্যে অনেক সম্ভাবনা সে দেখতে পেয়ে-ছিল। ট্রামের চাকর মত যে-দিনগুলি ঘুরে যাচ্ছিল তার মধ্যে দুর্ঘটনার মতই মেয়েদুটির স্বাধীনতা-প্রিয়তা, সরল আর সহজ হবার উৎকট সখ সন্টুর মনে কিছু রোমাঞ্চের সঞ্চার করেছিল। কিন্তু সহরের ক্ষুণ্ণবৃত্তির প্রয়োজনে সে-স্বাধীনতা এমন চিরাচরিত পদ্ধতিতে সম্ভা সমাধি লাভ করবে তাই বা কার জানা ছিল!

কিংবা হয়ত, সন্টু দাঁড়িয়ে পড়ে' পাইপটা ধরাতে ধরাতে ভাবল, কিংবা হয়ত সে যা ভাবছে তা নয়। সহরের, এই সহরে লুক্কতার হাত থেকে আত্মরক্ষা করবার মত ক্ষমতা কয়েকজন ছেলে-মেয়ের আছে। বাইরে থেকে চিরাচরিত মাপকাঠিতে বিচার করে' সন্টুও হয়ত আর পাঁচজনের মত অগ্রায় করতে বসেছে। যদি কোনো মেয়ে রাত এগারটায় একা কোনো

ছেলের সঙ্গে মোটরে করে' ফিরে এসে ঝাপকে স্পষ্ট ভাবে জানাতে পারে যে একটা গার্ডেন পার্টি ছিল, তাই রাত হয়ে গেছে, তাহলে বুঝে নেওয়া উচিত যে সেখানে অগ্নায়ের বাষ্প-মাত্রও নেই । এই নির্জলা সাহসকে সম্মান সন্টুই যদি না দিতে পারে, তাহলে আর কে দেবে !

পাইপের ধোঁয়া ছাড়তে ছাড়তে সন্টু এগিয়ে যেতে লাগল । তার ভারী হাসি আসতে লাগল । বলা নেই, কোথা থেকে এই উপদ্রব তার জীবনে এসে জুটল ! তার জীবন নিৰ্বাণাট নয় । তার জীবনে এমন একটি মাসও যায়নি যা ঘটনাশূন্য । প্রচুর ঘটনা ঘটেছে যারা তার জীবনকে বহুবার অভিভূত করেছে, দুঃখে, আনন্দে, অনির্বাচনীয়তার আশ্বাদে । সম্প্রতি যে-ঘটনার মধ্যে দিয়ে সে চলেছে তা তাদের তুলনায় কত তুচ্ছ ! কত নগণ্য । তবু আশ্চর্য্য, সে আজ এতদূর বিচলিত হয়ে পড়ল !

লজ্জিত হ'ল । সন্টু রীতিমত লজ্জিত হ'ল । কি করা যেতে পারে ? এখন কি করলে তার বেপরোয়া ব্যক্তিত্বকে ফিরে পেতে পারে ? শীতের সকাল এখনও পূর্ণ গৌরবে বিদ্যমান । স্তরাং কোনো রেস্টরায় বসে' ঈষদুষ্ণ চায়ের একটি পেয়ালার সান্নিধ্যে হস্ত মেজাজের পুনরুদ্ধার সাধন করা যেতে পারে ।

ট্যানিন্ আর নিকোটিন্—সন্টু একটি চলমান ট্রামে উঠে পড়ে' ভাবল—ট্যানিন্ আর নিকোটিন্, বিংশশতাব্দীর গোলমলে অরাজকতায় বুদ্ধিজীবীদের এই দুটিই চরম অবলম্বন । এদের সাহায্য না পেলে পৃথিবীর তিন-চতুর্থাংশ বই লেখাই হ'ত না,

অনেক বৈজ্ঞানিক এবং দার্শনিক তত্ত্ব অনাবিষ্কৃত থাকত, অনেক শিল্প ও কারুকলার নিদর্শন সৃষ্টির স্পর্শ পেত না, অনেক মন্দভাগ্য প্রতিভা বিড়ম্বনার চাপে পৃথিবী থেকে বিদায় নিতে বাধ্য হ'ত। বহু অবিনশ্বর কীর্তির বাহন এই দুটি—বিষ। হ্যাঁ, বিষ। বিষই এই বিষাক্ত যুগে অনেক ক্ষেত্রে প্রাণশক্তির উজ্জীবক। সেই বিষ পান করে' নীলকণ্ঠ হয়ে বিভোর হয়ে বসে' থাকবে সন্টু। চারপাশের খুচরো তুচ্ছতা তার নাগাল পাবেনা।

“আরে তথাগতবাবু যে! ট্রাম আর বাস না হ'লে কি আপনাকে ধরা যাবে না কখনই? গাড়ী কি হ'ল? আপনার সঙ্গে যে আমার বিশেষ দরকার।”

... ন্না. নীলকণ্ঠ হওয়া মহাদেবের পোষায়, সন্টুর সহিবেনা। এখন এতগুলি প্রশ্নেব ধাক্কা সামলানই শক্ত। আর তার এই তথাগত নামটাকে সর্বসমক্ষে এমন প্রবলভাবে প্রচার করে' তাকে একটি অস্বস্তিকর পরিস্থিতির মধ্যে ফেলবারই বা কি প্রয়োজন বোঝা শক্ত। সন্টু অত্যন্ত বিরক্ত হয়ে মুখ ফিরিয়ে দেখল, তারই বই-এর সেই প্রকাশক, মন্দিরাদের সম্পর্কিত কাকা বরদাবাবু। তিনি ততক্ষণে উঠে এসে সন্টুর পাশে দাঁড়িয়েছেন। বললেন, “একটু সরে' বসুন, বসি। বয়েস হয়েছে, আর বেশীক্ষণ দাঁড়াতে পারিনা।”

সন্টু সরে' বসলে তার পাশে সশব্দে নিজের মাংসস্তূপটিকে প্রায় আছড়ে ফেলে একমিনিট হাঁপাতে লাগলেন। এবং তারই ফাঁকে কোনো রকমে বলে' ফেললেন, “তারপর, যাচ্ছিলেন কোথায়?”

সন্টুর একবার ইচ্ছে লা দিয়ে রাস্তায় জায়গাটা দেখেনিয়ে বলে, এই এইখানেই ব'লেই নমস্কার করে' নেমে পড়ে। কিন্তু তার পবেই ভাবল তার এই মানসিক অবস্থায় ববদাবাবু হয়ত টনিকের কাজ করবেন এবং তাঁর কাছ থেকে মন্দিরাদের সম্পর্কে খবর পাওয়া যেতে পারবে।

তাই সে পরম শ্রদ্ধাকামীর সঙ্গে বিনীত ভাবে হেসে' বলল, “এই আপনার কাছেই যাচ্ছিলাম। সেই যে সেদিন বললেন.....”

“বিলক্ষণ! এই ত চাই। আরে মশাই, এত চটপটে লোক না হলে' কি আর অতগুল বই এই কম সময়ের মধ্যে লিখে ফেলতে পারতেন! আমি জানতাম আপনি শিগ্গিরই ঐকদিন আসবেন। তা বেশ ত চলুন, আমার বাড়ীতে একটু পায়ের ধূলো দেবেন। আপনাদের মত গুণী ব্যক্তিহ্যা হ্যা!”

ততক্ষণে ট্রামের প্রায় সব লোকগুলির দৃষ্টি তাদের দিকে আকৃষ্ট হয়েছে। সন্টু কথার মোড় ফেরাবাবু জন্মে বললে, “কলকাতায় এবার কি শীত পড়েছে দেখছেন?”

“আব বলবেন না, মশাই, আর বলবেন না।” ববদাবাবু প্রায় কেঁদে ফেলবার জোগাড় করলেন, “সন্ধ্যার পর আর নড়তে-চড়তে পারিনা। আচ্ছা বলুন ত, একটু বিবেচনা করে' বলুন ত, ব্যবসাদার লোকের এ কি পোষায়? আবে, সন্ধ্যাবেলাতেই যদি বই-এর দোকান বন্ধ করে, বাড়ী যাই ত ছেলে-মেয়েরা খাবে কি?”

ছুরুছ প্রথ । সন্টু একটু ভাববার ভান করে' বললে, "তা আর করবেন কি বলুন ? ভগবানের ওপর ত হাত নেই !"

"আগেকার যুগে শুনতাম দার্জিলিংএ শীত, শিমলেয় শীত । কলকাতাই যদি দার্জিলিং হয়ে ওঠে তাহলে দার্জিলিং-এ লোকে যাবে কি-সুখে !" বরদাবাবু গভীর ক্ষোভেব সঙ্গে বললেন ।

সন্টু কথাটাকে এভাবে এদিক দিয়ে কখনো ভেবে দেখেনি । সে চিন্তিত হয়ে উঠল ।

বরদাবাবু বললেন, "রেল-কোম্পানীর কতটা ক্ষতি বলুন ত !"

সন্টু এইবার দ্বিধাগ্রস্ত ভাবে বললে, "কিন্তু, একটা কথা, গ্রীষ্মকাল ত রয়েছে । তখন কলকাতায় বেশ গরম, অথচ দার্জিলিং-এ"

"বেশ বলেছেন, বেশ বলেছেন ।" বরদাবাবু যেন নিশ্চিত হলেন, "আরে, একেই ত বলে বুদ্ধি ! এ না হ'লে আর এতগুলো"

সন্টু ব্যস্ত হয়ে বলে' উঠল, "উঠুন, আপনার নামবার জায়গা যে চলে' গেল ।"

বরদাবাবু ভীষণ হৈচৈ শুরু করলেন, কণ্ঠাকটার ও ট্রামস্ক্র লোককে অস্থির করে' তুললেন । শেষপর্যন্ত ট্রাম থামল ।

বরদাবাবু নামতে গিয়ে মুস্কিলে পড়লেন, এক ভদ্রলোকের পায়ে পা লেগে হোঁচট খেয়ে পড়তে পড়তে কোনো রকমে বেঁচে গেলেন । রুখে উঠে বললেন, "পা-টা একটু সামলে নিয়ে বসতে পাবেন না, মশাই ? এটা ত আর আপনার একলার ট্রাম

নয়, আমাদেরও উঠতে নামতে হবে।” তিনি দাঁড়িয়ে পড়লেন।

এখন, ট্রামস্কন্ধ লোক এতক্ষণে বরদাবাবুকে বুঝে নিয়েছে। তাই ভদ্রলোকটি তাকে একটু ক্ষেপাবার জন্যেই যেন বললেন, “শরীরের ওজনটা আর একটু কমান মশাই, ট্রামে চলা-ফেরার জায়গা একটু কম।” বলে’ একটু হাসলেন।

আগুণে ঘি পড়ল। বরদাবাবু আরক্ত মুখে বললেন, “বরদা বাজপেয়ীর শরীরের ওজন যদি তিন মণই হয়ে থাকে, তাতে আপনার চোখ টাটায় কেন মশাই? মশাই কি অল্পশূলে ভুগছেন? কিছু খেতে পারেন না? তাই কি অমন দড়ির মত.....”

এদিকে ট্রাম দাঁড়িয়ে আছে। কৃণ্ডাকটার দড়িতে হাত দিতে গেল। গাড়ী চলতে শুরু করলে বরদাবাবুকে সামলান দায় হবে। সন্টু তাড়াতাড়ি তাঁকে টেনে নামিয়ে নিল। তারপর ট্রাম চলতে শুরু করলে সে একটা প্রবল উচ্চ হাসি শুনতে পেল। মনে হ’ল ট্রামস্কন্ধ লোক এতক্ষণ কোনো রকমে হাসি সামলে ছিল, এইবার তারা নিজেদের স্বাধীনতা দিতে পেরে বেঁচেছে।

সন্টুও বেঁচে গেছে। কিছুক্ষণ পূর্বের নিদারুণ মানসিক ক্লান্তির হাত থেকে পবিত্রাণ পেয়েছে। এর জন্যে সে বরদাবাবুর কাছে কৃতজ্ঞ। কিন্তু এরপর আর সইবে না। বেশীক্ষণ এই আব-হাওয়ায় থাকলে আবার বিরক্তির কবলে পড়তে হবে। মনের এই সূর্যালোক অস্তমিত হবে। এরপর রেস্টরায় চাঘের পেয়ালাটি আরো লোভনীয় হয়ে উঠবে। এইবার বিদায়

নেওয়া যেতে পারে । বরদাবাবুকে তার আর প্রয়োজন নেই ।

সে বলল, “আচ্ছা বরদাবাবু, আপনি বাড়ী যান, আজ আসি । একটা বিশেষ জরুরী কাজ করবার আছে । হঠাৎ মনে পড়ে’ গেল । শিগ্গির একদিন যাব । নমস্কার ।” ব’লেই তাঁকে কোনো কথা বলবার অবসর না দিয়ে একটা চলন্ত ট্রামে উঠে পড়ল ।

সঙ্কে হয়ে গেছে। ঘরের মধ্যে একটি নিভৃত অন্ধকার, দামী সিগারেটের ধোঁয়ায় সুরভিত। নরম শালটাকে গলার চারপাশে জড়িয়ে নিয়ে সন্টু বসে' আছে। খোলা জানলা দিয়ে যে-আকাশটা দেখা যাচ্ছে সেটা ধোঁয়ায় আবিল। গ্রীষ্মকালে এই অন্ধকারের প্রতিটি কণার সঙ্গে জড়িয়ে থাকে একটা যৌবন-তপ্ত উদ্দীপনা, যা অনবরত দুঃসাহসিকতার দিকে মনকে টেনে নিয়ে যেতে চায়। কিন্তু শীতের এই স্ববির অন্ধকারে প্রাণ-শক্তির সে-উল্লাস নেই। মনে হয় রাস্তায় রাস্তায় প্রেতায়িত ষড়যন্ত্র ওৎ পেতে আছে। শবীর জড়ধর্মী হয়ে উত্তপ্ত ঘরের নিশ্চিন্ততায় চেয়াবের আশ্রয় খোঁজে। সন্টু শালটাকে ভাল করে' শরীরে জড়িয়ে নিল।

এইবার বন্ধুবা একে একে আসবে। তারপর আসবে চায়ের কাপ এবং বাক্যের শ্রোত। জ্ঞান-রাজ্যের সমস্ত অলিগলিতে চলবে কতকগুলি বাক্য-বীরের অসহিষ্ণু উদ্দাম পদক্ষেপ, তথাকথিত সমালোচনার শূলনিষ্ক্ষেপে সরস্বতীর কমলবন সচকিত হয়ে উঠবে। তারপর বাত্রি কিছু অগ্রসর হলে' ধুরন্ধরেব দল একে একে বিদায় নেবে। সন্টুর ঘরে নেমে আসবে আবার এই নির্জনতা। সন্টুর সঙ্গী হবে আবার এই অন্ধকার, আবার এই ধোঁয়া। কিন্তু তখন তাদের মধ্যে আব থাকবে না এই প্রশান্তি, এই অনতিক্রম্য রহস্য। অনুভূতি-রিক্ত ক্ষণগুলি তখন নিদ্রার মধ্যে সাময়িক আত্মবিনাশ খুঁজবে।

এতে লাভ কি! সন্টু ভাবল, এই ইচ্ছাকৃত অস্বস্তিভোগের

কি বা প্রয়োজন ! তার চেয়ে ধূমগর্ভ পথগুলিতে আত্মার হয়ত খোরাক পাওয়া যাবে । হয়ত তার মনের স্পর্শ পেয়ে ধোঁয়ার কণাগুলিও রহস্য-আকুলতায় উদ্বেল হয়ে উঠবে ।

তাছাড়া, বাইরে বেরুবার জন্যে তৈরী হয়ে নিতে নিতে সন্টু ভাবল, তাছাড়া, মন্দিরার ব্যাপারটা একটু অনুসন্ধান করে' দেখা দরকার । কর্তব্যবোধের কথা ছেড়ে দিলেও ব্যাপারটা রহস্যের মধ্যে দিয়ে চিত্তাকর্ষক হয়ে উঠছে । যে-মেয়েটিকে কেন্দ্র করে' ওদের পরিবারে অশান্তির আগুণ জ্বলে' উঠতে চায় তার মধ্যে প্রথম দর্শনে সন্টু যে সহজ সারল্য দেখে খুসী হয়েছিল তা কি সবটাই অভিনয় ! তার মধ্যে কি সত্যের বাষ্পমাত্রও নেই ! যদি অভিনয় না হয় তাহলে জীবনের যেখানে অতটা স্বতস্ফূর্তি সেখানে অকল্যান, অশান্তি আসে কি করে' ! আর অভিনয়ই যদি হবে তাহলে বুঝতে হবে যে মেয়েটি অসাধারণ বুদ্ধিমতী এবং তার এই বুদ্ধির তীক্ষ্ণতা অবশ্যই তাকে সস্তা আর সুলভ হয়ে যেতে দেবেনা ।

সন্টু গাড়ী নিয়ে বেরুল এবং ড্রাইভারকে সঙ্গে নিল না ।

নৃপতিবাবুদের বাড়ীতে যখন পৌঁছাল তখন সাতটা বেজে গেছে । ঘরের মধ্যে একটা খম্‌খমে ভাব । খোকা আর রাণু পড়াশোনায় ব্যস্ত এবং কনকলতা কি একটা বুনছে । নৃপতিবাবু সন্টুরই লেখা ন তনতম উপন্যাসটি পড়ছেন ।

সন্টুকে অভ্যর্থনা করে' বসিয়ে নৃপতিবাবু জিজ্ঞেস করলেন,

“আচ্ছা, আপনি বিভিন্ন চরিত্রের মুখে এই যে বিভিন্ন ধরনের কথাবার্তা দেন, এটা পারেন কি করে? আপনার নিজস্ব কথা কণ্ঠ্যাব ধ্বনি আছে। সেটাকে ত লেখবার সময় ভুলে যেতে হয়। সেটা কি সহজ?”

“আপনার প্রশ্নের উত্তর আমি দিচ্ছি,” সন্টু হাসতে হাসতে বলল, “কিন্তু ইতিমধ্যে কনকদেবী এক কাপ চা খাওয়ান।”

“ওদের আবার ‘কনকদেবী’ ‘আপনি’ এ-সব বলেন কেন?” নৃপতিবাবু বললেন, “ওরা আপনার চেয়ে বয়েসে অনেক ছোট, আপনার স্নেহেব পাত্রী। ওদের নাম ধরে ‘তুমি বলে’ ডাকবেন।”

“আপনাকে চা এনে দিতে আমি রাজী আছি যদি আপনি বাবার কথা রাখেন।” কনকলতা গম্ভীর মুখে জানাল, “আর এবার থেকে আমি আপনাকে কাকাবাবু বলে’ ডাকব।”

“সর্বের প্রথম দিকটাতে আমি রাজী আছি, কিন্তু সেটা কাল থেকে হবে।” সন্টু সললে, “কিন্তু দ্বিতীয় অংশটিতে বাজী নই।”

“কেন?” কনকলতা আশ্চর্য হয়ে গেল।

“সন্টু-কাকা তোমাব চেয়ে আমাকে বেশী ভালবাসেন দিদি, খোকা বলে’ উঠল, “আমি গোড়া থেকেই কাকা বলে’ ডাকি, কই উনি ত বারণ করেন নি!”

“তুই খাম, খোকা, মন দিয়ে পড়,” নৃপতিবাবু ধমকালেন, “পরশু পরীক্ষা তা মনে আছে? ফেল করলে ক্লাস উঠতে দেবেনা।”

“কিন্তু কাকাবাবু বলাতে আপনার আপত্তিটা কিসের?” কনকলতা না জেনে ছাড়বে না।

“কেউ কাকাবাবু বললে মনে হয় বুড়ো হয়ে গেছি।” সন্টু হাসতে লাগল, “আর সেরকম মনে হওয়াটা আমি চাই না।”

কনকলতা হাসতে লাগল, “বুড়ো হওয়াতে আপনার এত ভয়! আর যখন একদিন সত্যি-সত্যিই বুড়ো হবেন, তখন? তখন কি করবেন?”

“বুড়ো আমি হবনা কখনই।” সন্টু মাথাগ ঝাঁকুনি দিয়ে বলল।

“বুড়ো হবেন না কখনো?” খোকা আর চুপ করে থাকতে পারলনা, “সে কেমন কবে’ পাববেন, কাকাবাবু?”

“খোকা, তুমি ফেল করবেই।” কনকলতা মনে পড়িয়ে দিল।

“খোকা, তুমি ফেল করবেই।” খোকা ভেঙিয়ে উঠল, “যা তোমাদের গল্প করার ধুম, খোকা পড়বে কোথায় শুনি?”

প্রশ্নটা যুক্তিসঙ্গত বলেই মনে হ’ল।

“কেন, পাশের ঘরে গিয়ে পড়তে পার না?” কনকলতা জিজ্ঞেস করল।

“বারে, পাশের ঘরে কি করে’ পড়ব!” খোকা ছাড়বার পাত্র নয়, “তোমরা সাবাদিন মেজদিকে খেতে দাওনি, সে ওঘরে শুয়ে কাঁদছে, আমি সেখানে কি করে’ পড়ব! বেশ বলে যাহোক!”

খোকা গুম্ হয়ে উঠে জানালার ধারে দাঁড়াল। প্রবাদ, সে তার মেজদিকে সবচেয়ে বেশী ভালবাসে।

“সে কি, সারাদিন না খেয়ে মন্দিবা দেবী পাশের ঘরে শুয়ে

কাদছেন নাকি ?” সন্টু ভারী ব্যস্ত হয়ে উঠল, “কেন, হয়েছে কি ? দেখুন ত, আমরা এদিকে…… …” সে উঠে দাঁড়াল। ভাবটা এই, সে এখুনি গিয়ে ব্যাপারটা অস্বস্তিকর করতে চায়।

“বসুন, বসুন,” নৃপতিবাবু বললেন, “আমি ও-বিষয় আপনাকে এখনি বলতাম। ঠাণ্ডা হন। আপনি ভাগাক্রমে যখন এসে পড়েছেন, তখন উপায় একটা হবেই। লতা, যাও ত মা। তুমি ততক্ষণ সন্টুবাবুব চা-টা তৈরী করে’ আন।”

“না, না, না,” সন্টু ঘোর আপত্তি জানাল, “চা পরে হবে, আপাতত ব্যাপারটা শুনি।”

“ব্যাপারটা আর কিছুই নয়,” নৃপতিবাবু ধীরভাবে বললেন, “কাল রাত্রে আপনি চলে’ যাওয়ার পর দিবার অত বাত করে’ বাড়ী ফেরা নিয়ে যা আলোচনা হয়েছিল, তারই ফলে ও হাজার-ষ্ট্রাইক করেছে, আজ সারাদিন কিছু খায়নি। রাত্রে ওর মা নিশ্চয়ই কিছু খাওয়াতে পারবে। ব্যাপারটা কিছু নতুন নয়।”

“তবু, আমি একবার চেষ্টা করে’ দেখি।” সন্টু বললে।

“বেশত, দেখুন, দেখবেন বইকি।” নৃপতিবাবু বললেন, “ওই পাশের সঞ্জয়ের ঘরে আছে।”

“সঞ্জয়বাবুর ঘরে !” সন্টু আশ্চর্য হ’ল।

“সঞ্জয় সকালেই বের হয়ে যায় আর রাত্রে ফেরে কিনা,” নৃপতিবাবু ব্যাপারটা বুঝিয়ে দিলেন, “এরা তাই তার কাছ থেকে চাবিটা চেয়ে রাখে। দরকার মত ঘরটা মাঝে মাঝে ব্যবহার করে।”

“তা হোক।” – সন্টু দাঁড়িয়ে উঠে বললে, “তা ব্যবহার করুন, আপাতত খেলে আমরা খুসী হই, কি বলেন?”

পাশের ঘরের দরজাটা ভেজানো। বাইরে থেকে সন্টু বারকতক ডাকল, কোনো সাড়া মিলল না। দরজা ঠেলে ভিতরে না ঢুকে সন্টু ফিরে এসে বলল, “বোধ হয় ঘুমিয়ে পড়েছেন, খোকা তোমার মেজদিকে জাগিয়ে দেবে এস ত।”

খোকা তাতে খুব রাজী। সন্টুর আগে আগে গিয়ে বীরদর্পে ঘরে ঢুকে আলোটা জ্বলে দিয়ে বললে, “মেজদি, দেখ, কে এসেছেন।”

মন্দিরা ধডমড় করে’ উঠে বসে’ বললে. “আরে, আপনি? কতক্ষণ এসেছেন? ঘুমিয়ে পড়েছিলাম, জানতে পারিনি। বসুন।” তারপর লজ্জিত হয়ে বলল, “কোথায় বা বসবেন! সঞ্জয়দার বিছানাটা তেমন পরিষ্কার নয়। একটু দাঁড়ান, খোকা ওঘর থেকে একটা আসন.....”

“ব্যস্ত হবেন না,” সন্টু বিছানাটার একপাশে বসে’ পড়ে’ বললে, “আমি নবাব খাঞ্জা খাঁ নই, আমার অভ্যর্থনার জন্যে তখ্ত-তাউসের দরকার নেই। বাঙালী মানুষ, আমাদের কাছে বিছানার মত জিনিষ আছে!” তারপর চেয়ে দেখল মন্দিরার মুখশ্রী বিশীর্ণ, চুল রুক্ষ এবং বেষ অবিগ্ৰস্ত।

তার কথায় ও ভাবে-ভঙ্গীতে মন্দিরার মুখে মৃদু হাসি ফুটে উঠল। বললে, “যাক, বাঁচলাম, আপনি এই সামান্য অভ্যর্থনা-তেই তুষ্ট হয়েছেন।”

“বেশ, যাহোক, আজকালের লেখকদের মত আজকালের মেয়েরাও কি কবিগুরুকে বাদ দিয়ে চলেন?” সন্টু যেন পবম বিস্মিত হয়েছে।

“কেন, রবীন্দ্রনাথের কথা উঠল কি কবে?” মন্দিরা জানতে চায়।

“বাঃ, বাঙালীদের সম্পর্কে তিনি বলেছেন না, ‘তৈল ঢালা স্নিগ্ধ তনু নিদ্রারসে ভবা……’! আর মুখে না মানলেও আপনি ত কাজ দিয়ে তাঁর কথা প্রমাণ করছিলেন। সন্ধ্যাবেলাতে কি কেউ ঘুমায়!”

“আর তাছাড়া, জানেন কাকাবাবু। মেজদি আজ সারাদিন কিছু খায়নি।” খোকা নতুন করে’ আবার তার মনে পুড়িয়ে দিল। তার কেবলি হয়ত ভয় হচ্ছিল যে মেজদিব খাওয়ার কথাটা বলতে সন্টুর ভুল হয়ে যাবে।

“খোকা, তুই থাম ত।” মন্দিরা ধমক দিল, তারপর সন্টুকে বলল, “শরীরটা সারাদিন কেমন বিশ্রী হয়ে আছে, তাই খেতে ইচ্ছে করেনি।”

“না, কাকাবাবু, মেজদিকে বাবা……” খোকা বলতে গেল।

“খোকা, তুই থামবি, না আমি এঘর থেকে চলে’ যাব?” মন্দিরা যেন রাগ কবে’ বলল।

“খোকা, তুমি পড়গে যাও ত।” সন্টু বললে, “আমি তোমার মেজদির সঙ্গে কথা বলছি।”

খোকা অনিচ্ছুকভাবে ঘব থেকে বের হয়ে গেল ।

“আপনার ওপরে ওর ভারী টান ।” সন্টু বললে ।

“আমিই ত ওর দেখাশোনা করি কিনা । আমি না দেখলে ওর স্নানাহার হ’ত না ।” মন্দিরা কারণটা বলে’ দিল ।

“আর আপনাকে কে না দেখলে আপনার স্নানাহার হয় না ?” সন্টু হাসতে হাসতে জিজ্ঞেস করল, “মা ? তিনি কি আজ বাড়ীতে নেই ?”

“মা-র সত্যিই একটু মাথার গোলমাল আছে আর এরা পাঁচজনে হাঙ্গামা করে’ সেটা বাড়িয়ে দেয় । সকাল থেকেই তিনি বের হয়েছেন, সেই রাত্রে ফিরবেন । তাঁর বোনের বাড়ী গেছেন । মাঝে মাঝে এরকম করেন ।”

“আপনার মায়ের, রাণুর আর খোকার ভার বুঝি আপনাব ওপর ?” সন্টু জিজ্ঞেস করল । মন্দিরা হাসল : ক্লান্ত হাসি ।

“আর আজকের সন্ধ্যার জগ্গে আপনাব ভাব আমি নিতে চাই । দেবেন না নিতে ?”

মন্দিরা চমকিত হয়ে চোখ তুলল ।

“মানে, আপনাকে একটু বেরতে হবে । গাড়ী এনেছি ।” সন্টু বুঝিয়ে বলল ।

“ও-ঘরের অনুমতি নিয়েছেন ?” মন্দিরার চোখে বাঁকা হাসি, “নইলে অনেক হাঙ্গামা ।”

“অনুমতি গোড়াতেই নিয়েছি । আব আমার সঙ্গে বের হলে আপনাকে কোনো হাঙ্গামাই পোয়াতে হবেনা, চলুন ।” সন্টু

আশ্বাস দিল এবং নিষ্কিবাদে মিছে কথা বলে' গেল।

“কি জানি!” মন্দিরা দ্বিধাগ্রস্ত ভাবে বলল, “কিন্তু থাক না, বেরুতে কেমন ইচ্ছে করছে না।”

“একটু বেরুলেই দেখবেন শরীর আর মন চাঙ্গা হয়ে উঠেছে। এখান থেকে কিছুক্ষণের জন্যেও বাইরে যাওয়া দবকার।” সন্টু জোর করে' বলল, “উঠুন, আমার কথা রাখুন। কাপড় বদলে নিন। আমি ও-ঘরে অপেক্ষা করছি।” সে মন্দিরাকে আর আপত্তি করবার অবসর না দিয়ে পাশের ঘরে চলে' গেল।

“আরে, চা যে তৈরী!” সন্টু উৎসাহে প্রায় চিৎকার করে' উঠল, “একেই ত বলে লক্ষ্মী মেয়ে!” তারপর কনকলতার দিকে ফিরে বলল, “দেখেছেন, এর মধ্যেই কাকা হবার মহলা দিচ্ছি।”

“পারছেন কই!” কনকলতা মুচু হেসে বলল, “কাকার। কি ভাইঝিদের আপনি বলে' কথা বলে? আর এই যে বললেন আপনি কাকাবাবু হতে চান না!”

“আহা, চাই না ত বটেই, সেই জন্মেই ত হ'তে পারছি না।” সন্টু চায়ের কাপে চুমুক দিল, “বাঃ, চমৎকার চা হয়েছে। কোথায় লাগে রেস্টরঁ। তারপর নৃপতিবাবু, নায়ক-নায়িকাদের কথাবার্তা কি করে' লেখা হয় জিজ্ঞেস করছিলেন না?”

“তা ত করছিলাম।” নৃপতিবাবু সকৌতুকে বললেন, “কিন্তু আপনার ভাবী খুসী-খুসী ভাব দেখছি যে! কার্যোদ্ধার হয়েছে বুঝি? দিরা খেতে রাজী হয়েছে?”

“ওঃ, খাওয়ার কথা বলবার কথা ছিল, নয়?” সন্টু কাপটা নাড়িয়ে চিন্তিত ভাবে বললে, “ভারী ভুল হয়ে গেছে, একেবারে জিজ্ঞেস করাই হয়নি।” তাকে ভারী লজ্জিত দেখাতে লাগল।

“ওই জন্টেই ত আমি মনে পড়িয়ে দিচ্ছিলাম।” খোকা রাগ করে’ বললে, “আপনি আমায় বললেন, ‘খোকা, যাও ওঘরে পড়গে।’ আর তারপরে সঙ্গে সঙ্গে এঘরে চলে’ এসে চা খেতে বসলেন।”

সন্টু হাসতে লাগল। ওর মেজদি উপোস করে’ আছে। তাকে খাওয়ানোর একটা কোনো ব্যবস্থা করা হ’ল না, অথচ সন্টুর দিকি আরাম করে’ চা খাওয়াটা সত্যিই বিশ্রী দেখায়। কিন্তু সন্টুর লজ্জার বালাই নেই। সে নৃপতিবাবুকে বলল, “আশে-পাশে লোকেদের যে-সব টাইপ আমি দেখতে পাই সেগুলো মনে করে’ রাখি, পোষাক, কথাবার্তা, ভাব-ভঙ্গী সব সমেত। কতকগুলো কাল্পনিক মডেলও আছে। নায়ক আর নায়িকা রূপে তাদের প্রথমটা দাঁড় করাতে কষ্ট হয়। কিন্তু একবার তা হয়ে গেলে অর্থাৎ তাদের নিজস্ব ব্যক্তিত্ব এলে তারা নিজের ভাবেই কথাবার্তা বলে, চলাফেরা করে.....”

বাইরের জন্টে সজ্জিত হয়ে মন্দিরা এসে দাঁড়াল।

“ওই যে মেজদি এসেছে।” খোকা ঘরের লোকগুলির দৃষ্টি সেদিকে আকর্ষণ করল।

কিন্তু মন্দিরা তার ভাবে-ভঙ্গীতে ঘরের লোকগুলিকে অস্বীকার করতে চায়।

সন্টু উঠে দাঁড়িয়ে নৃপতিবাবুকে বলল, “আমরা একটু ঘুরে আসছি, ঘণ্টা দেড়েক পরে ফিরব। চলুন, মন্দিরা দেবী, যাওয়া যাক।” বলে’ ঘর থেকে বের হয়ে গেল।

নৃপতিবাবু হাসতে লাগলেন।

গাড়ী এসে চোরিঙ্গীর একটা মাঝারি গোছের হোটেলের সামনে দাঁড়াল। সন্টু নেমে দাঁড়িয়ে দরজা খুলে বলল, “নামুন।”

“কি হবে নেমে! নামতে ভাল লাগছে না।” মন্দিরা ক্রান্ত ভাবে বলল।

“আমাব ভীষণ ক্ষিদে পেয়েছে। কিছু খেয়ে নেওয়ার অত্যন্ত দরকার।”

“বেশ ত, খেয়ে আসুন। আমার এই গাড়ির ভেতর গরমে বসে’ থাকতে ভারী ভাল লাগছে।” মন্দিরা আরাম করে’ গাড়ীতে গা ঢেলে’ দিল।

“নামুন, নামুন, আমার শীত করছে। আপনার সঙ্গে গল্প করতে করতে খাব। একলা খেতে আমার ভাল লাগবে না। চলুন, রেস্টুরাঁর ভেতরটাও বেশ গরম।” সন্টু অধৈর্য্য হয়ে উঠল।

অগত্যা মন্দিরাকে নামতে হ’ল।

ভিতরে কাঠের একটি ছোট কামরায় বসতে বয় এসে দাঁড়াল। সন্টু মন্দিরাকে জিজ্ঞেস করল, “কি দেবে?”

“আমি কি জানি?” মন্দিরা আশ্চর্য্য হয়ে বলল, “খাবেন আপনি, আমি কি কবে’ অর্ডার দেব!”

“আরে, একযাত্রায় কি পৃথক ফল হয়!” সন্টু দিকি নিশ্চিত মনে বলল, “আমি খাব, আর আপনি বসে’ বসে’ দেখবেন। বেশ বল্লেন যাহোক, তারপর দৃষ্টি লাগুক, আর আমি বদহজমে পেটের যন্ত্রনায় মরি!”

মন্দিরা হাসতে লাগল। বললে, “এমন কথা ত ছিল না।”

“কথা অনেকই থাকে না, পবে তারা মাথা চাড়া দেয়।
যাক, এখন কি থাকেন বলুন। আপনার জন্তে আমি খেতে
পাচ্ছি না।

“ফিস্ ফ্রাই আনতে বলুন।” মন্দিরা বলল।

সন্টু ছুটো ফিস্ ফ্রাই এবং নিজের জন্তে ছুটো টোস্ট
আনতে দিল। তাবপব মন্দিরার দিকে চেয়ে হেসে বলল,
“মেয়েরা বিড়াল বংশীয়।”

“আমি বেড়াল! যান, আমি আপনার ফিস্-ফ্রাই খাব না।”
মন্দিরা কপট রাগ দেখিয়ে বলল।

“আরে আমি সাধারণ ভাবে বলছিলাম, আপনাকে বলব
কেন! আপনি ত জীবনে এই প্রথম মাছ খেলেন।” সন্টু
গম্ভীর ভাবে জানাল।

মাছ যেন আপনারা খান না, মেয়েরাই শুধু খায়।”

“ছি ছি, মাছ! কি বলেন! আমরা সব সাত্ত্বিক, দেখলেন না
শুধু ছুটো রুটি সেক্কে আনতে বললাম।” সন্টু গাম্ভীৰ্য
এখনো ছাড়েনি।

“আচ্ছা, লোক যা হোক!” মন্দিরা হেসে উঠল, “এই
বলছিলেন ভীষণ ক্ষিদে পেয়েছে। ক্ষিদেটা পেয়েছিল কার
বলুন ত? যখনি বেকুব্বার কথা বলেছিলেন তখনি আপনার
মতলব বুঝতে পেরেছিলাম।”

“আমি মোটেই মতলববাজ লোক নই,” সন্টু ভাল মান্ধ্বের

মত মুখ করে' বলল, "আমি অত্যন্ত নিরিহ লোক ।"

মন্দিরা চেঁচিয়ে হেসে উঠল । এতক্ষণে তার মনের অঙ্ককার অনেকটা কেটে গেছে ।

আহার-পৰ্ব যখন শেষ হ'ল তখন রাত নটা বাজে !

"সাড়ে নটার শো-এ কোনো সিনেমায় যাবেন ? সন্টু জিজ্ঞেস করল ।

"না, ছবি দেখতে ভাল লাগছে না ।"

সন্টুর গাড়ী বেগ সঞ্চয় করল । তার মুখ উত্তর কলকাতার দিকেই ।

"বাড়ী ফিরতেও এখন ইচ্ছে করছে না ।"

"তা জানি ।" সন্টু বললে । এবং তারপর নিশ্চিত মনে পাইপ টানতে লাগল ।

"জানেন তবু বাড়ীর দিকেই যাচ্ছেন যে ?"

"বাড়ীর দিকেই যাচ্ছি, কিন্তু বাড়ীতে যাচ্ছি না ।" সন্টু বললে ।

"এদিকে আর যাবার জায়গা কোথা ? এখন কারুর বাড়ী-ও যাব না কিন্তু ।"

"যাচ্ছি যশোর রোড ।"

"আবার সেই যশোব রোড ! এত রাত্রে ! ফিরতে রাত হবে যে !" মন্দিরার কণ্ঠস্বরে যেন শঙ্কা ।

"আপনার মুখ থেকে ও-কথাটা শুনতে পাব আমি ভাবিনি ।"

"আমার মুখ থেকে ও-কথা শুনতে পেতেনও না ।" মন্দিরা

চেয়ে দেখল তাদের বাড়ী যাবার গলি দৃষ্টির বাইরে চলে গেল,
“আমার ইচ্ছে করে এইরকম সাবাত ঘুরে ঘুরে বেড়াই,
বনে জঙ্গলে মাঠের ধার দিয়ে দিয়ে, ঘুমন্ত সহরের রাস্তা দিয়ে
দিয়ে।”

“আর বিপদ?” সন্টু পাইপের ফাঁক দিয়ে জিজ্ঞেস করল।

“হ’লেই বা বিপদ।” মনে হ’ল মন্দিরা যেন কাঁধ ঝাঁকানি
দিয়ে বলল। “বেশীর ভাগ লোকেই ত বিছানায় শুয়ে মরছে,
আমি না হয় দুর্ঘটনায় মরব।”

“বলেন কি!” পাইপের পাশ দিয়েই সন্টুর উক্তি বেরুল।
গাড়ী তখন বেলগাছিয়ার হাসপাতালের পাশ দিয়ে যাচ্ছে।

“জানেন, অনেক সময় এই রকম গাড়ীর সামনের সিটে বসে’
যেতে যেতে আমার কি ইচ্ছে করে?”

“না।”

“একটা গাড়ীর সঙ্গে বা গাছের সঙ্গে ধাক্কা লাগলে একটা
চমৎকার মজা হয়। হয় না কি? বলুন না?”

“রক্ষে করুন, অমন মজায় কাজ নেই।” সন্টু মুখ থেকে
পাইপ নামিয়ে বলল, “দোহাই আপনার, এ-গাড়ীতে বসে’ ওসব
চিন্তা করবেন না।”

“কেন, আমি যা ভাবব তাই হবে নাকি?” মন্দিরা খিলখিল
করে’ হেসে উঠল।

“জানেন ত, যার যেরকম চিন্তা সে সেরকম ফল পায়,” সন্টু
গম্ভীরভাবে বললে, “হেসে উড়িয়ে দেবার যো নেই, ঋষি-বাক্য।”

“ঋষি-বাক্য শুধু আমার বেলাতেই খাটবে না।” মন্দিরা যেন নিশ্বাস ফেলে বলল।

“কেন?”

“আমি যে-রকম জীবন চাই, তা পাই না।”

গাড়ী তখন যশোর রোডের নিষ্কিন্ততায় বেগ নিয়েছে।

“আপনি যতটা বেদের জীবন চালান, ক’টা মেয়ে তা পারে!” সন্টু একটু হেসে বলল, “এই ত কাল সারাদিন হুল্লোড় করে’ রাত এগারটায় ফিরেছিলেন, আবার আজ রাত্রেও প্রায় সেই সময়ে ফিরবেন। তার আগে হয়েছিল সেই পিকনিক।”

“কিন্তু রাত হয়ে গেলে বকুনি খাবার ভয় অণ্ড মেয়ের মত আমারও আছে।”

“বেশী রাত হলে’ আপনার কোনো বিপদ ঘটেছে মনে করে’ ওঁদের ভয় হয়, তাই বলেন, আর কিছু নয়। ওঁদের দিকটাও ত আপনার দেখা উচিত। সংসার সমাজের মানে এই।” সন্টু সান্ত্বনার স্ববে বলল।

“ওঁদের ও-কথায় আমি বিশ্বাস করি না।” মন্দিরা অসহিষ্ণু রুক্ষ কণ্ঠস্বরে বললে, “দিদিরও কি ফিরতে দেবী হয় না, মনে করেন? তখন বাবা ভাবেন না কেন? অথচ দিদির ওপর বাবার টানটা খুব যে বেশী একথা সকলেই জানে। সেজগ্রে দুর্ভাবনাও ত বেশী হওয়া উচিত।”

“দুর্ভাবনা যে হয় না, তা কি করে’ জানলেন?”

“এবার দিদির যে-দিন ফিরতে রাত হবে, আমি আপনাকে

ডেকে আনব, আপনি নিজেই তাঁর ভাবভঙ্গী দেখে যাবেন।
কালকের ভাবভঙ্গীও ত দেখেছেন।”

সন্টু চূপ করে’ রইল। সময়ের ওপর দিয়ে গাড়ীর চাকা
গড়িয়ে যাচ্ছে।

“আমার সঙ্গে অনেকের আলাপ আছে বলে’ দিদির রাগ।”
মন্দিরা বলতে লাগল, “অথচ দিদি যে কি ধরণের কত লোকের
সঙ্গে মেশে তা আমি জানি। রেকর্ড তুলতে যাচ্ছি বলে’
কোথায় কোথায় যায় সবই আমি খবর রাখি।”

“আপনি ত সাংঘাতিক লোক!” সন্টু কপট শব্দা ধ্বনিয়ে
বললে, “আপনার নিজের গুপ্তচর-বিভাগ আছে নাকি?”

“নিশ্চয়। জানেন, দিদির বুদ্ধি নেই মোটে। যে-ছেলে ওকে
গ্রাহ্য কবে না, শুধু ওকে নাচাতে চায়, ওকে বিয়ে করবার যার
ইচ্ছেই নেই, ও তার পিছুপিছু হাংলার মত ঘুবে বেড়ায়।
আমি বানিয়ে বলছি না, এখবর পুরন্দরবাবুও জানেন। তাঁকে
জিজ্ঞেস করবেন। দিদি তাঁর কাছে স্বীকার করেছে।”

“যেখানে স্পষ্ট স্বীকার রয়েছে, সেখানে দোষের কি আছে।”

“কিন্তু বাবাকে জানায়নি কেন?” মন্দিরা জিজ্ঞেস করল,
“যে-বাবা তাকে এত ভালবাসেন তাঁকে জানায়নি কেন?
তাছাড়া আবার ও মিত্র কোম্পানী ওয়ুথের দোকানের বিভাস
মিত্রকে প্রশ্রয় দেয় কেন? জানেন, তার ক্লুছ থেকেই ও
পর্টাসিয়াম সায়ানাইড এনে রেখেছে।”

“পর্টাসিয়াম সায়ানাইড! বলেন কি!” সন্টু বিস্ময়ে গাড়ী

থামিয়ে ফেলল, “কেন?”

“হয়ত আমার জন্মেই।” মন্দিরা হেসে ফেলে বলল, “খবরটা একদিন আমাকে শাসিয়ে ও বলেছিল। আমি ওর অনেক খবর জানি, সেইজন্মেই বোধ হয়।”

সন্টু কিছুক্ষণ স্তম্ভিত হয়ে চুপচাপ বসে’ রইল। মন্দিরা বলল, “ওকি, থামলেন যে, চলুন। এইবার ফিরিয়ে নিন না।”

সন্টু গাড়ীর মুখটা ঘুরিয়ে নিয়ে আবার থেমে গাড়ী থেকে নেমে পড়ল। তারপর মন্দিরাকে বললে, “নামুন, একটু ঘুরে বেড়ানো যাক। শীত করছে?”

“না, শীত কিসের, আজ ত বেশী শীত নেই।” মন্দিরা তৎপরতার সঙ্গে নেমে পড়ল। তারপর বলল, “কি চমৎকার টাঁদের আলো হয়েছে, চলুন মাঠে নামা যাকন।”

“যদি আলকেউটে থাকে?”

“কামড়াবে।” মন্দিরা হাসল, “এখানে কেউটে আর বাড়ীতে বিষ।”

“আচ্ছা সায়ানাইড কোথায় আছে বলতে পারেন?” সন্টু উৎকণ্ঠিত হয়ে জিজ্ঞেস করল।

“কেন, সরাবেন নাকি? একেবারে ট্রাঙ্কে চাবী দেওয়া। পারবেন?”

“নিশ্চয়। একি সোজা ব্যাপার, সায়ানাইড।” সন্টু বলল, “ওই যে কে-একজন ছোকরার নাম করলেন, সে পাত্তা দিচ্ছেনা বলে হয়ত নিজের জন্মেই এনেছেন। শেষকালে একটা কেলেকারী

কাণ্ড হবে।” সন্টুকে অত্যন্ত চিন্তিত দেখাল।

“কেন, তার সঙ্গে রোজই দেখা হয়।” মন্দিরা বাঁকা হাসল।

“এই যে বল্লেন সে পাত্তা দেয়না?”

“দেয়না ত।” মন্দিরা এখনো হাসছে।

“তবে?”

“তবে কি?”

“আরে, ব্যাপারটা আপনি বুঝতে পারছেন না? ব্যর্থ মনোরথ হয়ে কনকলতা দেবী হয়ত নিজের প্রাণ নষ্ট করবার চেষ্টা করতে পারেন। এরকম ত প্রায়ই হয়!”

মন্দিরা চেষ্টা করে হেসে উঠল। সে-হাসিতে যেন শ্লেষের রুচুতা টেব পাওয়া গেল। বলল, “তাই যদি হবে, তাহলে ওই মিত্তিরটাকেও দিদি আবার প্রশ্ন দিত না? দিত কি? আপনি একজন লেখক, বলুন না?”

তারপর একটু মুচ্কি হেসে বলল, “সে-ভদ্রলোকের টাকা আছে বলেই তাকে বিয়ে করবার ঝোঁক! আর তিনিও তা টের পেয়েছেন। তাই আমোল দেন না।”

সন্টু কিছুক্ষণ নিঃশব্দে হাঁটল। শীতের রাত্রে পরিপূর্ণ চাঁদের আলোয় এ-ভাবে মাঠে হাঁটতে খুব ভাল লাগছিল। সামনেই একটা রেল-লাইন। খুলনায় গেছে। তার পাশে দাঁড়িয়ে পড়ে’ পাইপটা ধরাতে ধরাতে সন্টু জিজ্ঞেস করল, “আচ্ছা, বলুন ত, ছেলে-মেয়েদের মধ্যে পরিচয়টা বন্ধুতায় গড়ালে বেশীর ভাগ ক্ষেত্রে বিয়ের কথা ওঠে কেন?”

মন্দিরা আবার হাসল। বললে, “তার কারণ, এদেশে বিয়ে না ক’রে যে উপায় নেই।” তাই মেয়েদের বাপেরা আর মেয়েরা নিজেরা সব সময় বিয়ের চেষ্টায় ঘোরে।”

“কিন্তু আজকাল অনেক মেয়েই ত স্বাধীন ভাবে রোজ্জগার করছে।”

“সে-রোজ্জগারের জন্মে তাদের কতটা স্বার্থত্যাগ করতে হয় তা যদি জানতেন! আর তাছাড়া, অনেক দিনের অভ্যাসে মেয়েরা জ্ঞানহওয়া থেকে কিসেব স্বপ্ন দেখে জানেন?”

“কিসের?” প্রশ্নের ধরণে মনে হ’ল সন্টু এর উত্তর জানে।

“নিজের ঘর-সংসার করা।” মন্দিরার কণ্ঠস্বরে একটি উদাস অনির্বাচনীয়তা।”

সন্টু আবার দাঁড়িয়ে পড়ে’ মন্দিরার চোখের দিকে চাইল। সে যেন দেখতে চাইল সেখানেও কোনো স্বপ্ন বাসা বেঁধেছে কিনা। কিন্তু মন্দিরার চোখে এসে পড়ছে শুধু চাঁদের আলো। দূরে একটা পাখী অনবরত চেঁচাচ্ছে—চোখ গেল, চোখ গেল।

মনে হ’ল দূর থেকে একটা ট্রেন আসছে। মন্দিরা ছোট মেয়ের মত হাততালি দিয়ে উল্লসিত কণ্ঠে বলে’ উঠল, “কি মজা, ট্রেন আসছে। আমাদের পাশ দিয়েই চ’লে যাবে।”

নির্জন মাঠে লোহার গর্জন। মনে হ’ল পাশ দিয়ে একটা শব্দের ঝড় বয়ে গেল। কামরার জানালাগুলো দিয়ে শুধু আলো বেরুচ্ছে, মনে হ’ল ট্রেনের সকলেই ঘুমুচ্ছে।

মাঠ আবার নিস্তব্ধ হ’লে সন্টু পাইপটা আবার ধরিয়ে নিতে

নিতে বলল, “আপনারও ঐকম একটা স্বপ্ন আছে নাকি ?”

“নিশ্চয়ই।” মৃদু অথচ স্পষ্ট কণ্ঠস্বরে জবাব এল।

“তাই নাকি ?” সন্টু হাসল, “আপনার স্বপ্নটা কি রকম ?
মস্ত বড় লোকের বউ হবেন, না কোনো বিদ্যাদিগ্গজের ?”

“বড় লোকের বউ কি করে’ হব বলুন ! আমরা যে গরীব।”
মন্দিরা হাসতে হাসতে জবাব দিল, “আর কোনো বিদ্বান ত
আমায় নেবেন না, আমার লেগাপড়া যে শিকেয় তোলা আছে।”

সন্টু চূপ করে’ রইল। এখানে কথা কওয়ায় সঙ্কট।

“আপনার টাকা আছে,” মন্দিরা বেশ সহজ কণ্ঠস্বরে বলে’
যেতে লাগল, “আপনি জানেন না গরীবদের জীবনে কি গভীর
হতাশা ! তাদের বোজের সংসার চলা দায়, এবং তার জন্মে
তাদের অনেক হীনতা স্বীকার করতে হয়। কিন্তু তাদের
জীবনে সেইটাই সব চেয়ে বড় কথা নয়। তাদের সব চেয়ে বড়
কথা কি জানেন ?” মন্দিবাব কণ্ঠস্বর হঠাৎ যেন তীক্ষ্ণ হয়ে
উঠছে।

সন্টু জানে ! তবু জানতে চায়, “কি ?”

“তাদের অবস্থা কখনো ভাল হবার আশা নেই, আর সেকথা
তারা জানে। সেই জানাটা তাদের বুকে পাথরের মত চেপে
বসে, দম বন্ধ হয়ে আসে। আগার আজকাল প্রায়ই কি ইচ্ছে
করে জানেন ?”

“বলুন।”

“এখানকার সব ছেড়ে দিয়ে পালাই।”

“পালাবেন !”

“হ্যাঁ, ভাগলপুরে আমার দিদিমার কাছে চলে’ যাই ।

“ওঃ, তাই বলুন ।” সন্টু স্বস্তির নিঃশ্বাস ছাড়ল ।

“তিনি আমায় ভারী ভালবাসেন ! তিনি যতদিন বেঁচে থাকেন, তাঁর কাছেই থাকব । এখানে এদের কাছে আব থাকতে পারছি না ।” অস্থিরভাবে মন্দিরা চলতে শুরু করল ।

সন্টু তার পাশে পাশে হাঁটতে লাগল । দুজনেরই লক্ষ্য গাড়ীর দিকে । এইবার ফিরতে হবে । সন্টু বললে, “তবু আপনাকে দেখে অনেক মেয়ের হিংসে হবে ।”

“হোক হিংসে । আমিও অনেক মেয়েকে হিংসে করি ।” স্পষ্টবাদিতায় মন্দিরার জুড়ি পাওয়া শক্ত ।

স্বতরাং সন্টুও প্রশ্ন করতে পারে, “আচ্ছা, আপনি কি-রকম ভাবে থাকতে চান, বলুন ।”

সে যা উত্তর দিল সন্টু তা আশা করেনি । মন্দিরা বলল, “আমি শান্তির সংসারে বাস করতে চাই । সংসারে অনেক লোক-জন থাকবে, আমি সকলের দেখাশোনা করব । আর থাকবে কুকুর, বেড়াল, পাখী । তাদের ভারও আমার ওপব । সারাদিন খেটে, সকলকে খাইয়ে-দাইয়ে ক্লান্ত শরীর নিয়ে বিছানায় শুয়েই ঘুমিয়ে পড়ব । কোনো কিছু ভাববার সময় পাব না, ভাবতে চাইবও না । বুঝলেন ?”

সন্টু উত্তর দিল না । গাড়ীর দরজা ধবে’ দাঁড়িয়ে দাঁড়িয়ে পাইপ টানতে লাগল । এইমাত্র একটি কুমারী মেয়ে তার মনের

যে গোপন ইচ্ছাটি আকাশে ছড়িয়ে দিল তার ভারে বাতাস যেন
মহুর হয়ে এসেছে। পাখীটা চিংকার থামিয়েছে। নিস্তরু
মাঠে সেই চলমান ট্রেনের চাকার মতই মন্দিরার কথাগুলো যেন
গম্গম্ করতে লাগল।

হঠাৎ কাঁধে একটা হাতের স্পর্শ পেয়ে সন্টু ফিরে দাঁড়িয়ে
দেখল মন্দিরা তার দিকে চেয়ে মিটমিট করে' হাসছে। তাবপরই
সে খিলখিল করে' হাসিতে লুটিয়ে পড়ল। হাসি থামলে সন্টুর
দিকে চেয়ে জিজ্ঞেস করল, “ভয় পেলেন নাকি?”

“ভরসাই বা কই!” সন্টু গাড়ীর দরজা খুলে দিয়ে বললে,
“আপনি যে একজন মেয়ে সেকথা মনে পড়িয়ে দিলেন।”

“মেয়েরা সব সময়েই মেয়ে। তাছাড়া তাবা আর কি হবে
বলুন?” মন্দিরা গাড়ীতে উঠে বসে' বলল।

সন্টু নিঃশব্দে গাড়ীতে বসে' ষ্টার্ট দিল।

সাধাবণত সন্টুর নিজের জীবনে সমস্যা খুব কম। তার দিনগুলি থাকত আকাশে পাখীর খোলা ডানার মত অব্যাহত এবং রৌদ্রে উদ্ভাসিত। একটি নিশ্চিত নিরাপত্তায় সে প্রায় সকলেরই ঈর্ষার বস্তু হয়ে দাঁড়িয়েছিল।

কিন্তু এই যে তার জীবনে সমস্যা নেই, এটা সন্টুর ভাল লাগত না। অবশ্য, সে ভেবে দেখত, অবশ্য তার জীবনে দুঃখ অনেকবার এসেছে, বিপদের সে অনেকবার সম্মুখীন হয়েছে। যেমন পাখীদের জীবনেও অনেক ঝড় বৃষ্টি আসে। কিন্তু কাঞ্চন-কৌলিণ্ডের প্রভাবে সূর্যালোকেব অভাব তার কখনই হয়নি।

অপবের জীবনে যে-সমস্যাব শ্রোত বয়ে চলত, নিরপেক্ষ দর্শকের 'মত সে বসে' বসে' তাই দেখত। যেন কোনো সিনেমা দেখছে, অথচ তার জন্ত টিকিট কাটতে হচ্ছেনা।

কিন্তু সর্বদা এই সিনেমা দেখা ভাল লাগে না। নিরপেক্ষ দর্শক হয়ে শুধু জীবনের পাশ কাটতে যাওয়া হয় মাত্র। আসলে আমবা গভীর অনুভূতির মধ্যে দিয়েই বাঁচি, সন্টু তার অধুনা তম ঔপন্যাসেব কোনো এক জায়গায় লিখেছিল, তার ভিতর দিয়েই আমাদের নিযুপ্ত শক্তিগুলি জেগে ওঠে, প্রত্যেকটি প্রথর মুহূর্ত সচেতন ভাবে এগিরে চলে মহাকালের দিকে, জীবন মুখর হয়ে ওঠে অস্তিত্বের মাদকতায়।

কিন্তু সম্প্রতি মন্দিবা কনকলতা সংক্রান্ত ঘটনাগুলি যে ঘটছে তাদের কি যে স্থান সন্টুর জীবনে তা বলা শক্ত। সন্টু এখানে নিরপেক্ষ দর্শকও নয়, আবার তার জীবনে তারা খুব বড় একটা

জায়গা জুড়েও বসেনি। সন্টু ড্রেনের কামরায় বসে' বসে' ঠিক করল কলকাতায় ফিরে হয় ওদের সমস্যাকে সমাধান করবার জন্যে সেটিকে নিজের সমস্যা করে' নেবে, ন্যত ওদেব সঙ্গে আর কোনো সম্পর্কই রাখবেনা। এই অকাবণ ও নিফল ব্যস্ততার কোনো মানে হয়না।

পশ্চিমের কোনো সহর থেকে সে ফিরছে দশদিন পরে। আশা করেছিল ফিরে এলে দেখবে সহরের আকাশ পরিষ্কার নীল। শীতের মধ্যাহ্নে আকাশ পরিপূর্ণভাবে নীল। মানুষের চলাফেরায় জীবনের ছন্দ, স্থলের মধ্যে ও দুঃখের মধ্যে দিয়েও। সেই চিৎ-প্রিয় সহরের রাস্তা—যার সঙ্গে তার জীবন বহুদিন ধবে' জড়িয়ে পড়েছে। সেই রাস্তায় বহু-পাখিকেব পদচিহ্ন, অনেক অকাবণ ব্যস্ততার সাক্ষর। তবু সেখানে আছে মানুষ, আর ওই জানলার ওপাশের মাঠে আর জঙ্গলে শুধু প্রকৃতি, যার মধ্যে শুধু নিয়মানুবর্তিতার নিশ্চিততা, চিৎচারিতভাবে জন্ম, বৃদ্ধি, কুসুমিত বা ফলবান হওয়া ও মৃত্যু। মানুষেরই শুধু আছে ভয়াবহ অনিশ্চয়তা।

সন্টু জান্নাটা ভাল করে' খুলে দিল। হু-হু করে' শীতের হাওয়া তার মুখে-চোখে এসে লাগল। সে শালটা ভাল করে' গায়ে জড়িয়ে নিয়ে আবানের সঙ্গে চুকট টানতে লাগল। কামরায় ওদিককার সিটে আর একজন মাত্র লোক বসে' আছেন, তাই রক্ষা। খোলসের মধ্যে হাত-পা গুটিয়ে কচ্ছপের মত আত্মরক্ষা করতেই ত সকলে শিখেছে। শীতের হাওয়ার আপত্তি

হওয়ারই কথা। সন্টুর হাওয়া খাওয়ার অধিকার কোথায়!

“আত্মরক্ষাও হয়না, বাঁচাও হয়না।” সন্টু মৃদু হেসে ভাবল।

কিন্তু বাঁচা হয় অথচ আত্মরক্ষা যদি না হয়? তাহলে লাভ না ক্ষতি? সন্টু ভাবতে লাগল। এই যে মন্দিরা প্রচুরভাবে, পরিপূর্ণভাবে বাঁচতে চায়, সহরের ধূলিধূসব ধূমকাতর পথে পথে এই যে সে চালাতে চায় তাব যৌবনের অভিযান, এতে বিপদ নিশ্চয়ই আছে। কিন্তু তবু সে বাঁচছে ত! অবশ্য তার যা স্বপ্ন তার ছায়া মাত্রও সে ধরতে পাবেনি। এবং এই নিষ্ফলতাই তাকে উদ্যম কবেছে। তবু এই নিদ্রোহ, এ ত জীবনেরই দান। এর জন্মে যদি বিপদ আসে তাও সহ্যেতে হবে বইকি। শুধু প্রয়োজন নিজেকে সস্তা আর সুলভ না করা! ভাগ্যের বিপক্ষে যে দাঁড়াতে চায়, তাকে বড় হতে হবে, শক্তিশালী হতে হবে। নিজের মহত্বে তাব বিশ্বাস থাকা চাই।

সন্টু আধুনিকতম ইউরোপের একটা উপন্যাস টেনে নিয়ে বসল। কলকাতা পৌঁছাতে এখনও অনেক দেরী। এবং বই না খুললে চিন্তার হাত থেকে পরিত্রাণ কোথায়!

সকাল হতেই বাথরুমে ঢুকে সন্টু প্রাতঃকালীন আত্ম-সৌষ্টবেব করণীয় কাজগুলি সেবে নিয়ে পোষাক পরিবর্তন করে নিল। হাওড়ায় নেমে স্ট্রটকেস্ ও বিছানা গাড়ীতে তুলে দিয়ে তার গাড়ীর চালককে বলল, “তুমি এগুলো নিয়ে বাড়ী যাও, আমি কেলনারে চা খেয়ে, লুইলারে বই দেখে একটু পরে ফিরছি। কিছু খবর আছে?”

“আজ্ঞে হ্যাঁ, নৃপতিবাবু বড মেয়ে একদিন আর মেজ মেয়ে একদিন আপনার সন্ধান নিতে এসেছিলেন।”

“আচ্ছা, তুমি তাহলে ওদের বাড়ীতে একটু খবর নিয়ে যান, কোনো বিশেষ দবকার আছে কি না। বলা, আমি পরে দেখা করব।”

“আপনার দেখা না পেয়ে ওঁরা আমার একবার যেতে বলে’ গেছিলেন।” সে বলল।

“তারপর? গেছে নাকি?” সন্টু বুঝল ওদের ঘটনা-বহুল জীবনে আবার কিছু ঘটেছে।

“আজ্ঞে, হ্যাঁ, গেছলাম। দুই বোনে নাকি খুব ঝগড়া হয়েছে আব তাই নিয়ে কর্তা-গিন্নীতেও। ওদের বাড়ীতে আজ চারদিন উল্লে হাঁড়ি চাপেনি।”

“বল কি!” সন্টু উৎকণ্ঠিত হইল, “ওরা সব খাচ্ছে কোথায়?”

“গিন্নী আর মেজ মেয়ে খাচ্ছেন গিন্নীর বোনের বাড়ী। বাকী কজনদের ভাত হোটেল থেকে আসে।”

“তারপর, আব কিছু খবর আছে?”

“আমায় নৃপতিবাবু ডেকে বললেন, ‘উপেন, তোমায় দেখতে পাই তোমার দাদাবাবু খুব বিশ্বাস করেন, তাই তোমায় বলতে বাধা নেই, কি করি বলত? তুমি আমার দুই মেয়েকে একটু বুঝিয়ে বলতে পার? আমার কথা ওরা শুনবে না, যদি সন্টু-বাবু খাতিরে তোমার কথা শোনে।’

“তুমি কি ক’লে?” সন্টু কৌতুক অনুভব করছে।



“উনি ও রকম ভাবে বলাতে আমি মন্দিরা দেবীর সঙ্গে দেখা করে’ নৃপতিবাবুর নাম করে’ অনুরোধ করলাম মিটমাট করে’ নেবার জন্যে। তিনি বললেন যে তিনি আর ওঁদের সঙ্গে এক বাড়ীতে থাকতে রাজী নন।”

“আর কনকলতা ?”

“তাঁর সঙ্গেও দেখা করেছিলাম। তিনি বললেন, তিনি আর তাঁর মেজ বোনের মুখ দেখতে চান না।”

“ফ্যাসাদ।” সন্টু বললে।

“আজ্ঞে হ্যাঁ, আগে ওঁদের বাড়ীতে থাকত এমন একটি ছেলের সঙ্গে মন্দিরার খুব মাথামাথি করা নাকি কনকলতা দেখতে পেয়েছিলেন, তাই নিয়েই এত কাণ্ড।” উপেন বলল।

“আচ্ছা, তুমি যাও, এসব বিষয়ে আমি পরে ভেবে দেখব।” সন্টু ষ্টেশনের ভিতরে যাবার জন্তে পা বাড়াল।

“আর একটা দরকারী কথা আছে।” উপেন তাড়াতাড়ি বললে।

“আবার কি ? ওঁদেরই কথা নাকি ?” সন্টু দাঁড়িয়ে পড়ল।

“কনকলতা দেবী আমাকে একটা চিঠি দিয়েছিলেন এক-জনকে দেবার জন্তে। এই গোলমালের সময়েই চিঠি, তাই আপনাকে না জিজ্ঞেস করে’ দেওয়া ঠিক মনে করিনি। কি জানি, মাঝখান থেকে আমি না কোনো হাঙ্গামায় জড়িয়ে পড়ি !”

“আচ্ছা, এখন চিঠিটা আনিয়ে দাও, দিতে হয় পরে দেবার জায়গায় দেবে।” চিঠিটা পকেটে নিয়ে সন্টু কেলনারের চায়ের

আড্ডায় গিয়ে ঢুকল। প্রথমে চায়েব দাবী মেটাতে হবে।

চায়ের কাপে তৃতীয় চুমুক দিয়ে সন্টু পকেট থেকে চিঠিটা বের করল। খামের ওপবে সেই মিত্র কোম্পানীর মিত্র ভদ্রলোকের নাম লেখা রয়েছে। ৳ঃ, এই বাপার! সন্টু হাসল। কিন্তু চিঠিটা ঠিক জায়গায় পৌঁছে দেওয়া ঠিক হবে কিনা কে জানে! উপেন ঠিকই বলেছে, এই গোলমালের সময় কথাটা ভাল করে' ভেবে দেখার দরকার। সে-ভদ্রলোক আবার পটাসিয়াম সায়ানাইড সরবরাহ করেন। চিঠিটা খুলে দেখলে নিশ্চিত হওয়া যায়। কিন্তু তার অধিকার কোথায়?

কিন্তু অধিকার কি একেবারে নেই? সন্টু ভাবতে লাগল। নৃপতিবাবু এবং তাঁর মেয়েরা তাদের জীবনের সমস্যা সম্পর্কে সব কথা যখন গোলাখুলিভাবে তার সঙ্গে আলোচনা করেন এবং তাঁর সাহায্য ও পরামর্শ চান, এমনকি নৃপতিবাবু অনুপস্থিতিতে মেয়েদের ভার নেবার জগ্গেও যখন তিনি তাকে অনুরোধ করেছেন, এবং তার ওপর সেদিন রাতে মন্দিরার কাছে কনকলতা ও এই মিত্র সপক্ষে সেই সব কথা শোনার পর ওদের পরিবারেব এই উপদ্রবময় পরিস্থিতিতে সন্টুর উচিত চিঠিটা খুলে দেখা।

সন্টু আর দ্বিধা না করে' চিঠিটা খুলে পড়ল। এবং পড়ে' স্তম্ভিত হয়ে গেল।

কিছুদিন আগে কনকলতা সন্টুকে বলেছিল, “আপনি শাস্তিনিকেতনের প্রতিষ্ঠা-দিবস উৎসবে গেছেন?”

সন্টু জানিয়েছিল যে সে যায়নি।

“তাহলে এবার চলুন না, সকলে একসঙ্গে যাই। ভারী ভাল লাগবে। শুনেছি এসময় ওখানে খুব উৎসব হয়।” কনকলতা প্রচুর উৎসাহের সঙ্গে বলেছিল।

“বেশ ত,” সন্টু বলেছিল, “কিন্তু সবাই মানে?”

“এই আপনি, আমি আর দিরা।” তারপর তাড়াতাড়ি যোগ করেছিল, “বাবা রাজী হবেন, সে-ভার আমার। আব মা’র মত দিরা অনায়াসে করাতে পারবে।”

মত না হয় হ’ল, কিন্তু এ কি উদ্ভট কথা! সন্টু আশ্চর্য হয়ে ভেবেছিল, দুটি বয়স্কা কুমারী মেয়ে নতুন পবিচিত এক যুবকের সঙ্গে বাইবে কয়েক দিনের জন্মে বেড়াতে যাবে, আর বাপ-মা তাতে অনায়াসে মত দিয়ে দেবেন! সন্টুকে না হয় ওরা ভদ্রলোক বলে’ বুঝতে পেবেছেন, কিন্তু পাঁচজনের মুখ চাপা দেবেন কি করে? না, এতটা বাড়াবাড়ি ঠিক নয়। এ যদি সন্টু না হয়ে আর কেউ হ’ত। সে যে এই বিশ্বাসের দায়িত্ব মেনে চলত তার কি মানে আছে! এতটা প্রশ্ন দেওয়া নৃপতি-বাবু ঠিক হচ্ছে না।

তবু সে বলেছিল, “আচ্ছা, সময় ত আসুক। যদি আমার দিক থেকে বিশেষ কোনো বাধা না আসে ত যাওয়া যাবে।”

আর এই চিঠিতে কনকলতা মিত্রকে একস্থানে জানাচ্ছে, ‘বোলপুরে যাওয়া প্রায় ঠিক। তুমিও তৈরী হয়ে নিচ্ছ ত? সেখানে আমাদের মেলামেশার ও কথাবার্তার অনেক সুযোগ

থাকবে। তুমি আমায় বলেছিলে ব'লেই আমি যাচ্ছি। কিন্তু তুমি শেষ পর্যন্ত পেছিরে না যেন।'

সন্টু পেয়ালার বাকী চা-টুকু খেতে ভুলে গিয়ে আড়ষ্ট হয়ে বসে' রইল। তাহ'লে শান্তিনিকেতনের উৎসবে যোগ দেবার মানে এই! সন্টুকে কনকলতা কাজে লাগাচ্ছে! সন্টুর পরপ্রিয়চিকীর্ষাকে।

অবশ্য, সন্টু মানতে রাজী, প্রচলিত বাক্য আছে যে যুদ্ধ এবং প্রেম সংক্রান্ত ব্যাপাবে কোনো কিছুই অগ্রায় নয়। এবং একটু লুকোচুরি প্রেমের মধ্যে থাকা চাই-ই। কিন্তু এই একজনকে হাতে রেখে আর একজনকে নিয়ে খেলবার মানে সন্টু বুঝতে পারে না।

যাক, যা খুসী করুক গে। নিজের বিপদের কথা ভাববার যথেষ্ট বয়েস হয়েছে। সন্টুর এতে কিছু যায় আসে না। কারণ সন্টু তার লাভার নয়। কিন্তু, পকেট থেকে পাইপ আর পাউচ বের করে সন্টু ভাবল, সন্টুর সহৃদয়তাকে এভাবে কাজে লাগানো ভারী অগ্রায়। সন্টু এতে রাজী নয়।

ছপুৱে তোফা আৰামে একটা লম্বা ঘুম দিয়ে তাজা শৰীৰ
এবং ভাৰী মাথা নিয়ে উঠে সন্টু চায়েৰ তাড়া দিল। ভাবল
অবিলম্বে বেরিয়ে কনকলতাৰ সঙ্গ একটা বোঝাপড়ার দরকার।
ও যখন বেশ পরিবর্তনে ব্যস্ত তখন পুৰন্দর হাজির।

বসবার তর সয় না, বললে, “এ-যুগে ভাই কাউকেই বিশ্বাস
করা যায় না।”

এত বড় একটা নিভুল সত্য উচ্চারণ করে’ সে ঘরময় ঘুরতে
লাগল।

“বস, চা আসছে।” সন্টু বললে।

“না ভাই, বসব না, একটু কাজে এদিকে এসেছিলাম,
এখনি যেতে হবে।” বলে’ চেপে বসল।

“এত বড় একজন কাজের লোক হয়ে তুমি কি এতদিনে এই
সত্যটি আবিষ্কার করলে? কিন্তু ব্যাপারটা কি?” সন্টু হাসতে
লাগল। বলল, “চা ত খাবে। ওই সময়টির মধ্যে কিছু
আলোকপাত কর।”

“মেয়েগুলোকে ভাল ব’লেই জানতাম। এখন আমি শুদ্ধ
জড়িয়ে পড়লাম।” পুৰন্দরের মুখ দেখে করুণা হয়।

“মেয়ে-ঘটিত ব্যাপারে তুমি যে একদিন জড়িয়ে পড়বে
এ তোমার সঙ্গ যাদের আলাপ আছে তারা সকলেই জানত।”
সন্টু শালটার যথাযথ বিজ্ঞাস করতে করতে বলল।

“না, না, তুমি যা ভাবছ তা নয়।” পুৰন্দর তাড়াতাড়ি
বললে, “ব্যাপার কি জান, কনকলতাকে একটা স্কুলে চাকরী

জোগাড় করে' দিয়েছিলাম । ওদেব অবস্থা তেমন সুবিধের নয় কিনা ।”

“খুব ভাল কাজ করেছিলে, পরোপকারের মত পুণ্য আর নেই, আর এতে তোমার যথেষ্ট খ্যাতি আছে, বিশেষ করে' যদি কোনো মেয়ে... ..,” সন্টু চেয়াবে বসল, “কিন্তু তাতে বিপদ কি হল ?”

“শুনেছিলাম কলেজে পড়ছে এবং সে-খবর নিয়ে তবে স্কুলে পড়াবার ব্যবস্থা করেছি ।” পুরন্দর বললে, “কিন্তু এখন শুনছি সে নাকি ম্যাট্রিকও পাশ করেনি । এখন স্কুলের কতৃপক্ষ সেকথা জানতে পারলে আমার কি বিপদ বল ত ? এখন করা যায় কি ?”

চাকর চা ও টোস্ট নিয়ে ঘরে ঢুকল ।

“নিদারুণ সমস্যা ।” সন্টু চায়ে চুমুক দিয়ে বললে ।

“যত সব বজ্জাত মেয়ে !” পুরন্দর প্রবলভাবে টোস্ট খেতে লাগল ।

“একি পুরন্দর !” সন্টু বিস্মিত কণ্ঠে বললে, “মেয়েদের সম্পর্কে শেষকালে তুমি এই ধবণের ভাষা ব্যবহার করছ !” মনে হল' পুরন্দরের এই চারিত্রিক পতনে সন্টু রীতিমত ক্ষুণ্ণ হয়েছে ।

“করব না !” পুরন্দরের কণ্ঠস্বব তীক্ষ্ণ, “আমি সরকারী চাকরী করি, এই সব জাল-জোচ্চুরীর মধ্যে আমাকে জড়ানো কেন ? অবস্থা খারাপ দেখে উপকার করতে গিয়ে আমি কি

এমন অন্ডায় কাজ কবেছি যে সে আমায় এমন বিপদে ফেলবে ?”

মনে হল পুরন্দর অতান্ত ক্ষুব্ধ হয়েছে ।

“কিন্তু কলেজে ঢুকল কি করে?” সন্টু জিজ্ঞেস করল,
“ম্যাট্রিক পাশ করার সার্টিফিকেট কোথা থেকে পেল ?”

“তা কি আমায় বলেছে ? খুব সম্ভব ঐ নামে কোনো মেয়ে পাশ কবেছিল, গেজেট দেখিয়ে, কোনো লোকের ভিতর দিয়ে ঢুকেছে এবং বলেছে পরে সার্টিফিকেট দেখাবে । সেই ভদ্র-লোককেও ডোবাবে । এ-সব মেয়েব পাল্লায় যারা পড়ে.....”

“কিন্তু মেয়েরা কি এমন মন্দ হতে পারে ?” সন্টু মূহূ হেসে জিজ্ঞেস করল ।

“একশ বার পারে ।” পুরন্দর প্রায় চোঁচয়ে উঠল, “জান ভাই, মেয়েরা যখন মন্দ হয় তখন তাদের জুড়ি মেলা ভার । এ আমি খুব ভাল ক’রেই জানি ।”

“চা খাও, জুড়িয়ে গেল যে ।” সন্টু মনে করিয়ে দিল ।

“তুমি ত দিবি আরামে ‘চা খাও’ বললে ।” পুরন্দর ক্ষুব্ধকণ্ঠে বললে, “এদিকে আমার চাকরী নিয়ে টানাটানি পড়বে যে ।”

“ও আর কি !” সন্টু তাচ্ছিল্যের কণ্ঠে বললে, “যদি হাঙ্গামা হয়, তোমাদের বড় কর্তাকে বুঝিয়ে দিও যে ওটা ইউরোপীয় মনোবৃত্তি ।”

“ওকে ইউরোপীয় মনোবৃত্তি বলে না !”

বলেনা-ই ত ।”

“তবে ?”

তুমিই ত বলেছিলে মেয়েদের স্বাধীনতা দেখলেই তুমি তাই ভাব। কিন্তু সমস্ত উজ্জল জিনিষই যে সোনা নয় এই সহজ সত্যটি মেয়েদের সম্পর্কে তুমি কখন বুঝবে জান ?” সন্টু চা শেষ করে’ কাপটা নামিয়ে রেখে জিজ্ঞেস করল।

“না।”

“যখন মেয়ে দেখলেই লাফিয়ে তার সঙ্গে আলাপ করতে আর মিশতে যাবে না।” সন্টু পাইপ ধরাল।

“কিন্তু আপাতত কি কবা যায় ?” পুরন্দর জিজ্ঞেস করল।

“বেরুনো যাক।” সন্টু দাঁড়িয়ে উঠে বললে, “রাস্তার হাওয়ায় মাথা খুলে যাবে ; এবং তারপর এ-প্রশ্নটা নাহয় কনকলতাকেই গিয়ে জিজ্ঞেস করা যাবে। কি বল ?”

পুরন্দর উঠল। বললে, “যত সব.....!”

“এ-সবের জন্মে দায়ী কে জান ?” সন্টু জিজ্ঞেস করল।

“কি-সবের জন্মে ?” পুরন্দর অন্তমনস্ক।

“এই যে এ-যুগেব ছেলে মেয়েরা সব বিকৃত হয়ে যাচ্ছে, এর জন্মে।”

“কারা দায়ী আবার ? ছেলে-মেয়েরা নিজেরাই,” পুরন্দর প্রায় রুগ্ন কণ্ঠে বললে, “যত সব বজ্জাত.....”

“না।” সন্টু ব কণ্ঠস্বর দৃঢ়, “দোষ তাদেরও কিছু আছে স্বীকার করি। কার না দোষ থাকে ! কিন্তু দায়ী তারা নয়। দায়ী দেশের.....”

“আর্থিক এবং অর্থনৈতিক দুর্দশা।” পুরন্দর সাজেষ্ঠ করল।

“আর এই অর্থনৈতিক দুর্দশার জন্তে?” সন্টুর কণ্ঠস্বরে
শ্লেষ।

“ছেলে মেয়েরা নিজেরাই,” পুরন্দর বললে, “যত সব হত-
ভাগা, অলস.....”

“না,” সন্টু প্রবল কণ্ঠে বললে, “এ-সবকিছুব জন্তে দায়ী
এযুগের বাপেরা।”

“দেখ, সব দোষ বেচারী বাপেদের ওপর চাপিও না,
অনেক কষ্টে, অনেক হাঙ্গামা সহ করে’ তাঁরা ছেলেমেয়েদেব
মানুষ করেন।”

“এবং,” সন্টু পাইপটা পকেট থেকে বের করল, “এবং অনেক
কষ্ট ও হাঙ্গামা সহ করে’ তারা রাশিরাশি ছেলেমেয়ের জন্ম-
দেন। কি বল? ভাল খাওয়া-পড়া দিয়ে তাদের স্বাস্থ্য বজায়
রাখতে এবং ভাল শিক্ষা দিতে পারুন আর নাই পারুন কিছু যায়
আসে না, কি বল?”

পুরন্দর কিছুক্ষণ চুপ করে’ রইল। গাড়ী ছুটে চলেছে।
সকালের বাতাসে একটি সজীব উৎফুল্লতা।

“শিক্ষার কথা বুঝবে বিশ্ববিদ্যালয়।” সে বলল।

“আমি শুধু সে-শিক্ষাব কথা বলছি না।” সন্টু পাইপে তামাক
ভরতে লাগল, “জীবনের সব ক্ষেত্রে রোজ আমরা যে-শিক্ষা পাই
তার কথাই বলছি। সে-শিক্ষা দেবার মত শিক্ষা, অবসর বা
ইচ্ছে বাপেদের নেই। সে দায়িত্বজ্ঞানও নেই। তা থাকলে
প্রত্যেক ছেলে বা মেয়ের জন্ম দেবার আগে তার জন্তে কিছু টাকা

আলাদা করে' রাখত । যেমন ইউরোপীয়ানরা করে' থাকে ।
 আব ছেলেরা কিছু বড় হ'লেই তারা তাদের জীবনযাত্রার
 শুরুতে পাথের পেত , মেঘেদের ভাল বিয়ের জন্মেও ভাবতে-
 হ'ত না । ছেলেবা কেরানী-গিবির চেষ্টা না করে' ব্যবসার পথে
 যেতে পারত, এম-এ আর বি-এল -এ দেশ ছেয়ে যেত না । শুধু ত
 তাই নয় । স্বশিক্ষা ত নেই, কুশিক্ষা আছে । মানুষের গভে'
 দলে দলে জন্তু-জানোয়ার জন্ম নিচ্ছে, আর মানুষ জন্মেও জন্তু
 হয়ে যাচ্ছে ।”

একটু ভেবে পুরন্দর বললে, “ঠিক কথাই বলেছ । কিন্তু
 উপায় কি ?”

“উপায় কিছু নেই ।” সন্টু পকেটে পাউচ রেখে দেশলাই
 বের করল, “একটি মেয়েব যদি বছর বছর ছেলে-মেয়ে হয়
 তাহ'লে সে তাদের গড়ে' তোলাবার সময় আর ক্ষমতা পায় কোথা
 থেকে ! দেশে আইন হওয়া দবকার এইসব জানোয়ার বাপদের
 সায়েস্তা করবাব জন্মে ।” এইবাব সন্টু পাইপ ধবাল । “প্রত্যেক
 ছেলে বা মেয়ের মধ্যে যদি তিন বছরের ব্যবধান না থাকে
 তাহ'লে তিন বছর জেল ।”

দুজনেই উচ্চকণ্ঠে হেসে উঠল ।

“পুরন্-দা, শুনছেন, পুবন্-দা ।” কোথা থেকে কে যেন
 চিৎকার করছে । সন্টু গাড়ী থামাতে বলল । ভদ্রলোক
 কাছে এলে দেখা গেল থানার দ্বিতীয় অফিসার চক্রবর্তী ।

“কি খবর ভাই ? চেঁচাচ্ছিলে কেন ?” পুরন্দর জিজ্ঞেস করল ।

“খবর আছে।” সে বলল।

“তাহলে গাড়ীতে উঠে আসুন।” সন্টু বললে।

“কাল রাত বারোটোর সময় কনকলতা বলে’ একটি মেয়েকে খানায় ধরে’ আনা হয়েছিল। চক্রবর্তী সামনের সিটে বসে’ বললে।

“বল কি!” পুরন্দর স্তম্ভিত হ’ল, “কি করেছে?”

“চুরি।”

“চুরি! কি চুরি?” সন্টু পাইপ টানতে ভুলে গেল।

“এক ভদ্রলোক এসে নালিশ করলেন যে তাঁর স্ত্রীর নেকলেশ চুরি করেছে। মেয়েটি নাকি তাঁর স্ত্রী বন্ধু। ঘরে কনকলতাকে বসিয়ে রেখে তাঁর স্ত্রী কাপড় কাচতে গেছিলেন। ফিরে এসে দেখেন মেয়েটিও নেই, টেবুলের ওপর খুলে-রাখা নেকলেশটিও নেই।”

“কনকলতা কি বললে? জামিন হয়েছে?” পুরন্দর রুদ্ধ নিশ্বাসে জিজ্ঞেস করল।

“কনকলতা বললে তার বন্ধু ওটা নাকি তাকে উপহার দিয়েছিল। রাত একটায় জামিনে ছাড়া পেয়েছে।” চক্রবর্তী জানাল।

“সেই ভদ্রলোকের স্ত্রী কি বলেন?” পুরন্দরের ঔৎসুক্য দেখে সন্টু হাসল।

“তার কথা এখনো শোনা হয়নি।”

“তাহ’লে হয়ত কনকলতার কথা সত্যিও হতে পারে।”

পূরন্দর যেন একটু আশার আলো দেখতে পেল ।

“তাহলে আমিও খুসী হই ।” চক্রবর্তী বলল, “কারণ শুনলাম মেয়েটি আপনার পরিচিত ।”

“কি করে’ শুনলে, কার কাছে শুনলে?” পূরন্দর ব্যস্ত হয়ে উঠল ।

“মেয়েটি কাল রাত্রে বলেছিল । সে নাকি বেথুনের ছাত্রী, আপনিই নাকি তাকে কোন মেয়ে-স্কুলে চাকরী করে’ দিয়েছেন ।” চক্রবর্তী হাসি সামলাল ।

“দেখেছ, দেখেছ,” পূরন্দর শুষ্ক মুখে বললে, “আমাকে ডোলাবে দেখছি, যত সব বজ্জাত মেয়ে ! বুঝেছ সন্টু, আমার অবস্থা কতদূর সঙ্গীন ।”

“বীরপুরুষ হয়ে মেয়েজাতিকে বেপরোয়া সাহায্য করতে যাবার আগে এইসব হাজামাব কথা ভাবা উচিত ছিল ।” সন্টু পাইপে আগুণ দিল ।

“কিন্তু ভুলে যাচ্ছেন, সার,” চক্রবর্তী হাসতে হাসতে বললে, “প্রতি পাড়ায় কতকগুলি করে’ বোন, বৌদি, ভাইঝি, আর মাসিমা থাকলে চাকরীতে বেশী মাইনে না পেলেও চলে, দুবেলা নিমন্ত্রণের ঘটনা সামলান দায় ।”

“ও-সব নিমন্ত্রণ আবার সব সময় হজম করা শক্ত,” সন্টু পাইপে টান দিল, “এই পূরন্দরকেই দেখুন না ।”

“আমাকে বাড়ীতে নামিয়ে দাও ভাই, একটু পরেই স্নানাহার সেরে বেরুতে হবে ।” পূরন্দর বিরস কণ্ঠে বললে ।

থানার কাছেই পুবন্দরের বাসা। ওদের দুজনকে সেখানে নামিয়ে দিয়ে সন্টু চোরিঙ্গীর পথ ধরল। মনটা মুষড়ে পড়েছে, একটু চাঙ্গা করে' নিতে হবে। এবং সন্টুর মতে বই-এর দোকানের চেয়ে মনকে চাঙ্গা করবার শ্রেষ্ঠতর উপায় আর নেই। নুপতিবাবুদের বাড়ী যেতে রুচি হ'ল না।

দুপুরটা বিশ্বাদ, বিরস। সদ্য-কিনে-আনা ঝকঝকে বই-এর ঝকমকে ভাব-ভঙ্গীতেও মন বসল না। বিকেলটা কাটল একটা নৈব্যক্তিক অস্থিস্থিতে। মনের দিগন্ত গ্লানিতে মলিন হয়ে রইল।

কনকলতাকে অতটা হীন সে কখনো কল্পনা করেনি। তার কথায় বার্তায় ব্যবহারে রুচির একটা সুসঙ্গতি সে লক্ষ্য করেছিল। তাই সেরাত্রে মন্দিরার কথায় পুরোপুরি বিশ্বাস করতে পারেনি। কিন্তু মন্দিরাও কনকলতাব এতটা চাবিত্রিক অধঃপতনের কথা বলেনি। একাধিক বিবাহযোগ্য ছেলের মাঝখানে ঘড়ির দোলক-যন্ত্রের মত দোলা যে-কোনো মেয়ের পক্ষে সম্ভব, এটা সন্টু বুঝতে পারে। সন্টু হাসল। এ-দুর্বলতা প্রায় সকলের মধ্যেই আছে। কিন্তু চুরি, জুয়াচুরি ও ধাঙ্গাবাজি হীন ও বিকৃত চরিত্রেরই পবিচয় দেয়। এই মেয়েটির সঙ্গেই যে সে মিশেছে, কথা করেছে এবং এই কিছুদিন আগেই নিজের বাড়ীতে অভ্যর্থনা করে' বসিয়ে কফি খাইয়েছে, মোটরে নিয়ে পিকনিক করতে গেছে একথা ভাবতেই তার শরীর শিরুশিরু

করে' উঠল। সন্টুব মনে হ'ল যেন এখনো সে একটা কদর্য্য বিষাক্ত আবহাওয়ার মধ্যে বাস করছে। তার যেন দম বন্ধ হয়ে আসতে লাগল।

বৃথাই মন্দিরাকে দোষ দেওয়া। সন্টু ঘরময় পায়চারি করতে লাগল। এ-ধরণের মেয়েব পক্ষে বোনের নামে বদনাম দিয়ে বাপকে বোনের বিপক্ষে দাঁড় করানো এমন কিছু আশ্চর্য্যের কথা নয়। এই বিরুদ্ধ আবহাওয়ায় পড়ে' মন্দিরার মত একটি মেয়ের যে অশেষ দুর্গতি হচ্ছে, তার মধ্যে যে-কতকগুলি চমৎকার বৃত্তি আছে তারা যে স্ফুর্তি পাচ্ছে না, একথা ভাবতে সন্টুর কষ্ট হ'তে লাগল। অনুকূল অবস্থায় পড়লে মন্দিরার মত একটি মেয়ে দুর্লভ চরিত্র-সম্পদের অধিকারিণী হয়ে ওঠে।

কিন্তু কোথায় সেই অনুকূল অবস্থা! সন্টু নিবে-যাওয়া পাইপটা আবার ধরাল। দারিদ্র্যের অসহায়তা নৃপতিবাবুকে মেরুদণ্ডহীন করে' তুলেছে, মন্দিরার জীবনকে ব্যর্থ করে' দিচ্ছে। শীতসন্ধ্যার শ্বাসরুদ্ধকর ধোঁয়াব মতই এই দরিদ্রতা। এই অনতিক্রম্য অভাব মনুষ্যত্বের মজ্জায় মজ্জায় ঘুণ ধরিয়ে দেয়।

নৃপতিবাবু ওদেব খেতে দিতে পারেন না। একটা ভাল শাড়ী কিনে দেবার সামর্থ্য তাঁর নেই। বড় মেয়ে রোজগার করে' আনছে, সংসাব চলে' যাচ্ছে। কেমন করে' রোজগার করে' আনছে তা দেখতে যাওয়ার বিপদ আছে। উপবাস করে' থাকার কল্পনাও ভয়ঙ্কর। আর সেইজন্মে বড় মেয়ের কথামতও অনেক সময় চলতে হয়। ডুবে ডুবে জল খাবার কেরামতি কনকলতাকে

অনেক চেষ্টা করেই হয়ত আয়ত্ত্ব করতে হয়েছে। অথচ, সন্টু আরাম চেয়ারটায় গা ঢেলে দিয়ে ভাবল, অথচ ইচ্ছে থাকলে ভাল ভাবেও কনকলতা অর্থ উপার্জন করতে পারত। কারণ, সন্টু গোড়া থেকেই লক্ষ্য করেছে কনকলতা। সব সময়েই সোয়েটার বুনছে। সেগুলি খুব সম্ভব সেই সব তথাকথিত বন্ধু বান্ধবদের জন্মেই। তাদের হাতে রাখবার ঘুষ। অথচ নিয়মিত সোয়েটার তৈরী করে' বড দোকানে বিক্রী করলে তার পরিবর্তে টাকা পাওয়া যায়। এ-উপার্জন কতটা মযাদাব! সন্টু নিঃশ্বাস ছেড়ে' ভাবল। তা ছাড়া স্কুলে পড়ান ত ছিলই।

তবু কেন এই শীনতা! এই লুকোচুরির জীবনে কি সুখ! প্রতিদান কি এমন সে পায়। তবু যদি প্রচুর অর্থ আনতে পারত তাহলে কথা ছিল। অগ্রায়ের পথ অত্যন্ত পিচ্ছিল, অত্যন্ত সহজগম্য। এই দৃষ্টান্ত সামনে থাকলে মন্দিবার মনও যে ক্রমে বিকৃত হয়ে যাবে এ আবার বিচিত্র কি! সন্টু বিছানায় শরীর এলিয়ে দিয়ে ভাবল।

রাত্রির অন্ধকার নেমে এসেছে। সেই চিরন্তন অন্ধকার যা অনেক সময় আবেগে স্পন্দিত হয়ে ওঠে এবং অনেক সময় নৈরাশ্যে অতলস্পর্শী! যার প্রতিটি রন্ধ্রে অজস্র স্বপ্ন, আবার হয়ত মৃত্যুর বিভীষিকা। সন্টু কেঁপে উঠল। মানুষের সমস্ত স্বপ্ন, সমস্ত চেষ্টা গিয়ে মৃত্যুতে ঠেকে যায়। তাবপর এই অন্ধকার। এই নরম কালো অন্ধকার। সন্টু অসীম ক্লান্তিতে চোখ বুজল। অথচ কনকলতার মত কয়েকজন শুধু বেঁচে

থাকবার জন্মে জীবনেও এই অন্ধকারকে ডেকে আনছে !

নিচে থেকে প্রবল উচ্চ কণ্ঠস্বর শোনা গেল । অর্থাৎ পুরন্দর এসেছে । আবার পুরন্দর এসেছে ! তার মানেই ব্যাপারটা ঘোরালো হয়ে দাঁড়াচ্ছে । নইলে একদিনেই এত ঘনঘন আসা পুরন্দরের মত আড্ডাবাজ লোকের কাছ থেকে কি করে' আশা করা যেতে পারে ! সন্টু উটে আলো জ্বালল এবং চাকরকে ডেকে পুরন্দরকে উপরে আনতে বলল ।

পুরন্দর ঘরে ঢুকেই বলল, “তাড়াতাড়ি জামাটা গায়ে দাও, এখনি বেরুতে হবে ।”

“চল যাচ্ছি, বেশত একটু ধূরে আসা যাক ।” সন্টু হাই তুলে বলল, “এসেচ, ভালই হয়েছে । ভারী বিত্ৰী লাগছিল । কিন্তু এত তাড়া কিসের ! বস, আগে চা যাওয়া যাক । শরীর আর মন ম্যাজ্‌ম্যাজ্‌ করছে ।”

“চা পবে খেও ।” পুরন্দর একটা চেয়ারে বসে' পড়ে' বলল, “ধূরে আসার কথা কি বলছ ? এখন কনকলতাদের বাড়ী যেতে হবে ।”

“এত রাত্রে !” সন্টু আবার হাই তুলল, “কাল সকালে যাওয়া যাবে । আর কি বা হবে গিয়ে !”

“না, না ভাই, চল যাওয়া যাক ।” পুরন্দর দাঁড়িয়ে উঠল, “এখনি যেতে হবে । বিশেষ দরকার । আমার এক বন্ধুকে কনকলতা ডেকে পাঠিয়েছিল ঐ চুবিব বিষয় পরামর্শ করবার জন্মে । সে এখনো ফেরেনি । আমার একটা দায়িত্ব আছে ত ।

আমিই আলাপ করিয়ে দিয়েছিলাম। আর সে একজন গভর্ণ-
মেন্টের বড় কর্মচারী। কেলেঙ্কারী হলে আমার চাকরী যেতে
পারে।”

সন্টু হাসল। বললে, “একটু বস, আমি তৈরী হয়ে
নিচ্ছি।” এবং তারপর পাশের ঘরে চলে গেল!

তারা যখন রাস্তায় বেরুল তখন বাত সাড়ে দশটা।

রাস্তায় দুজনে পাশাপাশি হাঁটছে। শীতের কনকনে হাওয়া।
সন্টু ভাল করে গলায় ব্যাপাবটা জড়িয়ে নিল। পাইপে একটা
লম্বা টান দিয়ে বলল, “একটু অপেক্ষা করলে ভাল করতে, উপেন
কাজ সেবে গাড়ী নিয়ে এখনি এসে পড়ত।”

“ঈশ্বরের দেওয়া পাছুটো একটু ব্যবহার কর না ভাই।” পুবন্দর
গতি বাড়িয়ে দিয়ে বলল, “ও-বিষয় এখনি খোঁজ নেওয়া দরকার।
নৃপতিবাবুর সঙ্গেও আমাব ওদের বিষয় কিছু আলোচনা করবার
আছে।”

“কিন্তু নৃপতিবাবু ত নেই।” সন্টু জানাল।

“নেই? কোথায় গেছেন?” পুবন্দর দাঁড়িয়ে পড়ে জিজ্ঞেস
করল।

“ধুবরি।” সন্টু বললে, “যাবার আগে আমার আর তোমার
ওপর ছেলে-মেয়েদের ভাব দিয়ে গেছেন। কিন্তু দাড়ালে কেন,
চল। সেই-জন্টেই ত আরো এখনি যাওয়া দরকার। দায়িত্ব
এখন বেড়েছে।”

“বিপদ বেড়েছে বল ।” পুরন্দর চলতে শুরু করল ।

দূর থেকে ওরা লক্ষ্য করল নৃপতিবাবুর বাড়ীর দরজা বন্ধ এবং সমস্ত জানলা অন্ধকার ।

“সবাই ঘুমুচ্ছে, ” সন্টু বলল, “চল ফিরে যাই ।”

“না, যখন এসেছি তখন মেয়েদের সঙ্গেও কথা বলে’ যাব । বিশেষ করে’ কনকলতার কাছ থেকে জানতে চাই..... ”

“এত রাত্রে আব কলেঙ্কারী করো না, ” সন্টু তাকে খামিয়ে দিয়ে বলল, “চোঁচামেচি কর ত তুমি একা যাও, আমি ফিরছি ।”

“কোনো গোলমাল করব না, তুমি চল, আমি কথা দিচ্ছি ।” পুরন্দর বলল ।

ততক্ষণে তাবা বাড়ীর দরজায় প্রায় এসে পড়েছে । পুরন্দর এগিয়ে কড়া নাড়তে গেল । সন্টু তাকে বারণ করে’ চোঁটে আঙুল দিয়ে চূপ করে’ থাকতে বলল । পুরন্দর মাথা নেড়ে জিজ্ঞেস করল, কেন ?

ফিস্‌ফিস্‌ করে’ সন্টু বলল, “ঘবের ভিতর কথাবার্তা চলছে । কছে এসে কান পেতে শোন ।”

কিছুক্ষণ চূপ কবে শুনে পুরন্দর ফিস্‌ফিস্‌ করে’ বলল, “একটি ত কনকলতার গলা বলে’ মনে হচ্ছে, আর একটি কার ?”

“তোমার সেই ভদ্রলোকের নয় ত ?” সন্টু জিজ্ঞেস করল ।

“না, কিন্তু ঘরটা ত সেই সঞ্জয়বাবুর দেখতে পাচ্ছি ।” পুরন্দরের কণ্ঠস্বরে কাঠিন্য আসছে ।

“হ্যাঁ, তারই ।” সন্টু জানাল ।

“তাঁর ঘরে এত রাতে কনকলতা কি আলোচনা করছে ?”
পুরন্দর জানতে চায় ।

সন্টু হেসে পাইপ ধরাল । বললে, “সে কথা আমি কি
করে’ জানব ?”

পুরন্দর প্রবল ভাবে কড়া নাড়ল । সঙ্গে সঙ্গে ঘবেব ভিতর
কথাবার্তা খেমে গেল । দুজনে নিঃশব্দে দাঁড়িয়ে আছে । শীতের
ঠাণ্ডা বাতাস বইছে । পাড়া নিস্তরু, দরজা খোলবার কোনো
লক্ষণ নেই ।

পুরন্দর আবার সজোরে কড়াটা নেড়ে দিল । এবার দরজা
খুলে গেল । ভিতবে কনকলতা দাঁড়িয়ে রয়েছে । নিদ্রাবিজ-
ড়িত কণ্ঠে বিস্ময় প্রকাশ কবে’ বলল, “আপনাবা ! এত বাত্রে !
আসুন, ভেতরে এসে বসুন ।” বলে’ ওদের বাইরের ঘরে নিয়ে
গিয়ে আলো জ্বলে দিল ।

আলোয় সন্টু কনকলতাব দিকে চেয়ে দেখল তার সর্বাংগে
সদ্য নিদ্রাভঙ্গের একটি অলস ক্লাস্তি । সে বীতিমত ভড়কে
গেল । এতক্ষণ কি তারা রাস্তায় দাঁড়িয়ে স্বপ্ন দেখছিল ? না,
কনকলতার অনন্যসাধারণ অভিনয়-নৈপুণ্য আছে ?

“ঘুমুচ্ছিলে ?” পুরন্দর জিজ্ঞেস করল ।

প্রশ্নটা সাধাবণ এবং স্বাভাবিক । কিন্তু পুরন্দরের কণ্ঠস্ববটা
হয়ত খুব সহজ ছিল না । তাই কনকলতা প্রায় চমকে উঠে তার
দিকে তাকাল । তাবপর ঠোটে হাসি টেনে এনে বলল, “খুব
ঘুমুচ্ছিলাম । উঠতে একটু দেবী হয়েছে, নয় ? সেই চুরি

নিয়ে সারাদিন এমনি হাঙ্গামা গেছে। ভারী ক্লান্ত হয়ে পড়েছিলাম। বসুন! আপনারা দাঁড়িয়ে রইলেন কেন?”

বসবার সেই একটি চেয়ার। টুলটাও অবশ্য রয়েছে। সন্টু চেয়ে দেখল কোনের বিছানায় রাণু ও খোকা ঘুমুচ্ছে এবং তার পাশেই কনকলতার বিছানা খালি রয়েছে। দেখে মনে হয়না সে-বিছানায় কেউ শুয়েছিল। অত্যন্ত চতুর ও সাবধানী লোকেবও মাঝে মাঝে মাঝাক বকমের ভুল হয়ে যায়।

কনকলতা টুল আর চেয়াবটা এগিয়ে দিল। তাবপর পূবন্দরের দিকে চেয়ে বলল, “বসুন, বসুন, এসে পড়েছেন ভালই হয়েছে। আপনার কাছে যাব ভেবেছিলাম, গিয়ে উঠতে পারিনি। মিছি-মিছি একটা চুরিব অপবাদে জড়িয়ে পড়েছি কাকাবাবু।”

খেলো হাঙ্কামী সন্টু সহ করতে পারে না। এই নিজেকে সম্বা করে' দেওয়া—এতে কি লাভ। অপরের কাছে দাম না থাকলে, শেষ পর্যন্ত নিজের কাছেও তা থাকে না। আর নিজে নিজেকে সম্মান করতে না পারার মত বিড়ম্বনা আর নেই। ঈশ্বরকে ধন্যবাদ, সন্টু এপর্যন্ত আত্মসম্মান বজায় রেখে চলতে পেরেছে।

কিন্তু এই সব মেঘেরা, সন্টু সকালের বিশ্বাস চায়ের কাপটি সরিয়ে রেখে ভাবল, এই সব মেঘেরা যে পাঁচজনের কাছে নিজেদের স্থলভ করে' তোলে এবা কি পায! পুরুষরা যদি জানে যে কোনো একটি মেয়ে যে-কোনো লোকের পক্ষে সহজ নাগালের মধ্যে আছে তাহলে তার সান্নিধ্যের জন্তে তাদের গভীর আকাঙ্ক্ষা কি উদ্দীপ্ত হয়! তারা জানে, যে আজ রামকে সহজ প্রশ্রয় দিচ্ছে, কাল শ্যামকেও সে তাই দেবে। জীবনে নির্ধাই যদি না রইল তাহলে কি বইল!

সন্টু প্রাচীনপন্থী নয়। কিন্তু আধুনিকতা বলতে এই যে বিশ্বাসহীন, নির্ধাহীন, গভীরতাহীন, আত্মবিশ্বাসহীন একটা অস্থির মনোবৃত্তি দাঁড়িয়েছে তার সঙ্গে সন্টু'র পরিচয় নেই। নিজেকে এই দলভুক্ত করতে সে লজ্জা পায়। সন্টু'র কাছে আধুনিকতা মানে কুসংস্কার থেকে মুক্তি, জীবনের সমস্ত দিক সম্বন্ধে প্রথমে ভাবে সচেতন হয়ে ওঠা, উলঙ্গ সত্যের চোখে চোখ রাখতে কুণ্ঠিত না হওয়া। কিন্তু তাই বলে' ভদ্রতা থাকবে না, জীবনে সৌষ্টব থাকবে না, রসায়িত কল্পনা আদর্শকে

আশ্রয় কববে না, এব কি মানে আছে ! মহত্ত্ব জীবনের
স্বপ্নই মানুষকে জয়যাত্রা পথে এগিয়ে নিয়ে যায় ।

এ-যুগেব কোনো স্বপ্ন নেই, এ-যুগেব কোনো আশা নেই ।
সেই জন্যেই হয়ত এ-যুগেব ছেলে মেয়েরা সব নষ্ট হয়ে যাচ্ছে ।
সন্ট অবসন্নভাবে পাইপে টান দিল । আব এব জন্যে দায়ী
এই সহর । খোয়া-বাধানো রাস্তায় আব প্রতিটি বাড়ীর ইঁট,
সুরকি আর চুনে মানুষেব প্রতি একটুও মমতা নেই ।
এখানে মানুষেব কোনো দাম নেই । এখানে প্রত্যেকে ভীড়ের
একজন । এখানে সব জিনিষই দুর্মূল্য, শুধু ঈশ্বরের শ্রেষ্ঠ
জীব মানুষ সস্তা !

সন্ট অস্থির হয়ে ঘরময় পায়চারী কবতে লাগল । এইবার
দিনকতক বাইরে সে কোথাও বেড়িয়ে আসবে । বেড়িয়ে
আসবে কোনো প্রকৃতির রাজত্বে, যেখানে জীবন স্বাভাবিক
নিয়মে উচ্ছ্বসিত । যেখানে সূর্যালোক ফুলকে পুড়িয়ে দেয়না,
রঙ দেয় । যেখানে প্রজাপতি ফুল থেকে ফুলে মধু সংগ্রহ করে'
বেড়ায়, কিন্তু ফুলকে নষ্ট কবে না ।

হঁ্যা, সে চলে যাবে, সন্ট ঠিক করল, অন্তত মাসখানেকের
জন্মে বাইরে কোথাও ঘুবে আসবে । আব যাবার আগে
মন্দিরাকে অনুরোধ করবে 'ভাগলপুবে চলে' যেতে । এই
বিরাট সহরের নাগালেব বাইরে গেলে সে এখনও হয়ত বাচতে
পারে । তার মধ্যে যে-সুকুমার বৃত্তিগুলি এখনও পরিপূর্ণতার
স্বপ্ন দেখছে তা হয়ত শুকিয়ে যেতে পাবে না । তার এই

দিদির সঙ্গে একত্র বাসের আবহাওয়া তার পক্ষে মোটেই নিরাপদ নয়। এখনও সে হয়ত বেঁচে আছে। এখনও সে হয়ত জীবনের শ্রদ্ধ-সমারোহের উচ্ছিষ্ট হয়ে ওঠেনি।

এই শেষের দিকের চিন্তায় সন্টু অনেকটা উৎফুল্ল হয়ে উঠল। তার মানসিক ভারকেন্দ্রের অনেকটা স্থিতিস্থাপকতা ফিরে পেল। ঠিক করল সন্টুর দিকে নৃপতিবাবুর বাড়ীতে যাবে। ঐ সময় কনকলতা প্রায়ই থাকে না, গ্রামোফোন কোম্পানীতে বা রেডিও স্টেশনে যাব। ঐ সময় গেলে তার সঙ্গে দেখা হবার সম্ভাবনা থাকবে না, তার সঙ্গে কথা বলে' আত্মাকে ক্লিষ্ট করে' তুলতে হবে না। দরকার মনে হ'লে মন্দিবাকে নিয়ে কোনো বেস্টব'ায় যেতে পারে এবং সেখানে চায়ের সুখ-তপ্ত আবহাওয়ায় তাকে তার অনুরোধ জানাতে পারে।

একটি বই নিয়ে সে জাঁকিয়ে বসে' তাতে মন দিতে যাচ্ছে, এমন সময় চাকর একটি চিঠি দিয়ে গেল। চিঠিতে মন্দিরা সন্টুকে বিশেষ করে' অন্তবোধ করেছে ছুপুরে তাদের বাড়ী যেতে।

সনির্ভীক অনুরোধ। সন্টু হাসল। প্রসন্ন ভাগ্য এমনি ক'রেই মানুষের চেষ্টাকে সহজ কবে' দেয়। কর্তাহীন গৃহে নিশ্চয়ই কনকলতাব কীতিকলাপ নিয়ে কুরুক্ষেত্র মহাসমরের নবসূচনা হয়েছে। মন্দিরার সহগুণ হয়ত সীমান্তের সমীপবর্তী। তার ক্লিষ্ট মন হয়ত সাহুনার আশ্রয় চাইছে। সন্টু হাসল। দুটো আঙুল দিয়ে বই-এ টোকা দিতে দিতে হাসল এবং ভাবল

এই আশ্রয় সে মন্দিরাকে দেবে। সে মন্দিরার কানে ঢুকিয়ে দেবে দুর্জয় সাহসের বীজমন্ত্র যাব প্রসাদে, এইবার সন্টু উঠে ঘরময় পায়চারী করতে লাগল, যার প্রসাদে পৃথিবীর সমস্ত তুচ্ছতার ওপরে ওঠা যায়। অনুকূল আবহাওয়া তৈরী হয়েছে, এইবার একটি মেয়েকেও অন্তত সন্টু দুর্লভ চবিত্তের অধিকা-রিণী করে' তুলতে পাবে। মন্দিবাব মনোবৃত্তিদের মধ্যে এমন কতকগুলি অঙ্কর সে লক্ষ্য করেছে যারা সূর্য্যের দিকে মাথা তুলতে চায়। লতা-গুল্মে কি তারা আচ্ছন্ন হয়ে থাকবে!

“যৌবন বে, তুই কি কাড়াল আয়ুর ভিখাবী!” চবণটি আবৃত্তি কবে' সন্টু রবীন্দ্রনাথকে সম্মানিত করল। এবং, তারপর চেয়ারে বসে' জানলায় বাইবে রৌদ্র-ঝলসিত আকাশের দিকে উজ্জ্বল চোখে চেয়ে বইল। যৌবন জীবনের স্বর্ণযুগ, সে ভাবল, যখন মানুষ ঈশ্বরের সমকক্ষ হয়ে, প্রতিদ্বন্দ্বী হয়ে দাঁড়াবার স্পর্ধা রাখে। যখন সে পৃথিবীর সব কিছুকে ভেঙে নতুন করে', নিজের মনের মত করে' গড়ে' তোলবার স্বপ্ন দেখে। সন্টুর মনে হতে' লাগল বাইবেব সমস্ত সূর্য্যালোক তরল হয়ে তার শিরা উপশিরায় প্রবাহিত হচ্ছে।

এই যৌবনকে যারা খেলো, নিজ্জীব, স্বপ্নরিক্ত আর আয়েসী করে' তোলে তারা কতদূর অপরাণী, সভ্যতাব তারা কতবড় শত্রু! সন্টু নিঃশ্বাস ছেড়ে ভাবল। জানি, জানি, সন্টু উঠে ঘরময় পায়চারী করতে লাগল, তারা অনেকেই খেতে পায়না। কিন্তু খাদ্য উপার্জনের সেই দুর্দম চেষ্টা কোথায়! পরের দরজায়

ধন্য দিতেই তারা শুধু শিখেছে। সহজে যা পাওয়া যায়। শুধু ভিক্ষা! শুধু কাঙালপনা! আর খেতেই যদি না পায় ত আধডজন আদির পাঞ্জাবী চাই কেন, একডজন রঙচঙে শাড়ী চাই কেন? ফুঃ, চেয়ারে বসে' ছাদের দিকে একরাশ ধোঁয়া ছেড়ে দিয়ে সন্টু ভাবল, এদের যদি প্রচুর সাহায্য দিয়ে এদের অভাব ঘুচিয়ে দেওয়া যায় তাহলে এরা বেঁচে থাকবার কি চরম নিদর্শন দেখাবে তা সন্টু জানে। সে পরীক্ষা করে' দেখেছে। বাঁচার জন্যে যে খাওয়ার দরকার এটা সন্টু মানে, কিন্তু বাঁচাটা যে কিসের জন্যে সেই কথাটাই এদের প্রত্যেককে ডেকে ডেকে জিজ্ঞেস করতে সন্টুর ইচ্ছে হয়।

এরা সব চোর, সন্টু পাইপটা রেখে দিয়ে বিবস মনে ভাবল, যারা প্রতিদানে কিছু না দিয়ে পৃথিবীর কাছ থেকে প্রয়োজনের সবকিছু নিতে চায় এবং নিলজ্জভাবে নেয়, তারা সব চোর। এবিষয়ে সে আর্নল্ড বেনেটের সঙ্গে একমত। মন্দিরা মেয়েটিকে দেখে মনে হয় তার মধ্যে অনেক সম্ভাবনা আছে, তাকে সন্টু চোর হ'তে দেবে না, তাকে অন্তত রক্ষা কববার যথাসাধ্য চেষ্টা সে করবে।

স্নানাহার সেরে' নেবার জন্যে সন্টু উঠে পড়ল। ছুপুরে মন্দিরাদের বাড়ী যেতে হবে।

“কেমন আছেন?” মন্দিরার সচ্ছন্দ কথা বলাটি নিপুন যত্নের সঙ্গে তৈরী করা, “আর আমাদের বাড়ী যান না কেন?”

সন্টু ভাবছিল যে নিলর্জ স্পর্ধা যখন নিজের সীমা ভুলে যায়, তখন তার প্রতিবোধ কি? তবু সে নিজে ভদ্রলোক থাকবেই। মুখে একটি নিলিপ্ত হাসি টেনে এনে বলল, “ব্যস্ত থাকি, যেতে পারি না। নৃপতিবাবু কোথায়?”

“বাবা ধুব্বীতে।” খোকা উত্তর দিল, “জানেন, কাকাবাবু, বড়দির বিয়ে ঠিক হয়ে গেছে।”

“তাই নাকি?” সন্টু কর্ণশ্বরে ঔৎসুক্য আনবার চেষ্টা করল। কিন্তু কোথায় যে বিয়ে ঠিক হয়েছে সে-কথা জিজ্ঞেস করতে ভুলে গেল।

সম্মুখবর্তিনী কবিতার দিগ্ধে ইঙ্গিত করে মন্দিরা বলল, “আলাপ কবে’ দেবেন না?”

সন্টুর তদুতাজ্ঞান এইবার বুঝি লোপ পাবে, আর বুঝি সে নিজেকে নিজের বশে বাধ্যতে পারবে না।

খোকা আদার বলল, “হ্যা, কাকাবাবু। কাকিমার সঙ্গে আমাদের আলাপ কবিধে দিন।” কবিতা যে কে তা বুঝতে খোকাব যেন আর বাকী নেই।

সন্টু খোকার কথার উত্তর দিল, “হবে, হবে।”

“কই আপনি ত আমায় সাইকেল কিনে দিলেন না?” বছরদিন পরে সন্টু-কাকা-কে খোকা যখন একবার পেয়েছে তখন তাঁকে সে আব সহজে ছাড়বে না।

সন্টু আর একবার প্রতিশ্রুতি দিল । অদূবে প্রোচ ও প্রোচ উসখুস করছেন । সন্টু পবিত্রাণ পেলে বাঁচে । সন্টুটির হত্যাসাধন ত পুরো মাত্রায় হয়ে গেছেই, এখন কবিতার মধুব সাহচর্যে মুডকে ফিবে পাবাব তপস্যা করতে হবে । সে বললে, “আচ্ছা এখন আসি, একদিন যাবো’খন ।” কণ্ঠস্বরে সত্যবাদিতার ধ্বনি আনবার সে যথাসাধ্য চেষ্টা করল ।

“যাওয়া চাই কিন্তু,” মন্দিরা বলল, “আমরা আর সে বাড়ীতে নেই ।”

তারপরে সে তাদের নতুন ঠিকানা বলল । এবং এই অত্যন্ত অপ্রয়োজনীয় খবরটি সন্টুকে শুনতে হ’ল ।

মার্কেটকে পিছনে রেখে ওদের গাড়ী চৌবিন্দীতে গিয়ে বেঙ্গল রেস্টুরার সামনে দাঁড়াল । দুজনে একটি ছোট কামরা অধিকার কবে’ ওখোটাবকে নির্দেশ দিল । তারপর সন্টু বলল, “ওরা তোমার সঙ্গে আলাপ করতে চাইছিল যে ।”

“আমার সঙ্গে !” কবিতা আশ্চর্য হ’ল, “কে ওরা ?”

“মন্দিরা, রাগু আর খোকা ।” সন্টু চুরুটে একটা লম্বা টান দিল ।

কবিতা শব্দে একটা লীলায়িত ভঙ্গী তরঙ্গ তুলল । ওটা রাগ নয়, রাগ দেখানো মাত্র । বললে, “আব জিজ্ঞেস করব না । ওই কি পরিচয় দেওয়া হ’ল !”

“আহা নাম দিয়েই ত পরিচয় শুরু করতে হয়,” সন্টু বলতে লাগল, “ওব মধ্যে যে বড মেয়েটিকে দেখলে, ওটি একটি চিহ্ন, ডুবে জল খাবাব কৃতিত্ব ওব অসাধারণ। ওই মেয়েটির ভবিষ্যৎ উজ্জ্বল মনে করে’ অন্ধকাবের হাত থেকে ওকে বাঁচাবাব জন্মে কোনো একটি দুপুরে আমি ওদেব বাড়ীতে গেছলাম। কিন্তু অভিনয়ে ও যে ওর দিদিিকেও হার মানাতে পারে সে-খবর ত তখন জানতাম না।”

কবিতার মনে ওৎসুকোব বান ডাকল। ব্যাপারটা চিত্তাকর্ষক ব’লেই মনে হচ্ছে। একবাব চকিতে সন্টুব চোখেব দিকে চেখে দেখল। হয়ত বুঝতে চাইল তার মনে হতাশার রূপটি ঠিক কি।

“প্রকাণ্ড গল্প, এখন বলবার সময় নেই, আর একদিন হবে।” সন্টু বললে, “আপাতত চা খেয়ে মনের পিঠ চাপড়ে নেওয়া যাক।”

বেশ, কবিতা বাজী। কিন্তু সেদিন দুপুরে কি হয়েছিল সেটা এখনই শোনা দরকাব। নইলে বাত্রে ঘুমের ব্যাঘাত হতে’ পাবে। কি এমন ঘটেছিল যাতে সন্টুব মনের এতটা দিক পবিবর্তন হয়েছে। কারণ কবিতা একথা জানে যে সন্টুর মতের মূল্য আছে, সে সামান্য কাবণে ক্ষণে ক্ষণে নিজের মত বদলায় না।

খাণ্ড-সস্তার নিয়ে ওয়েটার হাজিব হ’ল। শরীরের কোষ ও স্নায়ুকেন্দ্রগুলিতে এসনা পবিভূপ্তি পবিবেশন করতে লাগল।

বাইবে চৌরিঙ্গীতে জীবন উদ্বেল হয়ে উঠেছে। রাত্রির সর্বা-
বয়বে আবার ফিরে এসেছে রহস্য। এইবার ওরা একটি দীর্ঘ
ড্রাইভ দেবে। বাতাসে এখন ধোঁয়া নেই, আছে শীতের ধার।
শরীরে রক্ত চঞ্চল হয়ে উঠবে। হ্যাঁ, এইবার সন্টু সামনে এগিয়ে
যাবে। এক বছর আগেকার একটি অন্ধকার কাহিনী কলকাতার
আবর্জনা-বহুল নোঙরা গলির মত পিছনে পড়ে' থাকবে।

“গল্প আর একদিন বলব,” সন্টু ওয়েটারকে টাকা দিয়ে আর
একটা নতুন চুরুট ধরাতে ধরাতে বলল, “শুধু এইটুকু শুনে রাখ
যে সেদিন দুপুরে আমার পকেটে যদি চানুক থাকত তাহলে সঞ্জয়
বলে' এক ছোকরার সর্বাঙ্গে রক্ত বের করে' ছাড়তাম। হাত
দিয়ে তাকে ছুঁতে আমার ঘেন্না করেছিল।”

“আর মন্দিরা মেয়েটি ?” কবিতা জিজ্ঞেস করল।


চেঞ্জ্ নিয়ে উঠে দাঁড়িয়ে সন্টু জবাব দিল, “ওব কথা
পুরন্দরকে জিজ্ঞেস করো, সে ভাল বলতে পারবে। সন্টুব জগতে
তার দাম এক কানা কড়িও নেই। পথের ধুলো নিয়ে কে আর
মাথা ঘামায় বল !”

11

गणेश

प्रारंभिक


द्वितीय भाग



दशम

সম্রাট সাম্রাজ্য ১৩ সপ্তম

সম্রাট ১৩ সপ্তম এবং জেটি বি. সরকার : (মানুষকচারি জুয়েলার)



আমাদের নিজ কারখানায় প্রস্তুত একমাত্র গিনি কর্ণের নানা প্রকার আধুনিক ডিজাইনের অলঙ্কার সর্বদা বিক্রয়ার্থ মজুত থাকে ও অর্ডার

দিনে ২৪ ঘণ্টার মধ্যে তৈয়ারী হয়। দক্ষুরী পূর্বাগে কমান হইয়াছে। গত জিথিলে আমাদের আধুনিক ডিজাইনের সম্বন্ধিত বি ৪ নং কাটালগ বিনামূল্যে পাঠান হয়।

পত্রিকা প্রার্থনায়।

V. 32/40.

টেলি: রিপ্লিয়ান্টস

১২৪, ১২৪-১ ব্রহ্মবাজার ষ্ট্রীট

ফোন বি. বি ১৭৬১

प्राण प्राण

शक्तिरक्षक और विशेषण, ऊर्ध्वस्था

आमंत्रण: प्राण, २१०७.

एकमात्र शक्ति अर्पण

उल्लासक निर्वास


अज्ञानं भूलोड, पुनः पुनः अज्ञानं,

आभासक प्रकृत व्यवहार उल्लासक अर्पण.

पूजा शक्ति आभासक भूलोड, आभासक विभासक

आभासक भूलोड आभासक अर्पण-अज्ञान

शक्ति ?



हृदय आभासक
शक्ति अर्पण

চন্দনপ্রাশ
ত্বসের

অমলক মঞ্জুর বাসুদেব

মকরমুখডল
৪১ জেলা

শান্তি ত্রিমধাময়-চাবক

১৩০৮ সনে স্থাপিত হইয়া আয়ুর্বেদ-জগতে যুগান্তর আনিয়াছে।
আয়ুর্বেদের অন্ততম লুপ্তরত্ন, নানাবিধ অসাধ্য ব্যাধির অত্যাশ্চর্য্য মর্হৌষধ

“মৃতসঞ্জীবনী সুরা” নামে, বর্ণে, গুণে ঠিক ঠিক আয়ুর্বেদমোক্ত।
মনে রাখিবেন আয়ুর্বেদে এই অমৃতোপম মর্হৌষধের নাম “মৃতসঞ্জীবনী সুরা।” ইহার অস্ত্র নাম আয়ুর্বেদে নাই। অস্ত্র নামের
পেটেন্ট ঔষধের সঙ্গে আমাদের আয়ুর্বেদীয় ‘মৃতসঞ্জীবনী সুরা’র কোনও সাদৃশ্য নাই। গতগমেণ্ট হইতে লাইসেন্স
লাইয়া বহুশতাব্দীর পরে আপনার সর্বপ্রথম আয়ুর্বেদমোক্ত এই লুপ্তরত্ন “মৃতসঞ্জীবনী সুরা” পুনঃ প্রচলিত
করিয়া আমাদের গ্রাহক ও অনুগ্রাহকদিগকে এই আয়ুর্বেদমোক্ত হৃদয় মর্হৌষধ এবং আয়ুর্বেদীয় নানাবিধ
অকৃত্রিম ঔষধাবলী উচিত মূল্যে সেবন করিবার সুবিধা করিয়াছি এবং যাহাতে সকলই উহা অনায়াসে
অন্ন খরচে সর্বত্র পাইতে পারেন, সেই উদ্দেশ্যে নানাযানে ব্রাক্ষ্মণিতেছি।

মৃতসঞ্জীবনী সুরা ২।।০ পাইন্ট
৪।।০ কোয়ার্ট

অমল, অঙ্গীর্ণ, নানাবিধ বাত,
সুতিক্ত, হৃৎসাধ্য কঠিন রোগান্তে

Marquess of Zetland, Ex. Secretary of
State for India graciously remarked
while Governor of Bengal—

“I was astonished to find a Factory at
which the production of medicines was carried
out on so great a scale. Large number of

দর্শনসংস্কার চূর্ণ—১৩/৩

আনা কোর্জি—মরিচ অমল

দস্তুরোগের দস্তুরাখন।

বসন্তকুসুমাকর রস ৩/ সপ্তাহ
সর্ষবিধ বহুমাত্রের অধিতীয়
মহোষধ ।

সিদ্ধি-মকরধ্বজ ২০/ তোলা
সকল প্রকার ক্ষয়রোগ ও দ্বায়বিক
দৌর্ভাগ্যানাশক । সিদ্ধি মহাপুরুষ
কর্তৃক প্রদত্ত শক্তিশালী মহোষধ ।
মহাতৃষ্ণরাজ তৈল ৬/ সের
সর্ষজন প্রশংসিত আয়ুর্কোদোক্ত
মহোপকারী কেশ-তৈল ।

ও ভাইসরয় ও বাঙ্গালার তৃতপূর্ব গভর্নর **লর্ড**
লীটিন বাহাদুর লিখিয়াছেন—

"I was very interested to see this remarkable factory which owes its success to the energy and enthusiasm of its proprietor Babu Mathura Mohan Chakravarty B. A. The preparation of indigenous drugs on so large a scale is a very great achievement. The factory appeared to me to be exceedingly well managed and well equipped &c. &c."

দেশবন্ধু সি, অ্যান্ড, দ্যাশ—“শক্তি ঔষধালয়ের
কারখানায় ঔষধ প্রস্তুতের ব্যবস্থা অপেক্ষা উৎকৃষ্টতর
ব্যবস্থা আশা করা যায় না।” ইত্যাদি—

স্বতন্ত্রসঞ্জীবনী তুরুরা অমল, বাতজীর্ণ (Dyspepsia) গ্রহণী, দ্বায়বিক দৌর্ভাগ্য, ষফুতের সকল প্রকার দৌর্ব, অপসর্ষ
হর্ষলতা ও হৃতিকা রোগ, কলেরা ও টাইফয়েডের পরে হর্ষলতা প্রভৃতির মহোষধ । পিণ্ড বোতল ২।০, কোয়ার্টি বোতল ৪।০
ম্যানেনজিং প্রোপ্রাইটার—শ্রীমথুরামোহন মুখোপাধ্যায় চক্রবর্তী, বি-এ, হিন্দু কেমিস্ট ও কিজিসিয়ান ।
টেলি “শক্তি” ঢাকা ।] [পোষ্ট বক্স নং ৬, ঢাকা ।

প্রোপ্রাইটারগণ—শ্রীমথুরামোহন, লালমোহন ও ফণীমোহন মুখোপাধ্যায়, চক্রবর্তী ।
চিকিৎসকগণের জন্য উচ্চহারে কমিশনের ব্যবস্থা আছে । আয়ুর্কোদীয় চিকিৎসা-প্রণালী সম্বলিত কাটালগ পাঠিয়ে
পাইবেন ।

চৌম্বলী ব্রাঞ্চ—১২ নং চৌম্বলী, কলিকাতা ।
কলিকাতা হেড অফিস—০২।১ বিজন স্ট্রীট । কটক ব্রাঞ্চ কটক । বোম্বাই ব্রাঞ্চ—৪১৩এ কালবা দেবী রোড, বোম্বাই

বহুবাজার, শ্যামবাজার, ভবানীপুর,
খিদিরপুর, চৌরঙ্গী ।

অস্তান্ত ব্রাঞ্চ—সয়মনসি, বেঙ্গল
কোলা, কুষ্টিয়া, জলপাইগুড়ি, বরগুণা
মাদারীপুর, সিরাজগঞ্জ, ঝিনাইদহ, কুমিল্লা
নেদীনীপুর, বহরমপুর, ব্রাহ্মবাজার
গৌহাটী, কানপুর, এলাহাবাদ,
গয়া, বেনারস, কাশী, পৌর-
পুর, ভাগলপুর, পাটনা, মাদারী
দিল্লী, মাদারী, ঢাকা, পটুয়াখালী
ও চক, নারায়ণগঞ্জ, আশসোলপুর,
চৌমুহানি (নোয়াখালী) ফিল
হকিয়া (ডিক্রগড়) রেঙ্গুন, বেঙ্গল
মেণ্ডালয়, পুননা, কটক প্রভৃতি ।

প্রায় ও প্রিয়া নিকাচন সমস্যা !!

নারীর নিকট কোন পুরুষ প্রিয় ?

ধারায় শাস্ত ও শক্তি অটুট ! নহে কি ?

দৈব-প্রাণে “বিজয়া !” বর্নোষধি

আপনাকে তাহাই দিতে সক্ষম । শমনেয় ও উক্তভরণ্য নাশ করিয়া
বীৰ্য্য স্বেচ্ছাধীন স্বামী-স্বজন করিতে অধিতীয় ও অব্যর্থ । কোমরে
ধারণ করিতে হয় । মূল্য ২।০ টাকা ।

দৈব-প্রাণে “বিমলা !” বর্নোষধি

সর্বপ্রকার গণেশ্বরের অঙ্কিত ও আশ্চর্য্য কার্যকরী ! এমন কি,
‘বিমলা’ কোমরে ধারণ করা থাকিলে গণেশ্বরিয়া-রোগাক্রান্ত হইবারও
সম্ভাবনা নাই ! মূল্য ২।০ টাকা ।

অর্থ-প্রাণে “সুন্দরী” বর্নোষধি

সর্বপ্রকার অর্পণেয় শিব, স্বামী ও আশ্চর্য্য কল দান করে । অঙ্গে
ধারণ করিতে হয় । মূল্য ২।০ টাকা ।

আমরা এতকটি ঔষধের গ্যারান্টি দেই এবং ঔষধগুলি ধারণের বন্দিয়া সর্বপ্রকার কুফল হইতে মুক্ত ।

ম্যানেকার :—এইচ, কে, জাহিরা এণ্ড সন্স—পো: উলিপুর, জিলা রংপুর (বেঙ্গল)

পুরুষের নিকট কোন নারী প্রিয় ?

ধারায় শাস্ত ও নৌশর্ষ মনোরম ! নহে কি ?

দৈব-প্রাণে “ইচ্ছাময়ী !” বর্নোষধি

ইচ্ছামত সম্ভাবনামনোরমের এই আশ্চর্য্য বর্নোষধি কোমরে ধারণ করা
থাকিলে নিরর্থক সম্ভাবনের মাতা হইয়া ‘কুড়িতে বৃদ্ধি’ হইবার ভয় নাই !
মূল্য ২।০ টাকা ।

বর্নিকরণে “মোহিনী !” বর্নোষধি

ব্যবহারে অবাধ্যা স্ত্রী স্বামী, অবাধ্য স্বামী স্ত্রীর এবং উপর ওয়ালী
মনিব নিজেই ইচ্ছাধীনে চালিত হইবে ! এমন কি, স্ত্রী-পুরুষ নিকির্শনে
আপনার যে কোনও শত্রুকে আপনি বশীভূত করিতে পারিবেন !
উভয়ের নাম এয়োজন—এক ঔষধে স্ত্রী ও পুরুষ বশীভূত হয় না !
মূল্য—২।০ টাকা ।

অষ্টব্য :—পত্র খামে দিতে ম্যানেকার ব্যতীত খোলা হয় না ।
অর্ডার দিতে দয়া করিয়া ‘বহুমতীর’ নাম উল্লেখ করিবেন ।

আমরা এতকটি ঔষধের গ্যারান্টি দেই এবং ঔষধগুলি ধারণের বন্দিয়া সর্বপ্রকার কুফল হইতে মুক্ত ।

ম্যানেকার :—এইচ, কে, জাহিরা এণ্ড সন্স—পো: উলিপুর, জিলা রংপুর (বেঙ্গল)



আমের...

ন্যাশনাল
লাইফ ইন্স্যুরেন্স




ইন্ডিয়ান
লিফ ইন্স্যুরেন্স

ম্যানেজিং এজেন্টস্ :- মার্টিন এণ্ড কোং, ১২নং মিশন রো, কলিকাতা।

ঢাকা অফিস :- ৫৮ পাটুয়াটুলি, ঢাকা।
 বিহার অফিস :- লোয়ার রোড, বাকীপুর, পাটনা।
 আসাম অফিস :- শিলাং রোড, গৌহাটি।



সাবিডলের একটি বড়ি
আর এক গোলাপ জল



সাবিডল

সফলতায়া পূর্বকরে

